

2



Ex Bibliotheca
majori Coll. Rom.
Societ. Jesu

40.6.47

40
B
48

40
B
15

105

8°.

201

F. HENRICI SEDVLI,

Collig. Rom.


ex Ordine Minorum, *Soc. Jesu.*

DIVA VIRGO

MOSÆ-TRAIECTENSIS.

De Ciuitate Mosæ-Traiectensi, & Diuæ Virginis
Imagine. De sacrarum imaginum antiquitate,
vfu & fructu, ad sensum Ecclesiæ. De Suppli-
cationibus siue Processionibus Ecclesiasticis, &
nonnullis aliis ritibus priscis ac nouis. Admi-
randa à Diuæ Virginis imaginibus superioris
ætatis. A Diuâ Traiectensi miracula xui nostri,
ex fide scripta.

Catal.



Inscript.



Bibl. Card. ANTVERPIAE, *Biblioth.*

EX OFFICINA PLANTINIANA,
Apud Ioannem Moretum.

M. DC. IX.



Nobilibus & Clarissimis
PRAETORIBVS,
CONSVLIBVS,
SENATVI

VRBIS MOSÆ-TRAIECTENSIS

F. Henricus Sedulius do & confecro.



LIBRVM hunc meum,
Amplissimi Viri, iure vobis offero: quia
de vestrâ Vrbe, pietate & miraculis agit
DIVAE VIRGINIS, quæ apud vos est
magnâ veneratione. Ciuitas vestra
meritò dilaudatur ab amœno situ, à
cruitate, ab altis mœnibus, à conspi-
cuis templis, ab amplitudine, à rerum
opum copiâ, & rebus in bello for-
ter gestis: sed ea fragilia sunt, incerta
caduca. Vrbes vniuersæ vbi fuerint
iquando quæretur, & exitij vario
nere tollentur. Quidquid longa
series

series struxit laboribus multis, vna
dies dissipat. Incrementa lentè vide-
mus exire, in damnum festinari, nihil
publicè stabile manere. Omnia hu-
mana, lanugo, vmbra, flos, aura, lu-
dus, orbis quidam perpetuâ conuer-
sione omnia voluens; nunc stabilis,
nunc rotans, nunc labilis, nunc fixus,
anni temporibus, diebus, noctibus,
mœroribus, voluptatibus, morbis
& variis calamitatibus, secundisq̃ue
rerum successibus; deniq; finis om-
nium pulvis. Atqui religio & pietas
ad omnia utilis, promissionem habet
vitæ, quæ nunc est & futuræ: à quâ
remotos oculos numquã Vrbs vestra
habuit; nisi quòd illi, orbis exitio na-
ti, tãtis per ciuitatem infederint, dum
impietatis suæ pœnas exsoluissent.
Religione vnicâ & verâ imbuti, ha-
ctenus floretis, etiam post tot strages
atque ruinas. Pronior etenim Deus
in suos cultores: & nihil est, quod ita
nequeat

nequeat occasui subiacere, quàm vera Religio; quâ nihil hominibus desiderabilius, nihil sanctius haberi debet: ut quæ sola certò ducit ad veri Numinis aram & immortalitatem; sine quâ pecus est omnis homo. Et verò scimus plerosque haberi citra pietatem beatos in speciem: à quibus tamen ipsa beatitas plusquam cælum à terrâ disiungitur. Deum nesciunt, & diuitiis affluunt: honoribus florent, pollent potestate. Sed quid? altiùs attolluntur, ut cadant altiùs. Quemadmodum victimæ saginantur ad supplicium, & hostiæ coronantur ad poenam: ita miseri hîc bona sua recipiunt, tandem æternis ignibus addicendi. Itaque nemo beatus dici potest extra veritatem proiectus. & nusquam potest esse vera felicitas, ubi non est vera pietas. Quapropter nulla spes immortalitatis atq; beatitudinis homini potest esse reliqua, nisi profligatis

cunctis erroribus, Deum agnoscat,
Deo seruiat, Deum colat vinculo pie-
tatis obstrictus, vnicâ verâ Religione.
Hanc tuetur, hanc amplectitur, huic
præsidet ipse Deus: ex hac oritur no-
bis æterna salus; quæ detrectantibus
erronibus, pecorû ritu, non quâ eun-
dum est, sed quâ itur pergentibus,
denegatur. O mortalium omnium
infelicissimos! quorum hîc pars
maior; fatendum est: sed & peior, vti
etiam est lata via ad interitum tritior,
quæ maximè decipit. Errant porrò,
errant; & aliis insana multitudo fit
auctor erroris, tradito per manus er-
rore plurimos præcipitante. Ab hoc
liberi vos, clarissimi Viri, vt fortiter
hactenus, cum bonorum laude, cum
aliorum inuidiâ egistis; in arce Eccle-
siæ pro Deo, pro fide, pro religione
certantes, prompti paratiqûe cum
sanguine profunderè vitâ; quam sta-
tionem acceperistis viui, tenete mortui.

Exegit

Exegit à me pietas Urbis vestræ mul-
tiuaria , sed principaliter singularis
illa statuta & solemnis posttridie Do-
minicæ Resurrectionis , in DIVÆ
VIRGINIS honorem admiranda Sup-
plicatio ; cui , an vsquam terrarum
alia comparari queat , nescio ; tum
etiam , multa variaque miracula , ab
ipsâ Diuâ , & ad ipsam , plurimùm
ipsâ Supplicationis die patrari visa ;
hæc ipsa scribere , & prudentiæ vestræ
dedicare . Quidquid igitur , Viri no-
biles , Viri prudentes , hoc operis
est ; si quo id animo vobis offero ,
benignè accipitis , gratiam retuli-
stis . Antuerpiæ , ex nostrâ cellulâ ,
v. Idus Martias, ∞ , 100. IX.

BENIGNO LECTORI.



TRAIECTVM ad Mosam,
 Leodicensis Antistitis, vnâ
 etiam Brabantiae Ducis,
 pietate, modestiâ, armis
 virisque nobilem urbem, cùm venissem
 pro ratione muneris: accepi multa ad
 Deiparae Mattis imaginem, quæ in cœ-
 nobio nostro Fratrum Minorum est,
 facta miranda; & inter ea, necdum fuis-
 se, qui stilo prouulgaret. Itaque lubens
 Dei gloriae, & Diuæ Virginis honori id
 operis suscepi: inquisiui, collegi, scripsi;
 non dubiosa, sed ea dumtaxat, quæ dili-
 genter examinata in publicis confessi-
 bus, testibus firmata sunt & iurata.
 Omnia non licuit: quia & hîc quoque,
 quod Ecclesiæ lumen in re tali; *Miracula*
vbicumque fiunt, ibi sciuntur vix à totâ
ipsâ ciuitate, vel quocumque commanentium
loco: nam pleramque etiam ibi paucissimi
sciunt, ignorantibus ceteris, maximè si
magna sit ciuitas. Et quando alibi aliisque
narrantur, non tanta ea commendat auctori-
tas, vt sine difficultate vel dubitatione cre-
dantur,

Augustin.
 lib. 22. de
 Ciu. Dei.
 c. 8.

dantur, quamuis Christianis fidelibus à fidelibus indicentur.

Et verò nihil hîc de mendacio adscriptum, sed quæ certa sunt commemoro. Inquirant, quibus sua salus curæ & cordi est, credent. Sin autem: nihil mirum. *Solent oculis clausis denegare, qui non credunt factum esse, quod nolunt.* Clausos oculos habent, ne in his Veritatis lumen adspiciant. *Apud prophanas mentes, nulla res præclara fidem inuenire potest.* Et cur non credunt? *Quia etiam sub Mose, quando etsi non talia, plurima tamen sunt facta miracula; nihilominus post illa omnia, post voces, post tubas, post tonitrua, post fulgura, & vitulum fabricauerunt, & Beëlphégor initiati sunt. ita & hi ipsi qui aderant, cum vidissent Lazarum resuscitatum, tam longè tamen à credendo ei, qui hoc ipsum operatus fuerat, refugerunt, ut ipsum quoque interficere sæpè conati sint.* Quando enim anima ingrata fuerit ac praua, morboque inuidiæ oppressa, nullo omnino horum superatur; *ut è regione voluntas bona, una cum fide omnia suscipit, nec admodum indiget signis iuuari.*

Hier. adu.
Lucifer.

c. 4.

Gre. Naz.
Orat. in
funere
frat.

Io. ChryC
Hom. 13.
in Matth.

Ioâ. 11. 47.

Dei Diuorumque hostes, Sanctorum negant miracula, perduelles Catholicæ Religionis: quæ cum miraculis adstruitur, hæc contemptum eunt; vt arma, quibus illi sternuntur, nobis eripiant.

Amb in 1.
cap. ad Ro.
Non erubescō Euā-
gelium.
1. Tim. 1.
17.

*Nulli dubium, verba virtuti cedere, prauas doctrinas prodigiis & miraculis. Faceſſat impia malignitas, & cecitas imperita. Nam quid? Soli Deo honor & gloria, inquitis: non Sanctis, non icunculis istis. Audite; Soli Deo honorem damus, vt omnium bonorum fonti: ſed is quia in Sanctos deriuat, etiam illos adſpectu diuinitatis colimus; non vt deos, ſed vt qui Deum ſibi pietate conciliauerunt. Scimus quid ad Heli Sacerdotem ipſe Deus; Quicumque honorificauerit me, glorificabo eum. Itaque ego filij gloriam cum matre; non tam communem dico, quàm eandem. * Nec eſt dubium, quidquid in laudibus matris proferimus, ad filium pertinere: & rurſum, cùm filium honoramus, à gloriâ matris non recedimus. Deus in homine colitur, & homo in Dei religione honoratur; addo etiam, & adoratur. Porrò ſolius Dei honor, quem*

1. Reg. 2.
31.
Arnold.
Carnoten.
De laudib.
Mariæ.
* Ber. Ho 4
ſuper Miſ-
ſus eſt.

quem isti prætendunt, Dei iniuria, & orbis interitus est.

De miraculis Diuæ Virginis magni viri haud pœnitenda scripserunt: sed etiam ista inuenerunt sacrilegium. Sed quemadmodum qui fontes obstruunt, alibi fortiùs vident erumpere: ita aduersus inuidos istos, veritatis antagonistæ violentiùs repugnant. Quos mihi ius sit in hoc itinere sequi, etsi non eodem gradu. Verùm cùm mihi, quæ veterum Catholicorum sententia, & sensus de sacrarum cultu imaginum, aduersus Nouatores sit apertè declarandus; & nonnulli ritus Ecclesiastici, in illâ nostrâ celeberrimâ Supplicatione (quam infrà describimus) hætenus in laudem Dei genitricis vsurpati, asserēdi videantur: quod mihi solemne est, *lubenter*, *ubi mihi congruere video, verba Sanctorum assumo: quò vel ex vasculorum pulchritudine gratiora fiant, quæ in his Lectori apposuerim.* Christi testimonio, *Vinum vetus melius est.*

Cap. 21.

Ber. Ser. 3.
super Mis-
sus est.

Luc. 5. 39.

Ceterùm ego, cum illustri Scriptore, obsecro eos qui lecturi sunt, vt fidem dictis adhi-

Sulpit. Se-
uer. debitâ
S. Martini.

Indid.

*adhibeant, neque me quidquam nisi comper-
tum & probatum scripsisse arbitrentur:
alioquitacere, quàm falsa dicere, maluisssem.
Et licet maligni, nos quoque cum
Diuâ Virgine quàm maximè oderint;
tamen illud facile confido, omnibus sanctis
opusculum istud gratum fore. De cetero, si
quis infideliter legerit, ipse peccabit. Ego
mihi conscius sum, me rerum fide, & amore
Christi impulsus, ut hæc scriberem, mani-
festa exposuisse, vera dixisse: paratumque,
ut spero, habebit à Deo præmium, non qui-
cumque legerit, sed quicumque crediderit.*



PHY-

PHYSIOGNOMIA

D. VIRGINIS Mariæ.



MORES, formæ & staturæ eius modestalis (vt inquit Epiphanius) fuit. Erat in rebus omnibus honesta & grauis, pauca admodum eaque necessaria loquens, ad audiendum facilis, & perquam affabilis, honorem suum & venerationem omnibus exhibens. Staturâ mediocri: quamuis sint, qui eam aliquantulum mediocrem longitudinem excessisse dicant. Decenti dicendi libertate aduersus homines omnes vsa est, sine risu, sine perturbatione, & sine iracundiâ maximè. Colore fuit frumentum referente, capillo flauo, oculis acribus, subflauas & tamquam oleæ colore pupillas in eis habens. Supercilia ei erant inflexa, & decenter nigra. Nasus longior, labia florida, & suauitate verborum plena. Facies non rotunda & acuta, sed aliquanto longior; manus simul & digiti longiores. Erat denique fastus omnis expers, simplex, minimeque vultum fingens, nihil mollitiei secum trahens, sed humilitatem præcellentem colens. Vestimentis, quæ ipsa gestauit, coloris natiui contenta fuit; id quod etiamnum sanctum capitis eius velamen ostendit. &c.

Niceph.
Callist.
lib. 2. hist.
Eccles.
cap. 23.

IN

IN DIVÆ VIRGINIS MOSÆ-
TRAIECTENSIS Miranda à R. P.
HENRICO SEDVLIO descripta.

INSIGNES pietate viros, virtutibus, arte,
Ingenio, meritis, doctrinâ, viribus, armis,
Moris erat quondam statuis ornare dicatis;
Vivat ut aeternum per postera sæcula nomen.
Olim sic fertur magnum decorasse Platonem
Rex Ponti: meritis sic Scauola, Clælia, clari
In patriam, dicto pariter celebrantur honore;
Effigiemque sui Demosthenis Attica tellus
Exhibet, ingenti fabricatum mole colossus.

En tibi, Virgo parens, vasti per climata mundi
Christicola statuas gratanti pectore passim
Constitunt, titulos, altaria, templa, domosque:
Quod genus humanum tantis sit honoribus auctum,
Ereptumque malis per te, veneranda supremi
Sponsa Dei, Regina poli, genitrixque Tonantis!
O quam te memorem Virgo! Quis carmine claudat
Tot benefacta tuo merito mortalibus agris
Præstita, continuus tot iam labentibus annis?

Traiectum vel certè unum testatur abundè,
Pluribus auxilium miseris ibi Virgo beata
Ut præstet, sacram Francisco aduentibus adem.

Sedulus ista stylo dulci Sedulius, ecce,
Describit: placido tu, Diva, hac suspice vultu.
Perlege Lector onans: nam post legisse iuvabit.

F. Gulielmus Spoelbergius ex Ordine
Minorum, Guardianus Mechli-
nienfis, canebat.

PAV-

PAVLVS PP. V.



UNIVERSIS Christifidelibus præsentēs litteras inspecturis Salutem & Apostolicam benedictionem. Ad augendam fidelium religionem, & animarum salutem, cælestibus Ecclesię thesauris piâ charitate intenti : Omnibus vtriusque sexus Christifidelibus verè pœnitentibus & confessis, ac sacrâ Communione refectis, qui Ecclesiam Fratrum Ordinis Minorum sancti Francisci de Observantiâ, Ciuitatis Traiectensis, Leodiensis Diœcesis, in secundo festo Paschatis Resurrectionis Domini nostri Iesu Christi à primis vesperis vsque ad occasum Solis Festi huiusmodi, singulis annis deuotè visitauerint, & ibi pro Christianorum Principum concordia, hæresum extirpatione, ac sanctæ Matris Ecclesiæ exaltatione, pias ad Deum preces effu-

effuderint; Plenariam omnium peccatorum suorum indulgentiam & remissionem misericorditer in Domino concedimus: præsentibus ad septennium tantum valituris. Volumus autem, ut si aliàs Christifidelibus dictam Ecclesiam visitantibus aliquam aliam indulgentiam perpetuò vel ad tempus nondum elapsum duraturam concesserimus, præsentibus nullæ sint. Datum Romæ apud S. Marcum, sub annulo Piscatoris, die XXIII. Iulij, M. DC. VII. Pontificatus nostri Anno tertio.

Scipio Cobellutius.

F. HEN-

F. HENRICI SEDVLI,
ex Ordine Minorum,
DIVA VIRGO
MOSÆ-TRAIECTENSIS.

CAPVT I.

*Affectus noster aduersus Deiparam Virgi-
nem, cum illius inuocatione verbis san-
ctorum Patrum.*



MIRACVLA scripturus Diuæ
Traiectensis, cum à Numine,
prisco pioque ritu, principia
capienda sint, *inhabitatore* Hieron.
eius inuoco Spiritum sanctum: Hilarion.
ut, qui illi virtutes largitus est, mihi ad narran-
das eas sermonem tribuat, ut facta dictis exa-
quentur. Verùm id quis poterit pro eius di-
gnitate? quippe quæ tanta sit, ut vniuersa quæ Basil. Episc.
mundi ambitu continentur, cum illius digni- Seleuc. ser.
tate comparari non valeant. Si enim Aposto- de Annun-
lus Paullus de aliis Sanctis verè asserit, Quibus tiat. B. Ma-
dignus non erat mundus: quid de Dei parente riæ.
Virgine cogitare nos par est, quæ vniuersos suo Heb. 11. 38
A plen-

*splendore tantum excedit, quantum Sol reliqua
astra?* Sed licet metus deterreat, tamen quia
animus adhortatur: certi, munera non manu
æstimari sed mente; tum etiam, quid scribere
fas sit, non quemadmodum, in primis dispi-
ciendum esse; cùm facere scribenda nequea-
mus*, conabimur legenda scribere.

2. Te igitur Diua Virgo secundùm Deum
adeuntes, quâ fas est adoratione & precibus,
flexis genibus cordis & corporis supplicamus;
adepto patrona tuis operibus: adepto clien-
tuli tui scriptioni. *Gratiâ plena es, Dominus
tecum est:* non modò tibi, sed & omnibus no-
bis. Non potest siccare fluuius, qui semper
impletur: imple mentem, moue manum, vt
etiam noster sit *calamus scribe velociter scri-
bentis*. Te imploramus, per quam spes vnica
salutis ad nos profluxit. *Inuiolata, integra, pla-
neq; pura ac casta Virgo, Dei genitrix Maria!
Regina omnium, spes desperantium, Domina
nostra gloriosissima, optima atque præcellen-
tissima! sublimior calitibus, candidior Solis
radiis atque fulgoribus, honoratior Cherubim,
& multis oculis claris spiritibus perspicacior;
sanctior Seraphim, & incomparabiliter reliquis
omnibus supernis exercitibus gloriosior! Vnica
spes Patrum, gloria Prophetarum, præconium
Apostolorum, honor Martyrum, lætitia Sancto-
rum, & lumen probatissimorum Abraham, Isaac
& Iacob! decus Aaron, splendor Moysis, & Ge-
deonis*

Luc. 1. 28.

Psal. 44. 2.

Ephrem
de laudib.
B. Mariæ.

deonis vellus; cætus Hierarcharum omniumq;
 Sanctorum corona, ob immensum fulgorem
 atque splendorem inaccessa! . . . sub tuâ tutelâ
 & protectione toti sumus. Da verbum cordi,
 quæ mundo dedisti Verbum Deum. Da, quod
 piè institui, feliciter exsequi; Deo in honorem
 & gloriam, tibi in debitum cultum & venera-
 tionem, cultoribus tuis in fructum.

3. Tu mihi Diva faue, calû cui militat omne, Bapt. Mât.

Quâ trepidât Erebi sedes; cui terra fretumq; 1. Parth.

Vota precesq; ferunt: nostro tu Sancta labori

Sis præsens: operiq; tuo largita futuro

Præsidium, nostra veniens illabere menti.

Tu licet à nostro spatiis ingentibus orbe

Disiungere, suos quâ tum Polus eleuat ignes:

Non tamen humanos casus oblita, tuumq;

Nil pertæsa genus, vigili mortalia curâ

Suscipis, & lacryma tangunt tua pectora
 nostra.

Tu placidum terris fidus, quod liberat omnes

A pelagi feruore rates, quod luce benignâ

Saturni Martisq; graues eliminat iras.

Tu nobis Elice, nobis Cynosura; per altum

Te duce vela damus portus habitura secûdos.

Tu mare, tu vêtos, tu sidera cuncta, Deumq;

Conciliâs; tu tanta salus, tu pacis origo,

Tu commune bonû, generis tu gloria nostrî.

Huc ades: & captos præsentî numîne cursus

Dirige, & infirmam rege per vada carula
 puppim.

Ioan. Da-
mas. in
Carminib.

4. *Inuituperabilem, Deipara, spem tuam habens seruabor: defensionem tuam possidens; per quam, ô pura, non timebo. Persequar inimicos meos, & in fugam vertam; solam habens ut thoracem, protectionem tuam, & omnipotens auxilium tuum. Et deprecor clamans tibi: Domina salua me intercessionibus tuis; & eleua me è tenebroso somno ad tuam glorificationem, potentiâ ex te incarnati Dei.*

G. Naziâ.
Tragœd.
Chris. pat.

*Veneranda ô Virgo! casta, felicissima!
Quanta beata nunc Beatorum in polo,
Exuta quidquid facis humana, sedes,
Aeternitatis pallio ornata, ut Dea
Habita, senecta expers: supremo ex aethere
Benigna adesto vocibus meâ, preces
Admitte Virgo ô inclyta! hic quando tibi
Verbi parenti, sed supra modum tamen
Legemq;, solus inter omnes contigit
Honor. Ego fretus his, tibi me audentiùs
In verba supplex offeram: & suauissimo
Contextam ab horto, quâ tuû exornem caput,
Coronam, ô Domina, proferam.....*

CAPVT II.

Origines vrbis & pontis Traiectensis.

I. **S**ED operæ pretium fuerit, ante omnia,
Squâ nota sunt, vrbis initia, vbi magnâ
pietate Diuæ Virginis imago colitur, præli-
bare.

bare. Verùm hæc exquisitissimè perscribere, non tam in promptu est, quàm incrementa videre. *Nulla non res principia sua magno gradu transiit*. Ut glandes minimæ sunt partes, quas magna ferunt robora, caulæ quoque maximarum arborum: sic immensæ ciuitates paruis creuere primordiis. Paullò altiùs nonnulla repetenda sunt, lucem aliquam offusis tenebris allatura. Fabulosa, & quæ talia videri queant, prætereo, ea modò scripturus, quæ apud bonos memorantur auctores.

2. *Gallia omnis est diuisa in partes tres: quarum unam incolunt Belgæ, aliam Aquitani, tertiam, qui ipsorum linguâ Celta, nostrâ Galli appellantur*. . . . Belgæ ab extremis Gallia finibus oriuntur: pertinent ad inferiorem partem fluminis Rheni; spectant Septentriones & orientem Solem. Et verò comperimus ple-
rosq; Belgas esse ortos à Germaniis, Rhenum antiquitus transductos, propter loci fertilitatem ibi consedisse, Gallósque qui ea loca incolerent expulisse. Neque incompertum est, irrupisse Germanos adusque Nerviós: & ij quoque
natio Germanica.

3. Porro autem, qui primùm Rhenum transgressi Gallos expulerunt, nunc Tungri, nunc Germani vocati sunt, quod sæculo Cæsaris, aut circa ea tempora ante ipsum, euenisse certum est; quando nonnihil res Tungrorum

augeri cœperunt: vt verisimile sit, cùm ad Tungrorum urbem, siue per eam ad alios Belgicę tractus, Transrhenani quotidie proficiscerentur; & Mosa, quem oportebat transmittere, vbi nunc Traiectum est, haud procul à Tungris, oportunissimum transportationi locum præberet; per flumen traiectum fuisse nauigiis: nam hodieque Germanorum cum variis mercibus frequentissima per urbem Traiectum vltro citroque commeatio est.

4. Nec abest à vero, locum hunc ab initio mox ædibus frequentem fuisse, facile vt in vicum increuerit: quod ipsum opidulum, quod pons Traiecto coniungit, indicare videtur, etiam nunc *Vicus* appellatum. Beda in Martyrologio scribit D. Seruatium è Tungris, *ne ciuitatis atque Ecclesię suę videret excidium, Domini reuelatione communitum, transisse ad vicum Traiectensium, ibique defunctum*. Apud barbaros & paganos *Viaregia* dicebatur. Et Romanos hîc in bello frequentes, commodum suis copiis hunc tractum reperisse, credibile est, & ad tutelam traiectûs excitasse munitiones. Florus commemorat *Drusum per Mosam flumen, per Albi, per Visurgim, per Rheni quidem ripam, quinquaginta amplius castella direxisse*. Vetus mœnia quisquis spectauerit cis ultraque Mosam, quisquis duxerit, arguunt certè opera perantiqua.

III. Id.
Maij.

Matth.
Herben. de
Traiecto
inflaur.

Lib. 4. de
gestis. Ro-
man. c. 12.

5. Scribit Matthæus Herbenus, *primordium ciuitatis cōdendæ Iulium Cæsarem fuisse: & cum multis præliis Galliam Germaniamque oppressisset, Traiectum conuenientissimum locum hiemandi copiis suis delegisse.* Tradit etiam Ioannes Goropius, Romanos & pontis & opidi auctores fuisse, cum huc castra sua transtulissent. Nam Traiectum urbis nomen à traiciendo flumine videtur factum. quamquam nescio unde Ammianus Marcellinus acceperit Obtricense Mose opidum, quo Traiectum super Mosam situm intelligere videtur: nisi forte id mutatus sit à Tungris, qui Traiectum in Tricht mutarant. & quia Traiecti nomine duo opida vocabantur, alterum inferius apud Batauos, alterum superius in Tungris; hoc Oppertrecht, id est, Superius Traiectum, & syncoptôs Optrecht vocarunt, è quo Obtricense opidum Marcellinus fecit; illud Wterstricht, id est, Exterius Traiectum, & concisè Wtricht nominarunt. Vulgò istud, maximè Germani superiores Maestricht, id est, Mose Traiectum vocant, ad differentiam Traiecti inferioris, quod tamen Vtricetum melius appelles, vt nonnullis videtur.

Libro de Traiecto instaurato.

In Aduaticis.

Lib. 10.

Hub. Tho. Leod. com. de Tungris & Eburonibus.

6. Video plerosque magni nominis Historicos magnas offundere tenebras, cum superius Traiectum, quod ad Mosam est, cum inferiori Traiecto, quod Ultraiectum dicitur, confundant; errant nominis similitudine falsi: quia sunt diuersæ ciuitates in diuersis

regionibus. Illud superius ad Mosam est prope à Tungris : hoc inferius , vicinum Batauis , ad Rheni veteris alueum ; quod primitus , cum arx esset , *occupatum à VViltis , id est , Hollandis Australibus , dictum est Wiltenborch : tempore autem Dagoberti Regis Francia ab exulibus Traiecti superioris , dictum est Wtricht , id est , Ex Traiecto ; & dicitur Traiectum inferius .* Hæc Amandus Zirickzæus , penes quem nominis huius fides esto.

Amand.
Zirickzæus
Chron.
ætat. 6. an.
Chr. 696.

7. Pons Traiectensis , auctore Marthæo Herbeno , *Strabonis ætate ab Augusto vel Tiberio publicius edificatus fuit.* Cornelius Tacitus scribit , Cl. Ciuili Batauo , aduersus Romanos arma mouenti , plurium societate , quos in partem suam pertraxerat , aucto , Cl. *Labeonem , quò minùs ultra pergeret , Bethasiorum , Tungrorumque & Nerviorum tumultuariâ manu restitisse , fretum loco , quia pontem Mosæ fluminis anteceperat.* Equidem arbitrarer , hûc esse pontem Traiectensem : nisi nonnulli putarent illum , qui fuit olim apud opidulum , quod Visetum vocant , vbi hodieque arcuum pontis exstare videntur indicia. Certè Gregorius Turonensis Episcopus , ante annos mille plùs minùs , cum de S. Seruatio Tungrorum Episcopo scribit , pontis meminit Traiectensis.

De Traie-
cto instau-
rato.

Lib. 4. Hi-
stor.

Th. Hub.
libro de
Tungris &
Eburon.
Pet. Di-
uæus Anti.
Belg. c. 15.

De gloriâ
Conf. §. 72

8. Committere non debeo , quin adscribam , pontem hunc esse iuris Venerabilis Ecclesiæ

clesiæ S. Seruatij, ex donatione Cunradi
Regis Romanorum II. Diplomatis regij,
cuius mihi copiam fecere R^{li} Domini Cano-
nici, verba hæc sunt: *In nomine sanctæ & in-*
diuiduæ Trinitatis. Cunradus diuinâ fauente
clementiâ Romanorum Rex Secundus, omnibus
in Christo piè uiuentibus, tam futuris quàm
presentibus. Officium Principis est, qui pro sa-
lute omnium curam gerit, beneficiis exuberare
in subditos; atque eos à prauorum hominum
violentiâ concussione protegere, regiminis in
Domino concessi ratione seruati. Eapropter,
eorum uidelicet, qui B. Seruatio militant, ne-
cessitatibus iuxta Apostolum communicantes,
pro amore Dei, & B. Seruatij, predecessorumq;
nostrorum animarum remedio, pro regni etiam
nostri quiete & statu pacifico; simulq; Gertrudis
uxoris nostræ piâ deuotione, nec non & Arnoldi
Cancellarij nostri, eiusdem Ecclesiæ Præpositi,
precum instantiâ permoti, Pontem qui supra
Mosam situs est in ipso Traiecto, quem nostri
iuris indubitanter esse constat, B. Seruatio dona-
mus & concedimus, cum omni usu & utilitate,
quæ omnibus temporibus inde proueniet, liberè
possidendum, &c. . . Actum publicè in Ecclesiâ
B. Seruatij, per manum Arnoldi Cancellarij,
vice Alberti Archicancellarij, Moguntinæ
Sedis Archiepiscopi, Anno Dominicæ incarna-
tionis millesimo centesimo trigesimo nono . . .
Innocentius Papa Secundus donationem

Ex Archi-
uis B. Ser-
uatij.

IO F. HENRICI SEDVLI

In Archi-
uis S. Ser-
uatij.

Regis, verbis iisdem & cōditionibus præscri-
ptis, eodem anno, diplomate comprobavit.

Alb. Krätz.
8. Metrop.
c. 39. ad A.
1296.
Hart.
Scheydel.
6. ætatc.

9. Formidabile contigit exemplum in hoc
ponte saltatoribus, cū nullam exhiberent
reuerentiam Christi corpori à Sacerdote ad
infirmum delato. *Iuuenes, puella, viri, femina
choreas cū ducrent in ponte frequentes, Ve-
nerabile Christi Sacramentum deserebatur, nec
illi prosternebantur intenti vanitatibus: mox
ponte desidente, ducenti propè mortales
perierunt.*

Diploma
in Archiuis
S. Seruatij.

10. Fragilem fuisse semper hunc pontem
ligneum, propter vim fluminis, atque glaciei
hiberno tempore; atque idē nonnumquam,
qui transibant, qui plaustra transportabant
onusta, fractis contignationibus submersos
esse legimus. De multis vnum commemoro,
quod accidit anno Domini millesimo ducen-
tesimo septuagesimo quinto, quarto Idus Iulij.
*Cū viri venerabiles, Decanus & Capitulum
Ecclesia B. Maria Traiectensis, & domini
eiusdem Ecclesia Chorales, ibidem causā de-
uotionis, cum suis Reliquiis habitu religioso
pontem transirent more processionis; pars dicti
pontis, non longē post dictam processionem,
quasi auulsa, cum hominibus in ipsā receptis,
horribilem fecit casum: quoniam eādē horā
per dicti pontis rupturam sunt suffocati in flu-
vio supradictō quadringenti homines utriusque
sexus vel circiter, nulla factā mentione eorum,*
qui

qui ex ipso fluvio quasi mortui extracti, postea miraculose reuixerunt. Euenit etiam, pro dolor! cum dictus pons, ob sui defectum particularem transiri non poterat, quod nauigia in ipso transitu, motu quodam circumuolutionis aqua miserabili & mirabili, ad instar ventis turbinis inuoluta, ad fundum descenderent, tamquam plumbum in aquis vehementibus, cum hominum damnosâ numerositate. Quapropter Archiepiscopi quatuor, Episcopi quindecim, diplomate singulorum sigillis confirmato, piâ moti consideratione, predictisque periculis rerum, corporum & animarum obuiare cupientes, de omnipotentis Dei misericordiâ, & beatorum Apostolorum Petri & Pauli auctoritate confisi, & eâ quam Dominus illis indulset, omnibus verè pœnitentibus & confessis, qui ad construendum predictum pontem, qui opere lapideo non modico est inceptus, manus porrexerint adiutrices, ut pons talis perfici valeat & consummari; quilibet illorum, 40. dies de iniunctis sibi pœnitentiis misericorditer in Domino relaxarunt. A. D. M. CC. LXXXIIII.

Vidi & ex-
scripsi.

Itaque pons iste, quem nunc Mosa fert, à Iulio Cesare non est constructus, ut opinantur multi: sed longo post tempore, ad annum salutis humanæ circiter octogesimum primum, supra millesimum ducentesium; sumptibus Ecclesiæ B. Seruatij (verosimile est) pontis iactis fundamentis.

Matth.
Herben.
de Traiect.
instaur.

11. Publicam viam à ponte, quam M. Herbenus *Regiam* vocat, etiam nunc videre est: vulgus *Hassii* appellat. atque hanc silicatam fuisse, & lapidibus stratam, vetera testantur in plerisque locis argumenta; ac etiam in interioriorem ducere Galliam multorum opinio est: opinor fuisse militarem viam, quâ ducebantur exercitus. Nec de his plura: ad Urbem redeo.

L. 2. Chron.
nic. An.
881.

12. Traiectum ante annos plus minus nongentos exiguum fuisse opidum, ex Regione colligitur: quia memorat à Northmannis omnia deuantibus, *Leodium ciuitatem, Traiectum castrum, Tungrensem urbem incendio cremata*. Legimus schedis R. D. Nicolai Oudarti Officialis Mechliniensis, viri mihi amicissimi; quæ circum vetus opidum moenia producta sunt, Henrici Ducis Brabantiae consensu exstructa, An. D. 1220.

Itaque *Mose-Traiectum* vrbs vetus & magna: & si spectas ciuitatem ad utramque ripam fluminis, maximis Belgicæ ciuitatibus comparanda. Frequens sacrarum Ecclesiarum amplitudine, copiosa ciuibus & mercaturâ, modestiâ & pietate celebris. A paruis initiis aucta, ut magna flumina ab exiguis fontibus. *Principia sua semper magnitudo sequens obruit.* quod Deo acceptum ferendum est, & Christianæ pietati: quæ quando apud Traiectenses cœperit, iam nunc dicendum erit.

CAPVT III.

De sancto Materno, & sancto Seruatio,
Tungrorum Episcopis.

1. CHRISTI Religionem vnicam & veram, quæ ciuitates per se illustres facit suo splendore clariores, primus omnium Traiectensibus prædicauit *sanctus Maternus Episcopus discipulus B. Petri Apostoli, qui Tungrenses, Colonenses, & Treuirenses, aliosque finitimos populos ad Christi fidem perduxit*; iure Apostolus inferioris Germaniæ vocandus. Traiectum venisse Maternum, atque ibi oratorium construxisse, constans apud Traiectenses traditio est.

Martyrol.
Rom. 14.
Septent.
Vluard.
ind.

2. Ceterum D. Seruatio Traiectum plurimum debet, quod *pontificalem cathedram huc transtulit, in quâ viginti Episcopi resederunt*. Ab Attilâ, excidium Galliis impendere *Seruati*us *Tungrensis* longè antè in spiritu præuiderat; & Romæ à Petro Apostolo hoc iudicium Dei ineuitabile fore didicerat; ideoque relietâ *Tungrensi urbe, quæ euertenda erat, ad Traiectum sedem Episcopalem transposuit*. Vberius hæc perscribit Gregorius Turonensis, ad quem studiosum Lectorem mitto. Catholicæ Fidei fuit propugnator acerrimus aduersus Arianos. In Synodo Ariminensi *constantissimus habebatur* *Fagadius & Seruatio* (ita vocat S. Seuerus)

Matth.
Herbemb.
vbi supra.

Sigebertus Chron.
An. 453.

Lib. 2. hist.
Franc. §. 5.

Sulp. Seu.
lib. 2. hist.
fac.

Athan.
apolog. ad
Constant.

rus) *Tungrorum Episcopus*. A Magnentio ad Constantium Imperatorem missus, Alexandria ab Athanasio fuit humanissimè acceptus; cuius gratiam & amicitiam meruit propter ardorem fidei, & eximiam sanctitatem.

Theod. 2.
hist. Ecl.
c. 9.

3. Id tēporis *Euphrata* erat Episcopus Coloniensis, strenuus antagonista Arianorum in Synodo Sardicensi, vnde à Patribus Antiochiam missus, honorificā legatione functus est apud Imperatorem Constantium; nempe ut Catholicos Episcopos eius iussu exulantes, à Synodo absolutos, ad sedes proprias reuocaret: sed bono initio quæ laude digna fuerant auspicatus, exitu fœdo coinquinavit: rediens è Concilio Sardicensi, haustum venenum ad-

In vitâ
S. Euerge-
stii, apud
Sut. to 3.
Octob. 24.

spirans, *apud Tungros perfidiosus Euphrata impij dogmatis zizania sana doctrina tritico superseminauit*. Porro B. Seruatius huic lupo bonus pastor occurrit: in Synodo Agrippinensi aduersus eum huiusmodi sententiam dixit; *Quid fecerit, quidve docuerit Euphrata pseudoepiscopus, non opinione sed veritate cognoui, pro finitimi loci coniunctâ ciuitate; cuique publicè & domesticè obstiti sæpè, cum ille Christum Deum negaret, audiente Athanasio Episcopo Alexandria, & Presbyteris, & Diaconibus plurimis: & idcirco censeo, Christianis Episcopum eum esse non posse, quia Deum Christum sacrilegâ voce negauit; neque illum Chri-*

An. Chri.
sti 348. to.
1. Concil.

stianum

stianum indicandum, qui eiusdem confinitimus fuerit inuentus. Nulla mora interponitur, Euphrata deiicitur, S. Seuerino in eius locum suffecto.

4. Manifestum fit ex his, quo tempore B. Seruatius vixerit: sed ad Urbem quando se contulerit, Galliarum vastationem ab Hūnis ad Sepulchrū S. Petri deprecaturus, non facile dictu est. Plerique putant eā tempestate Romanam iuisse, ^a *cū esset rumor Hunnos in Galliam velle irrumpere.* Sed si calculos rectē subduxit, ^b qui scribit B. Seruatium annis propēcentum obiisse ante Tungrorum deuastationem; verum comperiemus, quod Sigebertus tradit, ^c *eum excidium Galliarum longē in spiritu prauidisse*, non Attilæ Hunnorum regis tempore excessisse.

^a Gre. Turon. 2. hist. Franc. §. 5. Beda, Vsuardus, Ado, ^b Baron. in Martyrol. 13. Maij. ^c Chron. An. 453.

5. *Eius ortum & prosapiam, licet quidam ferant ex Domini Saluatoris cognatorum descendisse familiā; quia tamen locum natiuitatis eius nequaquam accepimus, nec causas eius aduentus aliunde vsq̃ iam audiuius: idcirco nec satis faciles esse possumus ad credendum; nec tantæ opinioni, quæ sortassis ex pietate ingeritur, arbitramur omnino derogandum.* Sed cui non displicet post lapidationem Protomartyris Stephani, ultra trecentos fermē annos, inuentorem sanctæ Crucis Vidam cognomento Quiriacum, eiusdem Protomartyris ex Simone fratre fuisse nepotem: ipsi nihilominus placeat, *ultra*

Notgerus Ep. Chro. Episcopos. Leodic. cap. 20.

*ultra quadringentos ferè post Natiuitatem
vel Passionem Dominicam annos, B Seruatium
S. Dei Genitricis ex matris materterâ fuisse ab-
nepotem. Verùm utcumque sese res habeat; nec
illi nimium laborauerint ad suadendum, nec nos
etiam nimij simus ad derogandum: cùm iuxta
Tullium non debeat pudere nos fateri nescire
quod nescimus; & illis conueniat potiùs igno-
rantiam verecundè fateri, quàm irreuerenter
proprietate mentiri.*

Greg. Tur.
de glor.
Confes.
§. 72.

Beda &
Vsuarius
in Marty-
rolog.

6. *Sepultus refertur iuxta ipsum pontem
aggeris publici. Circa cuius sepulcrum quam-
uis nix defluxisset, numquam tamen marmor,
quod superpositum erat, humectabat. & cùm
loca illa nimij frigoris gelu ligentur, & nix
vsque in trium & quatuor pedum crassitudi-
nem terram operiat, tumulum vllatenus non
attingit. Datur enim intèlligi, verum Israëli-
tam hunc esse. Nam illis inter muros aquarum
aqua non erant pernicipes, sed salutis: ita & circa
iusti huius tumulum nix decidens, non humoris
caussa est, sed honoris. Videasq; in circuitu mon-
tes niueos eleuari, nec tamen attingere termi-
num monimenti. Et non miramur, si terra
operiatur niue: sed admiramur, quòd attingere
ausa non est locum beati sepulcri. Nam ple-
rumque deuotio studiùmque fidelium oratorium
construebant de tabulis ligneis leuigatisq;: sed
protinus aut rapiebantur à vento, aut sponte
ruebant. Et credo ista facta esse, donec veniret
qui*

qui dignam edificaret fabricam in honorem Antistitiis gloriosi . Procedente verò tempore, adueniens in hanc urbem Monulphus Episcopus, templum magnum in eius honorem construxit, composuit, ordinauitq; in quod multo studio & veneratione translatum corpus, magnis virtutibus pollet.

7. Salutem vrbis Traiectensis semper in tutelâ D.Seruatij fuisse, vno atque altero argumento comprobabo: Cùm Hunni Tungrorum ciuitatem deuastarent, circa annum Domini quadringentesimum nonum, die quartâ mensis Iulij: *meritis B.Seruatij factum*, M. S. Chron. Tungren. Episc. *quòd Hunni numquã Traiectum venerint, vel etiam videre potuerint, licet in circuitu vagarentur.* Anno salutis Christianæ supra millesimum quingentesimo septuagesimo nono, hæreticis Traiectum maximâ manu insidentibus, ita mirabiliter ciuitas expugnata & liberata fuit, vt etiam ipsæ omnes Diuorum reliquæ (quarum ingens in D.Seruatij sacrario copia hodieque vilitur) ne motæ quidem loco, fuerint conseruatæ. Sancti cum Christo beati, clientulorum suorum patroni, eorumque reliquæ muri ac munimenti loco sunt: plerumque cultorum suorum iniurias, damna, pericula propulsant. Itaque pij quique suarum *urbium custodes ac locorum praesides venerantur: quorum precibus & interuentu apud Deum vtentes, per eos demum diuina munera* Theodo- ret. 8. de Græcan. affect.

B confe-

consequuntur. Plurima beneficia cùm B. Seruatius in multos contulisset, fit vt perpetuò peregrinantium, etià ex interiori Galliâ, Francoiâ, Bohemiâ, Vngariâ, maximo concursu frequentetur. Senferunt beneficia non pauci.

Leo Ser. I.
in nat. Pet.
& Paulli.

Sicut & nos experti sumus, & nostri probauere maiores, credimus atque confidimus, inter omnes labores istius vite, ad obtinendam misericordiam Dei, semper nos specialium patronorum orationibus adiuuandos: vt quantum pro peccatis deprimimur, tantum eorum meritis erigamur.

8. Neque premendum silentio, postero tempore, memoriâ nostrâ factum, quod in æde beati Seruatij ad Aquilonem æternæ memoriæ consecratum, legitur in hæc verba:

DEO OPT. MAX.

DIVOQ. SERVATIO PATRONO.

EN MACHINAS PATRIÆ HOSTIS

AD PROTERENDAM VRBEM

CLAM INTEMPESTA NOCTE

IN FOSSAS ILLAPSI

PROPVGNANTIVM. VIRTUTE

FAVSTISSIMA DIVÆ GERTRVDIS DIE

FVSI FVGATIOQ.

PRÆFECTVS SENATVSQ. TRAIECTIVS

SPOLIVM MONVMENTVMQ. DICAT

ANNO. M. D. XCII. XVII. MARTII.

Pro

Pro trophæo ad murum appensæ scalæ septemdecim, secures, mallei, vinci, vectes ferrei, ferræ, funes, cunei, quibus muros, mœnia, portas tentare frustra conati sunt.

9. Sancti quid possunt, per miracula declarant. Si quid foris natura negat, vel improvisus casus in humanis debilitat; ad eorum sepulta clementia diuina restaurat. Cacitatem illuminant, gressus consolidant, linguas reparant, aures reſerant, dæmonibus imperant, carceres aperiunt, vincula resoluunt, elisos erigunt, iniustos corrigunt, iustos diligunt. Hac operantur per corpora spiritus, qui iam diuinis assistunt virtutibus. Quid mirum, si possunt talia in immortalitatis gloriâ constituti, qui similia potuerunt sub mortalitatis velamine positi? Umbra curabat Petri, quotquot in plateis ponebatur agroti. Paulli semicinctia expulerunt ab obsessis corporibus dæmonia... Tanti fuerunt meriti spirituales sanctæ matris Ecclesiæ filij: cum etiam carnalis synagoga soboles per similes pollerent virtutes. In Aegypto Moſis virga signa fecit & prodigia, & sub Baptismi specie rubrum diuisit mare. Helia pallium Heliaso duplicauit spiritum, & cursum Iordanis diuisit eadem vestis. Hac sub lege & gratiâ fecit Deus per Sanctos in carne miracula: ut intelligamus & fideliter teneamus, quid apud ipsum eorum possint spiritus.

10. Verum inter omnes, qui calestem regem

Theofrid.
Ab. Ser. de
venerat.
Sanct. to. 2
Biblioth.
Patrum.

Act. 5. 15.
Act. 19. 12.

Exo. 4. 17.

Exo. 14. 21

4. Re. 2. 13

Conc. Ba.
ſil. Seſſ. 43.

gem pro nobis interpellant, præcipuè ad gloriosissimam illam & omni laude dignissimam Dei genitricem Mariam est recurrendum: quæ quanto altior existit, tanto humiliùs nos respicit, omnes ad se trahere cupiens, pro quibus in utero gestauit Saluatorem. Hac apud Deum, quem ipsa peperit, sedula pro nobis aduocata nos iuuat, nos tuetur, nos protegit, nos exultat. Hac omnibus, qui ad eam recurrunt, promptissimum exhibet patrociniũ Nec solum supplicantes exaudiet: sed sicuti ex suâ clementiâ consuevit, etiam supplicare volentium preces præueniet.

CAPVT IV.

*De cœnobio Fratrum Minorum, & in eo
Diuæ Virginis imagine.*

1. **H**ÆC quæ habui, de primordiis & incrementis vr̃bis Traiectensis. Quæ cum à multis iure dilaudari queat: tum maximè à pietate & Catholicâ Religione; quæ à beato Materno accepta, à S. Seruatio propagata, hactenus perseuerat. Tēpla veterrima, multa ac magnifica, Christianę fidei incrementa demonstrant, sicut & variorum institutorum monasteria. Inter alia, Fratrum Minorum est cœnobium, quod Iecora fluuius interluit. Id fundatum ad annum Christi circiter 834. cc. xxxiv. quo tempore in Dionanto, Huyo, Namurco,

murco, Aquisgrano, Sancto Trudone, Niuella, Chron.
Louanio, Machliniâ, Minores ceperunt Ecclesias Tugrenf.
& conuentus edificare. Monasterij vetustatem siue Leod.
 euincunt sarcophagi & monumenta defun- Epif. MS.
 ctorum, qui illic sepulti ante annos trecentos
 quinquaginta. Hæreticorum furore pænè to-
 tum dirutum fuit: sed Dei fauore & bonorum
 amicorum (vt solent quæ ceciderunt) melius
 resurrexit.

2. Templum è patrio scetili lapide exædi-
 ficatum, elegante fornicatione & conuexitate
 conspicuum est. In quo ad dextram *Sacellum*
Diue Virginis consecratum, imaginem habet
 (paullò ampliùs longam pedes quatuor) Dei-
 paræ Matris filiolum brachio sinistro gestan-
 tem, supra altare collocatam, ante memo-
 riam hominum miraculis celeberrimam. Cu-
 ræ mihi & cordi fuit, eius originationem re-
 perire: non potui. Rogati senes septuagenariis
 maiores, ingenuè fassi sunt, nescire se quando,
 aut à quibus icuncula huc delata sit. Sed ta-
 men est traditio, an opinio Fratrum nostro-
 rum, à maioribus accepta, allatam ante annos
 plùs minùs ducentos triginta, à nobili viro,
 qui factus Frater Minor, sepultus est ante arâ
 Diuæ Virginis; cuius sarcophagus epitaphium
 habet in hæc verba:

ANNO DOMINI MCCCCLXXIV MENSIS
 MAII DIE XXV. OBIIT NOBILIS
 DOMINVS, ET FRATER NICOLAVS DE

B 3

HAER-



HARLAER MILES , ÆTATIS CENTVM
ET VNIVS ANNORVM, CONSILIARIVS
ET PRIMVS MAGISTER HOSPITII
DOMINI LVDOVICI DE BORBON
EPISCOPI LEODIENSIS : CUI
PROPTIETVR MISERICORS DEVS ,
AMEN.

Opinionem confirmant verba ad imaginem
capitis lapidi decussatim inscripta ; *O mater
Dei, memento mei.* At si ipse imaginem primus
non detulit: erit ipsa iam antiquior. Aiunt ete-
nim nonnulli ante trecētos annos collocatam
à coriariis Traiectensibus, B. Virginis Mariæ
deuotissimis cultoribus. Vidimus publicum
instrumentum sigillis confirmatum anno
1470. de Confraternitate S. Barbaræ virginis
martyris, in quo mentio fit Sodalitij B. Mariæ
in istâ nostrâ Ecclesiâ, sanè celeberrimi fre-
quentissimique.

3. Itaque in obscuro est, vnde & quo tem-
pore sacra Virginis Mariæ imago huc delata
sit. *Quod cum vel Dei nutu, vel vitio vetusta-
tis eueniat, calumniâ carere debet.* Eò potissi-
mum, quòd apud Ioannem Brouvvers olim
Consulem Traiectensem, & Syndicum no-
strum, scripta deposita, quæ ad Sacellum
D. Virginis pertinebant, carrucâ semel non
vehenda, isti Catholicæ pietatis perduelles,
rapientes disperferint & exusserint, genio tru-
culentissimi persecutoris Ecclesiæ Diocletia-
ni.

ni. Non admittunt in aures lectionem opinionum suarum præsumpta vincentem : sed intercipiunt & silentio premunt . Hoc non est Veritatem defendere, sed testificationem Veritatis timere. Vt cumque se res habeat: singulari Dei fauore etiamnum sacram habemus imaginem, de quâ agimus : ad quam à remotissimis locis, vti olim, ita nunc quoque piorum quotidianus est concursus, pro salute corporum animarumque consequendâ.

4. Et ego cum illis, Dei Genitrix Virgo, quam toto curriculo vitæ, in cunctis actionibus ducem patronamque delegi & sensi; in imagine tuâ tibi, ad aram tuam, animo & corpore prouolutus supplico, versibus licet alienis, proprio tamen & deuotissimo affectu:

Ad superos clamo, supplex & Numina Bapt. Mæ.
voto ad
B. Virginē.
planctu

Sollicito : Diuos in mea vota voco:

Sed te præcipue, Diuorum maxima Virgo,

Mitis in humanum quæ genus esse soles.

In nos magna tui sunt experimēta fauoris:

Et pietas omni iam tua nota loco est.

Exue nos cunctis igitur Regina periculis

Et laceræ sparsas collige nauis opes.

CAPVT V.

*Quomodo D. Virginis imago præseruata
fuerit à sacrilegiis iconoclastarum.*

I. **I**NTER miracula D. Virginis, ad eius imaginem patrata, illud in primis admirandum & diuulgandum, ipsam eius icunculam, mirabiliter ab hæreticorum furore seruata, vt ex relatu fide digno didicimus. Ante Traiectensis vrbis obsidium ∞. 10. LXXIX. Ioannes Colonienſis molitor coriariorum eam abſtulit è noſtro templo in ſuam domum, atque inde ad ædes vicini. Hic vt tutiùs aſſeruarietur ab hoſtibus, detulit ad monaſterium Virginũ Noui horti: vbi ſupernè in tabulato poſita fuit. Inſeſſâ iam ab hæreticis ciuitate, etiam in illo Virginum ſacratarum cœnobio, profani milites ſtationem habuere. Horum vnus cùm domum ſupernè luſtraret, fortè vidit D. Virginis imaginem: quam cùm ſtricto gladio peteret, non tamen iſturus; brachium, quo iſtum minabatur, illicò obriguit. Exterritus descendit, Duci ſuo refert quod acciderat. Is, vt ignauo exprobrans imbelliam; Quiſnam tu, inquit? & idolum iſtud adoriri times? ipſe aggrediar. Pari temeritate gladio euaginato percutere tētans, pari poenâ punitur. Brachium etiam cùm inflexibile ſentiret, ſtupens & irâ percitus, Matrem adiit mona-

monasterij: cum eâ expostulat, tamquam illa se cum milite maleficio affecisset, hæreticorû genio magiæ transcribens factum diuinâ virtute. Propè erat, vt Matrem ense configeret. Sed qui suæ Matris imaginem tuitus est, etiâ cœnobij Matrem à militis cæde cohibuit. Quod cùm innotuisset, viri pij, quò tutius imago custodiretur, nocte per muros demissam ad ædes viduæ Mariæ Luckers attulerunt, quæ hodieque viuit. inde, cùm iam ciuitas Duce Parmési Regionum in potestatem reuenisset, à nostris Fratribus relata, suo loco restituta multis miraculis coruscavit.

2. Numen suum beatissima Virgo prodidit in imagine, honori suo propagando, procurandæ multorum saluti. Neque hoc insuetum nobis videri debet: olim huic simile factum historiæ commemorant. *Cyrus Smyr-
naorum Episcopus templum Dei Genitrici dicauit, quod Cyri dicitur. id huiusmodi occasione isthic est erectum. Cupressus in eo loco ingens & procera fuit: in quâ superioribus temporibus (nescio quomodo) imaginem Dei Genitricis quidam occultauit. Quum autem multum præterisset temporis, & imago lateret, ipsa seipsam indicauit. Cupressus enim immenso coruscans lumine, perinde atque fax vna ardere visa est: & ingens etiam miraculorum vis ab obscurâ & latente efficaciâ manauit. Vbi autem quidam curiositate laudatâ arborem*

Theodos.
Iun. Im-
peratore.
Niceph.
Call. lib.
14. c. 46.

conscendit: imago ea, unde miraculorum vis profluxit, apparuit: Quapropter Cyrus loco ei honorem habens, pulcherrimum & maximum Dei Genitrici construxit delubrum.

3. Tu mi Lector animum aduerte. Vetera fidem astruunt hodiernis: noua comprobantur veteribus exēplis. Legisti D. Virginis imaginem in arbore se aperuisse, & admiranda saluti mortalium patrasse. In Aspricolle D. Virginis imago etiam se prodidit; eò loci, vbi in quercu prius posita fuit: quæ stupenda non fecit, cottidieque non facit? Et, amabò, cur neges? Deus æternus qui semper viuit, vetera fecit: & nunc viuens mirabilia facit. Cur autem qui omnipotens est, cum per se possit omnia, non faciat per alios? Sed isti in oculis omnium gesta rident & subsannant, quorum hæc talis ars & professio. *Scioli tantum ad detrahendum: qui in eo se doctos ostentare volunt, si omnium dicta lacerent.*

4. At verò, quemadmodum aurum, quod per ignem probatur, efficitur nitidius: ita per nebulonum calumnias D. Virgo inclarescet illustrior. Vetusta maiorum pietas fuit, templa magnifica erigere, Deo in honorem, Diuis in memoriam: & procul dubio illi fini, quem Iustinianus Imperator scribit; *Qui constituerunt vel fundarunt sanctissimas Ecclesias, pro suâ salute & communis Reipub. reliquerunt eis substantias, ut per eas debeant LITURGIAE fieri*

Hier. apol.
adu. Iouin.
c. 7.

Io Authē
Lxij. c. de
Episc. &
Cler.

fieri; & ut in illis, à ministrantibus piis clericis Deus colatur. Magna illa nomina, Imperatores, Reges & Principes, Constantinus M. Theodosij, Carolus M. Othones, quàm conspicua templa Deo Diuisque consecrauerunt! Historiæ copiosissimè commemorant, non rescribo. Rem notam dico: nusquam panè terrarum exstare Dominica, quæ famam merentur, quæ Christiani Principes non fundauerunt, vnà etiam liberalissimè dota- uerunt. In his inuenias veteres lapides, altaria, imagines, monumenta Catholicam pietatem astruentia: istam qui deseruerunt, eos conficitur esse, de quibus Apostolus; *Spiritus manifestè dicit, quia in nouissimis temporibus discedent quidam à fide, attendentes spiritibus erroris, & doctrinis demoniorum; &c.* 1. Tim. 4. 1

CAPVT VI.

Diue Virginis Diuorumque imagines, Apostolorum æuo factas, piis in vsu semper & honore fuisse.

I. **C**VLTVM sacrarum imaginum improbare, spiritus erroris esse, inuicto conuincimus argumento: quòd constet, Christi, B. Mariæ, & Apostolorum icones ipsis Apostolorum temporibus factas, imò & à discipulis & comitibus Apostolorum. Priùs ex
Euse-

Mat. 9. 20.
Euseb. Cē-
sar. 7.
Eccl. hist.
c. 14.
Damasce.
orat. 3. de
Imaginib.
Synod.
Nicen. II.
Act. 4. ex
ep. Germ.
Ep. Con-
stant.

Eusebio rescribo, quæ de Christi imagine tra-
dit, factâ ab hæmorrhoiisâ, quâ Seruator san-
guinis profluuio liberauit. Testatur in vrbe
Pancade, vbi illa nata dicitur, suo sæculo illius
domum ostensam. atque ait: *Admirabilia
quadam Seruatoris in eam beneficij monumēta,
& quasi trophæa ad hoc tempus durare memo-
rant. pro foribus enim domus illius, aneam
mulieris effigiem genibus flexis, & manibus in-
star supplicantis in anteriorem partem exten-
sis, super editum lapidem collocatam. huic è
regione, viri erectam imaginem, ex eadem ma-
teriâ conflatam, vestitu ad talos demisso decen-
ter ornatam, & manum mulieri porrigentem.
ad cuius pedes in ipsâ basi peregrinam quam-
dam & inusitatam herbe speciem enasci: quam
quidem, vbi ad anci vestitus simbriam exere-
uerit, morbis cuiusque generis medicandi vim
& facultatem habere. Hanc statuam, effigiem
Iesu exprimere dicunt; quam ad nostram vsque
ætatem manentem, ipsi ad eam ciuitatem pro-
fecti, oculis cernebamus.*

Niceph.
Callist. c. 6
Eccl. hist.
c. 15. &
seq.

2. Neque adeò mirum videri debet, qui ali-
quid beneficij olim à Seruatore nostro accepe-
re, eos, per huiusmodi monumenta, grati erga
eum animi memoriam reliquisse: quum etiam
sanctorum Apostolorum Petri & Paulli, ipsius-
que adeò Christi, & quæ cum supra naturæ
captum mirificè genuit, Virginis Matris, colori-
bus adumbratas imagines plurimas, ad hunc
vsque

usque diem conseruatas esse norimus. Ac Lucas quidem Apostolus, primus ipsas, accuratè opus id exorsus, manibus suis depinxit. Deinde verò ex veteribus alij quoque viri, pro eo atque par erat, veluti seruatores suos in signis & picturis seruantes idem fecere; ethnica quidem illi fortasse consuetudine ducti, & morem eum colere soliti, absque tamen necessariâ obseruatione obtinere id tradiderunt. Sed Ecclesia inde acceptum, magis ac magis adauxit (prouidentiâ Dei curante atque disponente) non modo effigies & statuas, verum etiam vestes, baculos, & lectos sanctorum illorum virorum conseruans, ad memoriam eorum sempiternam.

3. Quâ vetere veraque pietate, Pulcheria Augusta, tria Dei matri ex ipsis fundamentis templa erexit: quorum vnum est in Chalcoprateio, siue fabrorum foro, Sacri tumuli nomen habens. In hoc, veluti thesaurum, Dei Genitricis deposuit zonam Secundum templum Οὐνοῦ, Via Ducum est: ubi Antiochiâ missam Verbi Matris imaginem dedicauit, quam diuus Apostolus Lucas suis manibus depinxit, illâ adhuc viuente, & tabulam ipsam vidente, gratiâque ad eò illi formæ immittente. Hac imago primum in eo loco, qui Tribunal dicitur, fuit: ubi ea, quæ nunc quoque fiunt, miracula peracta sunt. Tertium templum est, cui nonen Blancherna, in quo sepulchrum B. Mariae fuit à Martino pos-
situm.

Niceph.
Callist. lib.
15. Eccleſ.
hist. c. 14.

4. Ita-

Syn. Nic.
II. Act. 6.

4. Itaque Christi imagines eiusque Matris, aliorumque Diuorum, ab illis temporibus, imò, (ut verius loquar) ab Apostolorum predicatione exstiterunt: quemadmodum omni loco, ex earundem inspectione in templis sacris docemur; id quod & Patres sancti testificantur, & historiarum enarratores tradunt, quorum Commentaria etiam in hunc usque diem seruantur. In primo enim & quinquies millesimo anno Christus Deus noster ad homines veniens, & triginta duobus annis, & mensibus circiter quinque nobiscum viuens, & magnum illud & salutare mysterium operans, in calos migravit, ascendens isthuc unde descenderat. Quo sanè tempore Apostolis mandauit, ut ea quæ à se erant docta, alios deinceps docerent. A temporibus itaque illis usque ad tempora Constantini, primi ex Imperatoribus plenè Christiani, anni propemodum trecenti acti sunt, ante illum ferè gentilibus tyrannicè regnantibus. Per illa autem tempora, Christianorum plurimi certamen præclarum certantes, non sine martyrio vitam hanc liquerunt; idque dum idolorum statum studiosè oppugnaverunt. At verò Christianorum cætus diuinâ emulatione ducti, templa construxerunt, partim Christi nominis gratiâ, partim sanctorum Martyrum causâ. Atque illi quidem historiam humane Christi dispensationis in iis pinxerunt: hi verò Martyrum gestis effigiandis operam collocarunt. Alij id tabulis expressere, quod Marty-

rum memoriam in oculis perpetuò ferrent, aut ipsius etiam Christi facta. Alij autem in vestibus sacratís, in pretiosis repositóriis, in quibus incruenta sacrificia peragunt, imagines pinxere. Et sanè euidenter hac, ad nostra usque tempora ostenduntur, durabúntque per secula: quantumvis amaritudine & bile, hæreticorum lingua contra Ecclesiam & sex Synodos uniuersales flagrent. Ipsa autem Dei nutu per diuersa tempora congregata, quò illos subuerterent, ea qua in Catholicâ Ecclesiâ, & per scripta, & sine scriptis tradita sunt, confirmarunt & stabilierunt; inter qua & imaginum etiam confirmationem.

5. Quamobrem & ego cum Euthymio Episcopo Sardenſium, confiteor de sanctis & Syn. Nic. venerandis imaginibus, non veluti hoc sit no- II. A& 2. num aliquod dogma aut nuperum inuentum recipiens; sed clarè cognoscens ex Apostolicâ traditione, sanctorumque Doctorum in Ecclesiâ iussu, per manus nobis traditum. ob eam causſam venerandas imagines ex toto corde, cum debito honore, & saluatoriâ adoratione suscipio. Eos verò qui secus sentiunt, aut reclamant, contrariâve docent; alienos à Catholicâ Ecclesiâ arbitror, renuntio, & hæreticos proclamo.

CAPVT VII.

*De sacrarum imaginum vsu salutari, ex
Synodo Nicenâ secundâ.*

Syn. Nic.
II. Aët. 6. I. **M**AGNAM sanè securitatem in eo collo-
camus, quòd nulla recentia inuenta ad
rem nostram probandam inquirimus: sed Apo-
stolicis & Patrum doctrinis, item Ecclesiasticis
constitutionibus acquiescentes, his nostra con-
firmamus. Non perdam operam, si nonnulla
de vsu, fructu, & cultu Diuorum imaginum
rescripsero ex Synodo Nicenâ II. celebratâ
anno Christi septingentesimo octogesimo,
contra barbaram & furiosam iconomachor-
um insaniam.

Ind. Aët. 2.
epist. Adr.
Papæ ad
Imp. Con-
stant. &
Icn. 2. **O**mnis imago, siue Angelorum, siue Prophe-
tarum, aut Apostolorum, aut Martyrum, aut
alioqui iustorum virorum, in nomine Dei facta,
sancta est. Non enim ipsum lignum honoratur,
sed ipsum illud, quod in ligno datur contem-
plandum: atque ita per recordationem venera-
tio exhibetur. Omnes enim Principes, etiamsi
peßimi sint peccatores, adoramus & reuerenter
salutamus. quid vetat igitur, quò minùs non
liceat & sanctos Dei ministros venerari; & in
memoriam eorum imagines statuere & erigere,

Ind. Aët. 7
epist. Tha-
ras. ad Imp.
Const. &
Icn. ne in obliuionem perpetuam veniant?

3. **Q**uamobrem omnibus modis recipienda
sunt veneranda imagines Domini nostri Iesu
Christi,

Christi, quatenus scilicet perfectus homo fuit ;
 & hæc quoque omnes , quæ historicè è sacrâ Eu-
 angeliorum narratione depinguntur : nem-
 pe intemerata Domina nostra Deipara , san-
 ctorum quoque Angelorum : nam homini-
 bus ipsi quoque in formâ hominis visi sunt.
 item Sanctorum omnium ; quorum prælia &
 certamina tabulis & parietibus , sacris item
 vestibis & vasis insculpta amari debent :
 quemadmodum Catholica Ecclesia multis retrò
 sæculis in hisce est instructa . Sic enim ea ac-
 cepit , sic à sanctis nostra disciplina ducibus ,
 & eorum successoribus patribus nostris , statu-
 tum est .

4. Igitur probanda , quæ à primordio re-
 ceptæ traduntur imagines ; principio Iesu
 Christi Domini nostri , & sancta Deipara Vir-
 ginis , siue ex auro , siue ex argento , siue colorum
 ductibus , siue quacumque materiâ expriman-
 tur : ut omnibus manifesta fiat eius in carne
 æconomia . Neque dissimili ratione proban-
 tur sanctorum & omnibus sæculis laudato-
 rum Apostolorum , Prophetarum , Martyrum
 gesta , politiaq. : ut in omnium oculis præ-
 lia & certamina , quæ pro Christo subierant ,
 hæreant ; atque id in compendiosam velu-
 ti scripturam , narrationem , & eruditionem
 populi , maximè simplicioris . Nam si Im-
 peratorum vexillis sanctioribus , & imagi-
 nibus in ciuitates & prouincias missis , omnis
 C populus

Ind. Act. i.
 confess.
 Theod.
 resipiscen-
 tis.

populus cum cereis & suffimentis odoratis occurrat: quanto iustius est, in Christi Dei nostri ecclesiis imaginem Seruatoris nostri Dei, & intemerata Matris eius, sanctorum etiam omnium Patrum & piorum, erigere?

CAPVT VIII.

De saluberrimis fructibus ab imaginibus sacris, ex eâdem Synodo.

Greg. Ep.
Sen. lib. 9.
epist. 9. De
conf. d. 3.
c. 27. Per-
latum.

1. **Q**UOD legentibus scriptura, hoc & idiotis præstat pictura: quia in ipsâ ignorantes vident, quid sequi debeant; in ipsâ legunt qui litteras nesciunt: unde & præcipuè gentibus pro lectione pictura est. Copiosius id ex Synodo Nicenâ secundâ declarare operæ pretium est. Iuxta antiquam constitutionem sanctorum Patrum nostrorum, imaginum picturam ad instructionem & memoriam mentis nostræ, & participationē sanctificationis, Ecclesia recepit. Quidquid enim sanctum Euangelium per lectionem nobis demonstrat, hoc idem imagines per inspectionem. Quidquid item libri de passionibus Martyrum narrant, hoc ipsum etiam imagines signant. Has enim recipimus tamquam effigurationem prototyporum, nihilominus credentes in vnum Deum in Trinitate laudatum; eidemq; soli latrā exhibentes, poscimus intercessionem intemerata Domina nostra sanctæ Deiparæ, sanctorum item Angelorum, omnium-

Tharaf. in
ep. ante
Syn. Ni-
cen. II.

niúmque Diuorum, & Patrum nostrorum.

2. Ad recordationem fortitudinis eorum, & rectam pro Christo seruitutem, similitudines eorum depingimus: non quòd de diuinâ naturâ participant, per hoc demonstrare volentes; neque debitum tantummodò diuinæ potestati & gloria honorem illis tribuentes: verùm desiderium nostrum & amorem, quo erga eos affecti sumus, ita declaramus. Nam quæ per auditionem tamquam vera credidimus, hac etiam per pingibilem imitationem, ad stabiliorem nostram instructionem collocamus: quando & ipsi Sancti Dei, in unum & solum Deum, cultum adorationis, & glorificationem, & procreationem conseruantes, pro Christo sanguinem suum effuderunt, & veræ confessionis coronam acceperunt. Hac imaginum apparatus ratio est: non quòd nos adorationem in spiritu & veritate, incomprehensibili & inuestigabili Deitati decentem, in manufactas imagines, aut in opera hominum arte facta, aut sanè in ea qua subsunt Deo, siue visibilia sint siue inuisibilia, transferre studeamus: verùm ut dilectionē nostram, quam iuste in sanctos Dei seruos habemus, per istum modum exhibeamus: & per honorationem illorum, in eum qui per illos glorificatus est, quique illos glorificauit, in confessionem potentie suæ, Christum, glorificationem & cultum referimus: ita, ut & nos imitatores fortitudinis eorum, & dilectionis erga Deum, per bono-

Syn. Nic.
II. Act. 4.
in epist.
S. Germ.
Patriar.
Constantinop.

Ioan. 4. 25.

rum operum contra passionem resistentiam, flammus. Hunc autem esse imaginum in Ecclesiâ Dei usum unusquisque per hanc instructionem cognoscat: neque aliunde nos salutis spem, siue in hoc mundo, siue in futuro seculo expectare, nisi ab unigenito Filio Dei, qui simul cum Patre & Spiritu sancto diuina dona largitur. Non enim aliud nomen, per quod saluari queamus, hominibus datum est. At si Domini & Seruatoris nostri, item intemerata eius Matris vera Dei-pare, nec non Sanctorum imagines salutamus, confestim etiam fidem & dispositionem mentis erga illos habemus: sed vnum Deum sine principio, sine fine, qui omnia in manu sua habet, factorem nostrum & omnis creatura, & verè Seruatorem, habentem potestatem in calo & in terrâ, pro genere humano hominem factum agnoscimus Ancillam autem & Matrem illius existentem, verè pro genere nostro intercedentem presentissimè, (ita vt Dominus noster salutem dispenset, illa verò materno affectu pro nobis poscat) agnoscimus. Sanctos denique omnes, tamquam conscruos nostros, & eiusdem nobiscum nature participes gratissimos Dei ministros, & hac gratiâ à Deo donatos, vt beneficia à Deo data nobis ministrent, curationes morborum, & periculorum liberationes, quando per memoriam eorum inuocatio Dei fit, quatenus nobis in hymnodiis & glorificationibus possibile est, agnoscimus.

Syn. Nic.
II. Act. 6.

3. Sancta Dei Catholica Ecclesia ad pœnitentiam

tentiam & cognitionem observationis mandatorum Dei omnes nostros sensus trahit, & ad gloriam Dei cognoscendam studet nos deducere: non modò per auditum, sed & per visum, morum correctionem moliri cupiens, ea quæ acta sunt, omnium oculis optat etiam esse conspicua. Cùm enim ex avaritiâ & habendi studio aliquem rapit: Matthæum ex telone Apostolum Matth. 9.9 illi indicat, qui relictâ avaritiæ insaniâ, Christum secutus est. eodem modo Zachæum ascendentem in sycomorum arborem, & Christum desiderantem videre, & comparantem sese, ut dimidietatem bonorum suorum det pauperibus; & si quem defraudarit, ut reddat illi quadruplum. Ita imaginum pictarum iugis contemplatio, continuò memoriam exercet, ne iterum recurratur ad proprium vomitum. Si quem amore meretricio detentum rapere cupit: casti Ioseph imaginem Gen. 39.7. proponit, qui adulteram execratus, temperantiâ illum vicit; atque hoc ipsum factum in imagine representatum, amatores huius virtutis multum confirmat. Rursus alibi beatam Susannam continentiam exornatam exhibet, extensis manibus auxilium ex alto inuocantem, Danielémque præsidentem iudicem eruentem eam è manibus impiorum Sacerdotum: ipsa autem pictura ad recordationem temperantis & continentis vitæ facit. Rapere vult aliquem luxuriosum, molli- Luc. 16. 19. busque vestimentis indutum, & non erogantem in pauperes, quæ posset ab illis pretiosis vestibus

Matth. 3. 4

sumere, & à suâ delicatâ vitâ ? Ioannem huic pilis camelorū indutum, edentēque siluestre mel, & digito Christum, qui suffert peccata mundi, indicantem exhibet. His adiungit Basilium Magnum, & cum eo solitariorū ieiunantiūque, corporibus in terram stratis, multitudinem. Sed satis sit horum paucorum mentionem fecisse: reliqua auditoribus inuestiganda relinquo. Habemus etenim totam Euangelicam narrationem depictam, & in recordationem diuinorum nos ducentem, gaudiōque nos impletentem.

Syn. Nic.
II. Act. 6.
vbi supra.

4. Hæc enim cū nobis ob oculos fuerint posita; corda illorum, qui timent Dominum, exultant, florent vultus, anima contristata in voluptatem transformatur: & cum diuino patre Dauid psallit; Recordatus sum Dei, & exultavi. Itaque per ea semper Dei recordari possumus. Nam est cū lectio in sacratis templis non pronuntiatur: imaginum autem apparatus & manē, & meridie, & vespere in his fixus, actorum veritatem nobis narrat & annuntiat.

Ind. Syn.
Niçen.

5. Traditionem itaque Ecclesiæ recipiamus, legislationem eiusdem veneremur: ne flocci pendamus piā & diuinā cōsuetudinem; in vetera & prisca iudicia ne simus curiosi. Omne enim quod in recordationem Dei erigitur, acceptum illi esse constat. Qui autem se excludunt ab istâ Traditione quam acceptarunt, quicumque germani in Ecclesiâ Catholicâ filij fuerunt, an non sunt

sunt nothi & minimè legitimi? An nondum sentimus probam & laudabilem esse imaginum erectionem? an non sentimus spiritualiter nos per eas referri ad prototyporum recordationem? Sanè sentimus. Quapropter non indignas habebimus eas honore, salutatione & veneratione, debitamq; adorationem illis dare debemus. Siue igitur placebit salutationem, siue adorationem appellare: idem profectò erit, modò sciamus excludi latriam.

CAPVT IX.

De cultu approbato, & veneratione sacramentorum imaginum, ex eadem Synodo Nicenâ.

QVALIS verò est iste adorationis honor? profectò non alius, quàm is, quo nos peccatores quoque inuicem prosequimur, salutantes nos inter nos per honorationem & dilectionem.

Si verò in Scripturâ & elegantibus nostris Patribus, adorationem quis dixerit pro cultu siue latriâ, quæ in spiritu fit, sumi, non negamus. Nam cum vox sit multe significationis, non potest non aliquando pro cultu adorationis in spiritu sumi. Adoratio enim est, cum venerationem, desiderium, & timorem significet: ita nos victoriosum & placidissimum imperium adoramus.

Syn. Nic.
II. Act. 2.
epist. Adr.
Papæ ad
Imp. Constant.
& Iren.

Ind. Act.
7. epist.
Tharal.
Episc. ad
Imp. Cōst.
& Iren.

mus. Est adoratio, quæ tantummodò timorem

Gen. 33.3. *significat: quemadmodum Iacob adorauit Esau.*

Est quæ gratiam notat: quomodo Abraham pro

Ind. 23.7. *agro quæ accepit à filiis Heth, in sepulcrum Sa-*

ra uxoris suæ, adorauit illos. Rursus qui sperant

Ind. 47.11 *adorant: quemadmodum Iacob adorauit Pha-*

Mat. 4.10. *raonem. Hinc diuina Scriptura dicens; Deum*

tuū adorabis, & illi soli cultum exhibebis; Ado-

rabis absolute ponit, neque adycit Soli: vt si-

gnificetur vox diuersæ notionis, & equiuoca.

Cultum autem exhibebis, siue seruias soli, dixit:

quam ob causam latrariam vni Deo tribuimus,

adque illum referimus. His ita se habentibus, in

confesso est, & sine ullâ dubitatione credimus,

acceptam & placitam coram Deo esse veneran-

darum imaginum depictionem, & earum quæ

dispensationem Domini nostri Iesu Christi ex-

primunt, & Virginis quoque Mariæ Deiparæ

intemeratæ; quinetiam gloriosorum Angelo-

rum, & omnium Sanctorum: has quoque ado-

randas & salutandas putamus. Qui verò ita

non est animatus, sed circa venerandarum ima-

ginum adorationem laborat & dubitat; cum

anathematizat sancta & veneranda nostra Syn-

odus, quæ efficaciam diuini Spiritus, & ecclesiasti-

cis Patrum Traditionibus munita est & cincta.

Synod.
Nic. II.
Act. 4.

2. *Cum igitur me videris Christi, aut eius*

inculpatæ Matris, aut alterius iusti imaginem

salutantem; confestim indignaris, blasphemias

fundis,

fundis, resiliis, & idololatrias nos vocas. Mirum te neque horrere, neque tremere, neque erubescere! cum videas me per omnem terrarum orbem idolorum phana destruentem, Martyrum verò templa adificantem. Iam si constat me idola adorare: quid causæ est, quamobrem Martyres, qui idola destruxerunt, veneror ut deos & glorifico? quò pàcto ipsos Martyres, qui statuas ligneas confregerunt, honore prosequor? Si ligna ut deos glorifico: quomodo veneror & adoro Martyres & Apostolos; qui lapideas effigies perdididerunt? Quomodo honore afficio, laudo, templa erigo, festa celebroy tribus illis pueris, Dan 3. 14. qui in Babylone imaginem auream non adoraverunt? Verè magna est Iudeorum cacitas, magna impietas! in veritatem iniuriy sunt: ingrata Iudeorum lingua, in Deum conuitia dicunt.

3. *Nos crucem ita non affamur, neque etiam* Syn. Nic.
II. A. 4.
Sanctorum imagines; Dii nostri estis. Non enim dii nostri sunt, sed tantummodo similitudines & imagines Christi & Sanctorum illius, ad commemorationem, honorem, & decorem Ecclesiarum veneranda. Nam qui Martyrem colit, Deum ipsum colit: qui Matrem illius adorat, ipsi honorem assignat: qui Apostolum honore prosequitur, ipsum qui Apostolum misit, adorat. Utinam & tu quoque Mosaicas & Propheticas imagines fecisses, illasque quotidie adorares! Sic

enim eorum Domino & Deo veram patriam exhiberes, non autem aureas statuas Nabuchodonosoris.

In lid.

^aGen. 23.7

^bExo. 18.7

^cGen. 47.

II.

^dDan. 2.47

4. Quâ verò fronte contra me, imaginum & crucis causâ insurgis: cum noris ^aAbrahamum idololatrias adorasse? ^bMosen verò Ietro idololatram idem fecisse? ^cIacob autem Pharaonem, ^dDaniel Nabuchodonosorem? Hi propheta & iusti cum sint, ob beneficia quadam illis praestita, in terrâ existentes illos idololatrias adorant: me scilicet Crucem, Sanctorumq; effigies, à quibus infinita beneficia, Deo procurante, nobis obtigerunt, adorantem despicias? Quandoquidem qui Regem metuit, filium illius iniuria non afficit. Qui Deum timet, hic omnia etiam Filium Dei, Crucisque illius typum, & Sanctorum illius effigies colit & adorat.

Syn. Nic.

II. Act. 6.

5. Hebraei autem & Agareni, & alij item infideles conuitia & maledicta in diuinam Crucem, & venerandas imagines, item ipsos Christianos conuicere solent: Christiani enim non solent se inuicem huiusmodi conuitiis proscindere. Hi autem fugitiui à veritate & Ecclesiasticis decretis, tradiderunt se falsis accusationibus & conuitiis: neque aliud quidquam conuehant, quàm plaustra maledictionum & accusationum contra Christianos, eorumque Pontifices & Sacerdotes; quasi hi reliquerint, scilicet, Deum viventem & verum, & imaginibus culturam exhibuerint: facti proculdubio

*culdubio conuitiatores, contumeliatores, lo-
quentes sine iudicio, & in verbis peccātes. Quis
autem timentium Deum, nō propter hanc eorum
impietatem, in maximum risum non effundi-
tur, aut potius luctum tristem non assumit?*

CAPVT X.

*Quā ratione Diuorum imaginibus dentur
suffimenta, lumina accendantur, ex eā-
dem Synodo.*

1. **H**IS sic se habentibus, regiam viam ince- Syn. Nic.
II. Act. 7.
dentes, & sanctorum nostrorum &
diuinorum Patrum doctrina insistentes, & Ca-
tholica Ecclesia (in quā sanctus Spiritus inha-
bitat) Traditionem obseruantes; definiuimus
cum omni diligentia & curā, venerandas &
sanctas imagines, ad modum & formam vene-
randa & viuificantis Crucis, è coloribus & tes-
sellis, aut aliā quauis materiā commodè paratas,
dedicandas, & in templis Sanctis Dei collocan-
das habendasq; tum in sacris vasis & vestibulis,
tum in parietibus & tabulis, in adibus priuatis,
& in viis publicis: maximè autem imaginē Da-
mini & Dei Seruatoris nostri Iesu Christi, dein-
de intemerata Dominae nostrae Deiparae, vene-
randorum Angelorum, & omnium sanctorum
virorum: quò scilicet per hanc imaginum pi-
etarum inspectionem, omnes qui contemplantur,
ad prototyporum memoriam & recordationem
& de-

Nota.

& desiderium veniant; illisq; salutationem, & honorariam adorationem exhibeant: non secundum fidem nostram, veram patriam, quæ solum diuina natura competit; sed quemadmodum typo veneranda & viuificantis Crucis, & sanctis Euangelis, & reliquis sacris oblationibus suffitorum & luminarium reuerenter accedimus, quemadmodum veteribus piè in consuetudinem hoc adductum est. Imaginis enim honor in prototypon resultat: & qui adorat imaginem, in eâ adorat quoque descriptum argumentum. Sic enim sanctorum nostrorum Patrum obtinet disciplina, & Traditio Catholica Ecclesiæ, quæ à finibus vsque ad fines Euangelium suscepit.

Ind. Aet. 4.

2. Omnes igitur qui sacras imagines se venerari consitentur, adorationem autem recusant, tamquam hypocrita redarguuntur. Nam cum verè adorationem, quod est honoris symbolum, recusant, contrarium facere cognoscuntur, nimirum Sanctis conuicia dicere.

Ind.

3. Verum ne quempiam offendat, quod ante Sanctorum imagines lumina & suauolentia thymiamata accenduntur: symbolicòs enim ista fieri in honorem illorum, opinandum est, quorum cum Christo requies, quorum honor ad ipsum recurrit, hoc ipsum testante sapiente Basilio, Quod erga conseruos bonos honor, erga ipsum Dominum commune beneuolentiæ signum exhibet. Sensibilia enim lumina symbolum sunt immate-

rialis

Lib. de Spi-
ritu sancto
c. 18.

rialis illius, & à Deo dati luminis. Aromatum autem incensio synceram, & totum sancti Spiritus afflatum & repletionem significat.

4. Sancta Synodus exclamavit; Omnes sic credimus; omnes idem sapimus; omnes approbantes subscripsimus. Hæc est fides Apostolorum; hæc est fides Patrum; hæc est fides Orthodoxorum; hæc fides orbem terrarum confirmavit. Credentes in unum Deum, in Trinitate laudatum, venerandas imagines amplexamur. Qui secus agunt, anathemate percelluntur. Qui sic non sentiunt, ab Ecclesiâ depelluntur.

Syn. Nic.
II. Act. 7.

5. Nos antiquæ Ecclesiæ legislationi insistimus: nos decreta Patrum custodimus: nos adiiicientes aliquid aut auferentes Ecclesiæ anathematizamus. Nos venerandas imagines suscipimus: nos qui secus faxint anathemate percellimus.

Quicumque sententias sacræ Scriptura de idolis contra venerandas imagines adducunt, anathematizamus. Qui venerandas imagines idola appellant, anathema. Qui dicunt, quod imagines Christiani ut deos adorent, anathema. Qui scientes communicant cum illis, qui contra venerandas imagines sentiunt, aut eas dehonestant, anathema. Qui præter Christum Dominum Deum nostrum dixerit alium nos à cultu idolorum liberasse, anathema. Qui audent Ecclesiam Catholicam dicere idola aliquando suscepisse, anathema.....

Si quis ex iconoclastarum hæresi aliquem existentem defenderit, anathema. Si quis Deum secundum humanitatem non circumscriptibilem confessus fuerit, anathema. Si quis Evangelicas narrationes per picturam representatas non acceptauerit, anathema. Si quis has non saluta- uerit in nomine Domini, & Sanctorum eius, anathema. Si quis Traditionem Ecclesia, siue scripto siue consuetudine valentem, non cura- uerit, anathema.

6. Tu, mi Lector, inspicere mentem Ec- clesiæ veteris, quam hodieque tenemus, de usu, fructu, & veneratione sacrarum ima- ginum. Vnum in Trinitate Deum confite- mur & colimus; deos & idola ethnicorum auersamur. Sanctorum imagines nullâ ra- tione, sed nec ipsos Diuos, pro diis habemus; sed ut Dei amicos congruo honore prosequi- mur. Hæc patrum Traditio, hæc auita fides & religio Hæc de suâ causâ nihil deprecatur.

Tertull.

Apol. c. i.

Vnum gessit, ne ignorata damnetur. . . Ceterum inauditam si damnent: præter inuidiam iniqui- tatis, etiam suspicionem merebuntur alicuius conscientie, nolentes audire, quod auditum damnare non possint. Attamen, velint nolint

Scn. ep. 91.

Catholici, quia Sanctos eorumque imagines venerantur, idololatræ sunt. Numquid detri- menti faceret vir bonus, iniquis rumoribus ad- spersus? Famam non extimemus sine causâ: nisi quod rudiores abducat à vero: hanc ma- lam

lam molitionem habet. *Interim temeritas est, damnare quod nescias.*

CAPVT XI.

Virgo Mater Maria Christo primum exhibendi miraculum auctrix fuit: ipsa dum vixit nulla, sed ab excessu plurima edidit.

I. **P**ANGAM nunc Mariæ Dei Genitricis miracula; si præscripsero, illam, quoad vixit, nulla patrasse: sed tamen causam Christo fuisse, vt primum miraculum faceret. *In* Ioan. 2. 3. Sim. Met. de ortu B. Mariæ, apud Sur. 15. Aug. *nuptiis, inquam, aqua in vinum mutationem fecit matre presente. Illa quidem certè prima admonet, vinum deesse, filio præbēs occasionem & materiam faciendi miraculum. Is autem quamuis agrè ferre videretur, & ideò recusare: fecit tamen ea quæ à matre suggerebantur, honorans omnino vt matrem; & veluti ei reddens mercedem, quòd ipsum in aluo gestauerit. Vide autem hic quoque Dei Matris insignem moderationem & prudentiam. Nec enim iubet audacter, tamquam mater filio, vt faciat miraculum: sed eum solummodò admonet, idque cum quadam magnâ reuerentiâ & submissione, & quantum sufficeret ad suam declarandam voluntatem. Quid enim est, quod dicit filio? Vinum non habent. Nam etsi ea illum esse suum cognoscebat filium: non ignorabat tamen eum esse suum effectorem:*
Et

Et idcò ille simul quidem volens ostendere, cuiusnam esset mater, & simul etiam referre gratiam iis qui inuitauerant, prudenter ei suggerit miraculi effectiorem.

Bernard.
Serm. 1. de
Assumpt.
B. Mariæ.

2. Quod dixi; Dei Genitrix Maria dum vixit miracula non patrauit (sacra Scriptura non prodit) at plurima post excessum. *Ad-uocatam præmisit nostra peregrinatio; quæ tamquam iudicis mater, & mater misericordie, suppliciter & efficaciter salutis nostra negotia pertractabit. . . . Ascendens ergo in altum Virgo beata, dabit ipsa quoque dona hominibus. Quidni daret? siquidem nec facultas ei deesse poterit, nec voluntas. Regina calorum est, misericors est: denique Mater est unigeniti Filij Dei. Nihil enim sic potest potestatis eius seu pietatis magnitudinem commendare: nisi fortè non creditur Dei filius honorare matrem; aut dubitare quis potest omnino in affectum charitatis transisse Maria viscera, in quibus ipsa, quæ ex Deo est charitas, nouem mensibus corporaliter requieuit.*

Idè Ser. 1.
super Mis-
sus est.
*Basil. Se-
leuc. Ar-
chiep. O-
rat. de Ver-
bi incarn.
to. 2. Bi-
blioth. Pat.

3. *Et quid mirum, si Deus qui mirabilis legitur & cernitur in Sanctis suis, mirabilem se exhibeat in matre suâ? Tale mysterium per illam patratum est, quale nulla prorsus lingua aut cogitatio assequi potest. Quis ergo magnam Dei Genitricis virtutem non veneretur? Si enim Christus seruis suis tantam gratiam contulit, ut solo contactu, imò verò solâ corporis umbrâ,*

umbrâ, agris præsidia adferre possint: (nam, ut
Actorum liber exponit, infirmi in plateas eie- AA. 5. 15.
cti, umbrâ tantùm Petri contacti, liberati à
morbo euadebant. Non deerant quoque qui lin-
teo, quo Apostolus Paullus corporis sudorem Ind. 19. 12.
exterferat, accepto, infestos daemones profliga-
rent.) qualem vim aduersus omne morborum
genus Virgini Matri collatam fuisse, putandum
est? an non multo maiorem, quàm ceteris Christi
imperio subiectis? omnino res clara est. Ecquid
mirum, si Sancti cùm in viuus etiamnum dege-
bant, præpotenter operabantur; cùm terra quo-
que non omnem, vitâ hac mortali iam persun-
ctorum, vim & energiam unâ cum illis obruere
potuerit? Constat namque saxa illorum corpora
ita tegere, ut ipsi tum (si eo tamen quo par est
modo adeantur) sibi addictos tueri ac conser-
uare non desinant. Iam si talibus tanta mira-
cula patrandi virtutem contulit Deus: qualem
educationis mercedem parenti donasse, quan-
tisq; charismatis & donis illam exornasse existi-
mandus est? Si Petrus ob id beatus appellatus, Mat. 16. 17
regniq; calorum clauis sortitus est, quòd Chri-
stum Dei filium palàm confessus esset: quomodo
super omnes beata predicanda nõ est, quâ illum
parere promeruit, quem ille confessus fuerat? Si
Paullus electionis vas cognominatus est, pro-
pterea quòd venerabile Christi nomen ubique AA. 9. 15.
terrarum circumferret & prouulgaret: quale-
nam vas censenda est Deipara Virgo, quæ non

D

Manna,

Exo. 16. 13 *Manna, ut urna illa aurca, sed caelestem panem,*
 Ioan. 6. 53 *qui fidelibus in cibum & potum exhibetur,*
 * Aug. Ser. *utero complexa est? * Neque enim dubium, quæ*
 38. 10. 10. *meruit pro liberandis proferre pretium, posse*
 in append. *plus omnibus liberatis impendere suffragium.*

Ioan. Da- 4. Mox ab eius excessu, nullâ interpositâ
 maf. Orat. morâ, qui sanctissimo ac sacerrimo corpori asta-
 2. de assup. bant, cum timore ac desiderio, & exultationis
 B. Mariæ. lacrymis, diuinum illud ac beatissimum taber-
 naculum in orbem cingentes complectebantur,
 & exosculabantur, nullumque non membrum
 corpori admoueant: atque ex ipsius contactu
 sanctitate & benedictione perfundebantur.
 Tumigitur & morbi fugam capecebant, & dæ-
 monum cateruæ pellebantur, atque ad subterra-
 neas partes undique exigebantur: & aër &
 ather ac calum ascendente spiritu sanctitatem
 contrahebant, quemadmodum & terra per corpo-
 ris ipsius inhumationem. Quin ne aquarum qui-
 dem natura benedictionis expers fuit: ablueba-
 tur enim aquâ purâ: non quò ipsum purgaretur,
 sed quò eam potius purgaret. Atque hic surdis
 auditus, claudis pedum firmitas restituebatur,
 cæcis visus instaurabatur, peccatoribus cum fide
 accedentibus syngrapha lacerabantur.

5. Et hoc quoque memoriæ prodium est,
 cum sanctissimum illius corpus Apostolorum
 manibus efferretur sepeliendum in Gethse-
 mani, atque ad montis crepidinem venissent,
 qui Genitricis Dei corpus gestabant: Hebraum
 quem-

Indid.

quemdam peccati seruum, atque cum errore velut fœdere deuinctum, seruum illum Caiphæ, qui in Dominicam Christi faciem colaphum impegerat, imitantem, diabolique organum effectum, temerario quodam ac præcipiti & diabolico impetu concitatum, ad diuinissimum illud tabernaculum (ad quod Angeli non sine metu accedebant) sese contulisse; acceptumq; utraque manu lectum vesanè ac furiosè in terram detraxisse; id quod nimirum inuidi illius; ac malorum auctoris spiritus afflatu faciebat. Verùm laborum suorum fructum statim tulit, acerbamq; vnam animi sui instituto dignam collegit. Orbatum enim cum manibus prædicant: ac cernere erat eum, qui suis manibus hoc facinus perpetrarat, confestim manibus carentem, quoad mentem suam ad fidem ac pœnitentiam immutasset. Protinus enim, qui grabatum gerebant, steterunt: ac miser ille qui manus amiserat, incolumitatem rursus consecutus est. Calamitas enim prudentia & salutaria consilia ut plurimum parere consuevit.

6. Maria est hominibus pons ad Deum, spes eorum qui spem abiecerunt, refugium eorum qui sunt vexati; quæ humane nature sustulit maledictum. Vera porta, quam peccatores pulsamus, & sæpè aperitur; & offert preces nostras Deo nostro, qui ex ipsâ natus est, & accipit peccatorum nostrorum remissionem.

Sim. Metaph. Orat. in pœnit. Theophili Oecon. apud Sur. 4. Febr.

CAPVT XII.

Nonnulla miracula superioris aui, à Diuæ Virginis imaginibus. Puniti iniuriosi & impij.

1. **T**EMPORVM priscorum pauca miracula, à D. Virginis imaginibus variis, nunc recenseo. Atque ista dum credimus, hodierna non reiiciemus. Porro nulla recipient, qui opinione laborant erroris, à Religione Catholicâ deuiantis. ^a *Qui miracula non credunt, hostes Ecclesiæ se declarant.* Nec mirum: ^b *Scite se peregrinam in terris agere, inter extraneos facile inimicos inuenire.* Sed tamen vt illam ^c *asserat, signis quoque Deus pietatem confirmat:* aduersus quam magno suo malo isti animum obstant. Voueo, vt nostra admiranda cùm legunt, dum audiunt, sentiant non esse rationi contraria, non à potentiâ & voluntate Dei aliena. Ita fiet, vt quotquot nunc persequuntur nos furore ex errore, aliquando fauore prosequantur ex verâ fide.

2. *Miraculum voco, quicquid arduū aut insolitū supra spem vel facultatē mirantis apparet:* vt cùm supra naturæ vires cæcus visum, claudus gressum, infirmus valetudinem, mortuus vitam recuperat. Hæc talia Christus Saluator in mundo fecit; & Apostolis, eorumque prædica-

^aGuilmūd.
lib. 3. de
Sac. Euch.

^bTertull.
Apol. c. 1.

^cGre. Naz.
Orat. in
functefrat.

Aug. de v.
ilit. cred. c.
16. tom. 6.

dicatione credentibus, facultatem exhibendi
 dedit: *Signa eos qui crediderint, hac sequentur.* Marci 16.
17.
In nomine meo demonia eiicient, linguis lo-
quentur nouis, serpentes tollent: & si mortife-
rum quid biberint, non eis nocebit: super agros
manus imponent, & benè habebunt. Id genus Iustinus
Mart. Or.
ad Anton.
pro Chri-
stian.
 prodigia ad Diuorum exhiberi imagines, du-
 bitare non potest, qui credit, aspectu ænei ser-
 pentis, in deserto, & quidem ad crucem à
 Mose suspensi, à serpentibus ignitis ictos mira-
 biliter sanatos esse. *Fecit Moses serpentem* Num. 21. 9
aneum, & posuit eum pro signo: quem cum per-
cussi aspicerent, sanabantur. Nota, nota. Per-
 cussi à serpentibus, nisi æneum serpentem ad-
 spexissent, moriebantur. *O insania fremetium* Adria. pp.
de imag. ad
Carol. M.
c. 26. to. 3.
Conc.
contra fidem & religionem Christianam! ut
asserant non colere aut venerari imagines, in
quibus figura sunt Saluatoris, eius Genitricis, vel
Sanctorum; quorum virtute subsistit orbis, atque
potitur humanum genus salutem! Aenei serpen-
tis inspectione credimus Israëliticum populum à
calamitate iniectà liberatum: Christi Dei nostri
& Sanctorum effigies aspicientes. atque vene-
rantes dubitamus saluari? Absit talium nefaria
temeritatis cedere amentia. Patrum priscas se-
quamur traditiones; & ab earum doctrinâ nullâ
declinemus ratione. Possumus enim ita tenen-
tes, quemadmodum nostri praecessores atque pa-
tres eorum plenam gratiam obtinere.

3. Corporis vmbra, hominis est obscura

Aa. 5. 15.

imago: atque ex umbris ars picturæ sumpsisse dicitur initium. Umbra D. Petri Apostoli, quoscumq; infirmos in plateis expositos cum obumbraret, persanauit ab infirmitatibus: cur negemus ab imaginibus Diuorum id genus exhiberi miserabilibus hominibus sanationes? Ad imaginem Christi Saluatoris, à muliere sanguinis profluuio laborante factam, ignota excrescens herba, omne genus morborum curauit, ut suprà commemorauimus: quem admodum etiam ad imaginem D. Virginis à B. Lucà depictam, superioribus temporibus scribuntur varia miracula prouenisse. Quin igitur credas, æuo nostro ad Deiparæ imagines admiranda patrari?

Cap. 6. §. 3.

Epist.
Germani
Constanti-
nop. Episc.
Act. 4.
Synod.
Nic. II.

4. Summa autem rerum in hoc concludi potest, quod extra omnem controuersiam est; Sanctorum imagines mirifica designare miracula; ut & debilibus valetudo bona per eos concilietur, sapèque in somno apparentes optima quæque nobis consulant. Extra omnem controuersiam est; In Zoſopoli Pisidia ciuitate imago Virginis Matris intemerata, ex pictâ etiam manu suâ unguentorum scaturiginem effundit: cuius sanè miraculi plures testes sunt. Hac omnia Sancti per fidem operati sunt in mundo, ut in Actis Apostolicis legimus: cuius rei etiam euidentis testimonium est, umbra vestimentorum, & sudaria sanitates largientia. Quod igitur non omnis corporis umbra, neque qualibet sudaria

id

id possint, facile videtis, qui, quæ fides fuerit
vtriusque erga Deum, animaduertit; ut qui
eiusmodi gratiam per inanimata illa indica-
uerit. Quamobrem credendum est, & per ima-
gines quoque talia à Deo designari: non per
quaslibet tamen picturas aut imaginum species
eiusmodi fiunt, sed Sanctorum effigies repræ-
sentantium tantum, aut Iesu Christi. Neque
etiam ob huiusmodi curationes, spontaneas esse
credendum est, sed tantummodo ex Dei gratiâ.
Nec tantum curationes miserorum ad Diuo-
rum imagines, sed & aliâ æquè admiranda
prouenisse commemoro.

5. Candela D. Virginis imagini accensa,
perenniter arsit. *Vir erat in partibus villæ*
quæ dicitur Sochus, milliaribus ab Hierosolymis
viginti paruis. Habebat autem senex in spelun-
câ imaginem intemerata nostræ Deiparæ &
semper Virginis Mariæ, habentem in vlnis
Christum Deum nostrum. Cum autem esset abi-
turus in desertum vastum; aut Hierosolyma,
adoranda Crucis gratiâ, & sancta loca, vel in
montem Sinâ, adorandi causâ, vel ad Marty-
res longè ab Hierusalem distantes, (erat enim
studiosus Martyrum; nunc enim in Ephesum
ad diuum Ioannem, nunc verò ad Euchaita ad
sanctum Theodorû, vel ad sanctam Theclam in
Seleuciam, vel Saraphas ad diuum Sergium.
ibat) candelam parabat, eamque incendebat pro
suo more. Et cum accinctus ad iter preces fun-

Syn. Nic.
II. Act. 5.

Pratum
Spir. cap.
180.

deret, dicebat ad Dominam, totus in imaginem eius intentus; Sancta Domina Deipara, quandoquidem restat mihi longum iter conficiendum, candelam tuam cura, eamque inextinctam iuxta meum propositum serua. Nam ego tuo fretus subsidio, longum iter ingredior. Hac autem cum ad imaginem dixisset, abiit; destinatumque iter postquam confecit, rediit: nunc quidem intra mensem, nunc intra duos aut tres. est & quando quinque aut sex mensibus absuit: candelam tamen semper accensam deprehendit & ardentem, quemadmodum eam reliquit cum abiret; neque tamen umquam eam à se extinctam potuit deprehendere, siue de somno excitatus esset, siue ex eremo ad speluncam rediens. Obseruandum. Orauit senex ad imaginem, sed mēs ipsius ferebatur ad prototypon. Nec idolomaniam hanc esse, sed obsequium Deo gratum, illud ingens D. Virginis exhibitum miraculum euincit. proinde demoniacos esse illos, qui cum malo genio insufurrant; *Imaginem istam caue amplius adores.* Adorabat quotidie vir sanctus, solitarius habitans in monte Oliuarum, *Imaginem Domina nostra Deipara Virginis Mariae, gestantem Iesum Christum.* atque cum Deo gratum id esset, malo demoni displicuit.

Syn. Nic.
II. Act. 5.

Prat. Spir.
c. 45.

6. Admirabile aliud exemplum, de cereis honori D. Virginis incensis. *Habetur Roma patriarchalis Ecclesia, in honorem perpetuae Virgi-*

Virginis Matris Domini consecrata, quæ vul- Pet. Clun.
lib. 2. de
mirac. c. 30
gari sermone Sancta Maria Maior vocatur.
 Ibi quàm inauditum miraculum non so-
 lùm semel contigit, sed etiam multo tempore an-
 nuatim in festo Assumptionis V. Maria proue-
 nit. Mos est Romanorum, festum Assumptionis
 Matris Domini inter uniuersas anni festiuita-
 tes præcipuo honore colere, speciali deuotione
 venerari. Vnde est, quòd inter plura deuoti ani-
 mis sui erga præcelsam Virginem signa, cereos
 maximos faciunt; & eos antè paratos, Vigiliâ
 festiuitatis ad nominatam Ecclesiam deferunt,
 atque vespertinâ horâ, vel circâ, accendunt.
 Pondus tamen eorum aquâ lance pensatum do-
 mini retinent: ut sequenti die, sollemni Missâ
 peractâ, eos rursùm pensantes, quântum de quan-
 titate eorum ignis absumpserit, indicante sta-
 terâ cognoscere valeant. Manent ergo Roma-
 norum cerei à vespertinis, ut dixi, horis, usque
 ad sequentis diei sextam vel nonam horam in
 Ecclesiâ Matris Domini, ad honorem utrius-
 que accensi; & festiuis Missa sollemniis consum-
 matis, singuli à propriis dominis ab Ecclesiâ re-
 portantur. Referens quisque cereum suum, mox
 ut domum peruenit, geminas lances præparat;
 imponit uni cereum, alteri pondus hæsternum.
 Attendit diligens inspector, quantum de cerei
 prius appensâ quântitate possit deesse: & vesperti-
 nas, nocturnas diurnasque horas, quibus conti-
 nuè cereus arsit, numerans, expectat quid sibi de

imminutione primi ponderis statera renuntiet. Et ecce (mirabile dictu) nihil minus, quantum ad pondus pertinet, post tam prolixam cerei sui exustionem, sollicitus ille appensor & spectator inuenit, sed quasi nihil consumptum sit, totum quod Deo & eius Virgini Matri deuotus intenderat, se accepisse miratur. Hoc tam nobile, & antè nusquam auditum miraculum, ad commendandum mortalibus gloriam Matris Domini, non in quolibet ignoto vel humili loco, non in qualibet vel quantalibet ciuitate, sed in ipsâ vrbe orbis capite, nō semel tantum, sed assidue recursu annuo, diuina pietas & potentia operatur. Facit hoc, vt & frequentia miraculi augeat admirationem, adificet fidem, accendat charitatem: & locus tam celebris nulli patiatur esse occultum, quod celestis prouidentia, tam famosi loci occasione pluribus, ne dicam omnibus, fieri voluit manifestum. Testatur Petrus Cluniacensis id miraculum durasse per centum & eo amplius annos, vsque ad suam aetatem.

Car. Sigō.
lib. 4. de
reg. Italiae
Lud. Pio
cum Lo-
thario F.

7. In opido lacus Comensis Grabadonâ, imago sanctæ Virginis puerum Iesum gremio continens, ac Magos munera offerentes excipiens, in abside adis S. Ioannis Baptiste depicta, sed nimia iam vetustate obsolescens, tantâ claritate per duorum dierum spatium fulsit, vt splendorem nouæ picturæ, omnium spectantium iudicio superaret; Magorum tamen imaginibus in pristinâ obscuritate remanentibus.

8. Ioan-

8. *Ioannes Comnenus Imperator Constantinopolitanus insignem pietatem suam testatus est, aduersus Scythas prælians. Nam cum Romana phalanges urgentibus hostibus, & audaciùs se inferentibus, laborarent: imaginem Dei Genitricis cum gemitu & miserabilibus gestibus intuens, lacrymas bellicis sudoribus calidiores fundebat. Neque id frustra: statim enim caelesti robore armatus, Scythicam aciem profligat; quemadmodum olim Moyses extensione manuum Amalechiticæ turmas dissipauit.*

Nicetas
Choniates
Ioan. C6-
neno.

EXO. 17. 11

9. *Andronicus Palæologus senior Imperator Græcorum in palatio suo ab Andronico nepote circumfessus, atque omni ope destitutus ducum atque militum (Palatium enim, cubiculi ministris adolescentibus exceptis, desertum prorsus erat) ad sacram imaginem Dei Genitricis Hodogetriæ confugit, ante multos dies in Palatium translata, quæ ei infirmo solatio erat. Hac igitur fretus, & humi prostratus, ardentem cum lacrymis obtestatur, ne periclitantem deserat, & sicariorum ensibus obiiciat. Exaudiuit preces eius, & festinum tulit auxilium, quæ quiduis potest castissima Dei Genitrix. . . Andronicus Iunior Palatium ingreditur: ac primum, venerabili Dei Genitricis imagine, ut decet, adorata; deinde auum illi inhaerentem, abductum salutauit, amplexus est, & blandis verbis recreauit.*

Niceph.
Gregoras
lib. 9. Hist.
Rom. ubi
de Constantinop.
proditiōe.

10. *Michaël Imperator Græcorum Theophili*

Georgius
Cedrenus
Manuele
Imp.

phili F. ut imagines Diuorum in templis, vnde iam diu fuerant exturbatæ, restitueret, hanc habuit caussam. Inciderat in grauissimum morbum, adeò quidem, ut omnium medicorum arte defatigatâ, iam de vitâ eius desperaretur. Eum accessere quidam p̃y monachi ex Studiij collegio, quibus nuntiatum fuerat esse mortuum. cùmque ad lectum aggressi, vinere adhuc & spirare sensissent, latum ei de vitâ seruandâ pristinaq; sanitate recuperandâ nuntium prædicauerunt. Cùm autem initiò diffideret, tamen instantibus diuinis istis hominibus, prohibentibusq; ipsum dubitare de dono Dei, & gloriâ ipsius patefactâ, paullulùm se ex morbo colligens, tenui ac imbecillâ voce; Quomodo, inquit, diuini patres, hoc mihi contingat? cuius & animæ facultates defecerunt, & corpus omnino confectum exaruit; ita ut totus exsiccatus, solis reliquis ossibus iaceam: eòque tantùm à cadauere differam, quòd spiritum duco. quâ ergo spe adducar, ut credam me vires recepturum, ac pristina valetudini restitutum iri? Respondere monachi: Deum nihil non posse. Quòd si ergo sanitate receptâ operam sit daturus, ut incendium à simulachri perdis excitatum restinguat, sacrasq; imagines, secundum vetera maiorum decreta, restituat; se ei vitam certò promittere: atque hæc fati discesserunt. Statim verò & morbus remisit, & naturales facultates omni impedimento sunt liberata: breuiq; temporis spatio, infir.

infirmirate prorsus est solutus Manuelus . Sic ergo alleuato corpore , statim equo ad Palatium it: ingressusque ad Imperatricem Theodoram suam matrem , eam summopere ad reponenda sacra simulachra exhortatus , in tempore reposuit.

II. Iconoclastæ D. Virginis imaginem deiicere non potuerunt . *Antuerpiæ celeberrimo totius Belgij opido , cùm iconomachi anno ∞. 10LXVI. ac deinceps Ecclesias passim vastarent , in monasterio Franciscanorum , eodem furore debacchati sunt . Cumq; altaria , imagines & statuas vniuersas essent demoliti: progressi sunt ad imaginem B. Virginis Deiparæ , amictam Sole , & Lunam sub pedibus habentem , ex laqueari Ecclesiæ dependentem . hanc verò nullâ vi , nec arte , quantumcumq; fatigaretur , luxare , nedum deturbare potuerunt , inuictâ illâ & immotâ , inuitis omnibus istis , perdurante , & de furore hostium suorum triumphante . Ipsi (inquit Bredenbachchius) nos eandem imaginem , eodem in loco etiam pendente paullo post conspeximus . Non haberent homines isti in Christi & Sanctorum eius venerandas imagines potestatem vel minimam , nisi data illis esset desuper . Qui legem posuit aquis , ne transeant fines suos : idem & eiusmodi hominum rabiem vel minimo nutu coercere potest , & sæpenumerò vel miraculosè coercet , vel exertam in se suosque Sanctos rabiem , cùm acciperit*

Tilm. Bredenb. l. 3.
Collat. sac.
c. 23.

perit tempus, seuerissimè vindicat. cuius rei exemplum memorabile subiungo, ex relatione Constantij Episcopi Constantiæ Cypri.

Syn. Nic.
11. Act. 4.

12. *Vir quispiam Cyprius in Constantiâ urbe armentarius, in sacellum Deiparæ Virginis orandi causâ concessit. & inter orandum suspiciens, imaginem Virginis ex coloribus in pariete expressam animaduertit, aitq; Quorsum hæc? Et stimulo quo boues agebat sublato, imagini dextrum oculû exsculpsit. Egressus autem templum, cum pecus pungeret, stimulus fractus est: parsq; ea cui ferrum infixum est, in hominem delapsa, in oculum illius dextrum infixæ est. Hunc ego virum vidi, scribit memoratus Episcopus, & unoculum esse etiamnum cognosco.*

Enag. lib. 5
Ecclesiast.
hist. c. 18.

13. *Impium quemdam imago Deiparæ est auersata. Anatolius quidam, vir primùm quidem plebeius & mollis, postea verò ad magistratus & alia munera obeunda, subdolè, nescio quo modo arrepsit, & Antiochiæ atatem traduxit; quo in loco, res quas habebat in manibus, sedulo exsecutus est. Vnde cum Gregorio eius urbis Episcopo maximam conflauit familiaritatem: persepeq; illum adiit, partim gratiâ de negotiis suis colloquendi, partim vt maiorem auctoritatem ex crebrâ eius consuetudine sibi conciliaret. Iste Anatolius hostias simulachris immolasse foriè deprehensus est: qui cum vocaretur in questionem, homo impius, præstigiator, & infinitus inuolutus sceleribus repertus fuit:*

& ta-

& tamen parum aberat, quin & ipse, & sui omnes (habuit namque alios sui similes, qui idolis itidem sacrificasse manifestò tenebantur) liberi dimissi fuissent, nisi populus, excitato tumultu, omnia turbis ita miscuisset, ut consilium de illis impiis initum, eo pacto diremptum esset. Quinetiam contra Gregorium Episcopum clamores tolluntur, eum consilij Anatolij participem fuisse palàm predicatur. Porro autem execrabilis daemon, humana vitæ perturbator, nonnullos induxerat, ut victimis immolandis cum Anatolio se socios adiungerent. Hinc Gregorius in maximum venit discrimen, populo eum gravissimè exagitante insectantèque. Hinc etiam tam vehemens in illum movebatur suspicio, ut Imperator ipse Tiberius coràm, ex ore Anatolij, rei veritatem expiscari laboraret. Mandatum igitur dat, ut Anatolius, & sui omnes Constantinopolim quàm celerrimè aduentarent. Quibus rebus cognitis, ad imaginem quamdam Mariæ Deiparæ, fune in carcere sublimem appensam, accurrens, manibus à tergo complicatis, se ei supplicare, precesq; adhibere ostendit. Illa autem eum velut sacrilegum detestata, & ut Deo iniustum coarguens, penitus abs se auertit. spectaculum plane horribile, & sempiternæ memoriæ prodendum. Quod quidem à præsidiariis militibus, & ab his, quibus illius custodia commissæ fuit, visum est, & ab iisdem omnibus aliis diuulgatum. Apparuit item Deipara reipsa

non-

nonnullis aliis fidelibus, eoque contra ſteſtum illum incitavit inquit; Anatolium Filium ſuum contumeliis afficere. . . . Quinetiam vir illuſtris, qui Imperatoris Palatio præfuit, quæque partes Anatoliæ acriter admodum tuebatur, dixerat quoque ſe viſiſſe Deiparam Mariam, eamque ſic locutam; Quouſque defendis cauſſam Anatoliæ, qui tum me, tum Filium meum tantis onerat contumeliis?

Niceph.
Calliſt.
lib. 18.
hiſt. Ec-
cleſ. c. 33.
Georgius
Cedrenus
Mauritio
Imp.

14. Addo exemplum terribile conuitiatorum atque blaſphematorum Deiparæ Virginis, punitorum grâuiſſimè. Mauritio Imperatore, Græci quidam ſive Gentiles in cuiuſdam domo conuiuant, & vino ſeſe inuitantes, poſt prandium ſimulatque ſatis adbibent; blaſphemare & conuiitiis proſcindere Verbi Matrem cæpere; poſtremum hoc compotationi adhibentes ſtudio, ut quacumque aliquis eorum excogitare poſſit abſurda atque indigna, per ea ridens æconomia & diſpenſationis ſalutis noſtræ myſterio illuderet. Impietas ea poſtquam innotuit, illi quidem condignas petulantis linguæ pœnas dedere. Aedium autem, in quibus confidentes graui blaſphemia indulſerant, dominus, à ſacris noſtris non alienus, tum quidem, quod res ita iulerit, periculum effugit. Non multo verò poſt, noctu ei dormienti in ſomnis Dei Genitrix aſtitit: cui diligentius, Ecquid ſe, quanam eſſet, noſſet, percontanti; poſtquam ipſe noſſe ſe eam profeſſus eſt: illa ei contumeliarum indignitatem
in me-

in memoriam revocavit. Tum ille miser supplex ei esse, veniamq; delicti petere: & ne tam citò morte mulctaretur, sed tempus ei pœnitentiæ relinqueretur, orare. Illa daturam se hoc ei, neque in præsentia ipsum ita morte pœnas luiturum, promittere. Vimine autem, quod manu gestare videbatur, genua eius circumcirca veluti exarans circumscribere. Id ubi factum, auolans ei postea non apparuit. At ille somno discusso, membra ea quæ vimine notata fuerant, statim ab reliquo corpore disrupta inuenit, recenti sanguine profluente. Et in publicum productus, iustum omnibus iudicium promulgavit. Qui verò id audierunt, laudes Deo propter tam inopinatum miraculum cantarunt: Matrem Dei itidem celebrarunt, quæ ita semper Christianorum genus tueretur; quæq; nouo quodam modo affectionem erga nos suam (quamvis præter naturam suam sit, ut quemquam puniat) vi quadam adaçta ostenderet: ut scilicet Religio nobis stabilis & firma esset.

15. Nec est, quin adscribam, quod factum retulit Pater Gerardus à Montenaken, instituti nostri Sacerdos in conuentu VVeertensi. Antonius à Laenen, vulgò dictus Scheelen Tocuts, eques alæ Hollandorum, quæ cum ceteris ad Aspricollem D. Virginis aduolauit, eius Sacellum exspoliatum, quod etsi non impune, tamen fecerunt. Antonius sanctè adfirmavit, iam iam sententiâ capitali crurifragio.

à Senatu VVeertensi addictus, se audisse equitem aliquem è commilitonibus (cùm ædiculæ appropinquasset) equo cæco infidentem, blasphemasse Beatam Mariam in hæc verba; Tûne illa es, quæ homines iuuas, quæ cæcis visum reddis? Fac vt meus cæcus equus videat. Dixerat impius: & subitò cæcus equus videns factus est, ipse blasphemus cæcus, manu duci vt debuerit. Hunc excæcatum se vidisse postea, & audisse hæc eadem referentem, Antonius publicè confessus est, coram opidi Præ-tore, Consulibus, Senatu & frequente populo VVeertensi. In fidem rei Senatus instrumentum, vrbis publico signo confirmatum habeo, & adseruo.

Atque ita, vt ex his benè multis exemplis condiscere licet, quod bonus auctor, non nuper, sed ante circiter quingentos annos scripsit, *Non solum Matris iniuriam Christus vindicat in operibus malis, sed etiam in verbis contumeliosis.*

Cæf. Heisterb. lib. 7.
illust. mirac. c. 43.

CAPVT XIII.

De Supplicationibus Ecclesiasticis, quæ ex cærimoniis veteris Legis celebrantur.

I. **M**IRACVLA. Diuæ Virginis imaginum ex veterioribus Patribus ista conduxì: vt astruam priscum piumque Catholi-

tholicorum ritum, Christi Saluatoris, Diuorumque, maximè verò Virginis Matris icones in publicis processionibus circumferendi; quod pari ratione comprobabo ex antiquitate venerandâ, cùm prius nonnulla præliba- uero de Supplicationibus Catholicorum, quas haberi frequentissimas, habitasque, quâ mundus Christianus fuit, totus orbis testis est.

2. Christiani Processiones vocant, quas Ethnici Supplicationes. Arbitrantur nonnulli Tertullianum de his scribere: *Scio Christianum per visionem nocte castigatum gra- uiter, quòd ianuam eius, subito annuntiatis gaudiis, serui coronassent. Et tamen non ipse co- ronauerat, aut praeceperat: nam antè processerat, & regressus reprehenderat factum. Antè processerat*, inquit. Item alibi, *Si procedendum erit*. De idolo- lat. c. 15. Vbi Beatus Rhenanus prorsus asserit vete- rem ritum publicarum processionum; atque eam vocem mutuatos Christianos à Gen- tilibus. Tertul. lib. 2. ad Vxor. c. 4.

3. Supplicationum origines manifestè deducimus ex sacris Litteris; ipse Deus ritum procedendi instituit, quando Iosue Dei iussu præcepit totum exercitum Israëlitarum circuire urbem Iericho. *Iosue de nocte consurgente, tulerunt Sacerdotes Arcam Domini; & septem ex eis, septem buccinas, quarum in Iubileo usus est: precedebantque Arcam Domini ambu- lantes*. Ios. 6. 12.

lantes atque clangentes: & armatus populus ibat ante eos; vulgus autem reliquum sequebatur Arcam, & buccinis personabat. Circuieruntque ciuitatem secundo die semel, & reuersi sunt in castra. Sic fecerunt sex diebus. Die autem septimo diluculo consurgentes, circuierunt urbem, sicut dispositum erat, septies, &c. Aduerte processionem ordinatam. Sacerdotes Arcam ferunt, Sacerdotes clangentes buccinis præeunt Arcam, vt & armatus exercitus, reliquo vulgo subsequente. Ritus hic in nostris Supplicationibus vt plurimum obseruatur.

2. Reg. 6.1

4. David Rex multo clariorem habuit processionem, cum Arcam Domini transferret à Gabaa in ciuitatem suam. *Congregauit rursum David omnes electos ex Israël, triginta millia. Sarrexitque David & abiit, & vniuersus populus qui erat cum eo de viris Iuda, vt adducerent Arcam Dei, super quam inuocatum est nomen Domini exercituum sedentis in Cherubim super eam. Et imposuerunt Arcam Dei super plaustrum nouum: tuleruntque eam de domo Abinadab, qui erat in Gabaa: Oza autem & Ahio filij Abinadab minabant plaustrum nouum. Cumque tulissent eam de domo Abinadab, qui erat in Gabaa, custodiens Arcam Dei Ahio precedebat Arcam. David autem & omnis Israël ludebant coram Domino, in omnibus lignis fabrefactus, & citharis & lyris, & tympanis & sistris, & cymbalis. Oza, quod minus reuerenter Arcam*

cam Dei tetigisset, percusso, Dauid extimuit, diuertitq; eam in domum Obededom Gethai. Cui cum Dominus benedixisset, dixit Dauid; Ibo & reducam Arcam cum benedictione in domum meam. Abiit ergo Dauid, & adduxit Arcam Dei de domo Obededom in ciuitatem Dauid cum gaudio. & erant cum Dauid septem chori, & victima vituli. Cumq; transcendissent, qui portabant Arcam Domini, sex passus; immolabat bouem & ouem & arietem: & Dauid percutiebat in organis armigatis, & saltabat totis viribus ante Dominum. Porro Dauid erat accinctus ephod lineo. Et Dauid, & omnis domus Israël ducebant Arcam testamenti Domini in iubilo, & in clangore buccinae. Vides à Rege Dauid, ad Arcam deducendam, omnes proceres ad triginta millia conuocatos? item processionem ordinatè seruata? septem choros cum Dauide laudantes Dominum, adhibitis omnis generis musicis instrumentis, in iubilo & clangore buccinae? Nos cum similia agimus, mirum non est si irrideant isti, quando & Michol vxor Dauid, maritum despexit in corde suo. Sed gratum fuisse Deo obsequium euincitur; quòd Rex Dauid mox

*Angelo-
mus hoc
loco.*

suscipere promeruit: & coniunx, qua eandem illius humilitatem despexerat, eius semine fecundari non meruit, sed perpetua sterilitatis pœnas luit.

3. Reg. 8. 1

5. Salomonis exædificato templo, toto terrarum orbe magnificentissimo, congregati sunt omnes maiores natu Israël cum principibus tribuum, & duces familiarum filiorum Israël, ad regem Salomonem in Ierusalem, ut deferrent Arcam fæderis Domini de ciuitate David, id est, de Sion. Conuenitq; ad regem Salomonem uniuersus Israël in mense Ethanim, in solemnitate die, ipse est mensis septimus. Veneruntque cuncti senes de Israël, & tulerunt Arcam Sacerdotes, & portauerunt Arcam Domini, & Tabernaculum fæderis, & omnia vasa Sanctuarij, quæ erant in tabernaculo, & ferebant ea Sacerdotes & Leuitæ. Rex autem Salomon, & omnis multitudo Israël, quæ conuenerat ad eum, gradiebatur cum illo ante Arcam; & immolabant oues & boues, absque æstimatione & numero. Et intulerunt Sacerdotes Arcam fæderis Domini in locum suum, in oraculum templi, in Sanctum sanctorum, subter alas Cherubim. Omnium exemplo istorum, etiam in similem modum, Ecclesiæ Sacerdotes cum populo supplicationes decernunt & seruant.

2. Esdr. 12. 27.

6. A captiuitate Babylonicâ, in dedicatione muri Ierusalem, requisierunt Leuitas de omnibus locis suis, ut adducerent eos in Ierusalem, & facerent dedicationem & latitiam in actione gratiarum, & cantico, & in cymbalis, psalteriis & citharis. Congregati sunt autem filij cantorum de campestribus circa Ierusalem, & de villis

villis Nethuphati, & de domo Galgal, & de regionibus Geba & Asmaneth: quoniam villas adificauerunt sibi cantores in circuitu Ierusalem. Et mundati sunt Sacerdotes & Leuita, & mundauerunt populum, & portas & murum. Ascendere autem feci (inquit Nehemias) principes Iuda super murum: & statui duos magnos choros laudantium. Et ierunt ad dexteram super murum ad portam sterquilinię. Et iuit post eos Osaías, & media pars principum Iuda..... Et chorus secundus gratias referentium ibat ex aduerso; & ego post eum: & media pars populi super murum, &c. Nehemias ita indixit, duo ut chori Deum laudantium, urbem Ierosolymorum, sibi occurrentes, in mœnibus circuirent.

7. Constantinus M. imitatus hoc exemplum, Episcopos Synodi Nicenæ, finito contra Arium Concilio, rogauit, ut qui tantum pertulissent laboris, per paucos sibi dies dare, & recens fundatam Urbem, iam tum perfectam, adire non grauarentur: ut precationibus suis munitiones eius & muros firmarent. Atque illi statim quod petierat faciunt, Constantinopolim veniunt, Encania & consecrationis festum diem celebrant, incruento sacrificio operantur, precibus votisque urbem abunde prosequuntur & firmant, eandemque Dei Genitrici dedicant, nouam Romam, imperantemque Constantinopolim cognominantes.

Niceph.
Call. lib. 8.
c. 26.

8. Recensui hæc ex Instrumento veteris

Scripturæ, quæ in ritibus nostris Catholici imitatur: non Ethnicos, quod tamen isti nobis opprobrât immerenter. Habuerunt isti suas supplicationes, fatendum est: & quidem non ablimiles nostris. Titus Liuius refert: *Senatus, quòd M. Liuius & C. Claudius Consules, incolumi exercitu ducem hostium (Asdrubalem) legionesq; occidisset, supplicationem in triduum decreuit, Aulus Hostilius Prator pro concione edixit.* Frequens apud ipsum mentio alibi Supplicationum. Quo ritu celebratæ, rogas? An templa sua circuierint? Tertullianus indicare videtur; cùm feminas à cultu nimio dehortatur; *Quæ vobis caussa structiùs prodeundi, cùm remota sitis ab his, quæ ad aliud indigent. Nam nec templa circuitis, nec spectacula postulatis, nec festos dies Gentilium nostis.* Et nos vrbes circumimus & templa procedentes: at non sequimur Ethnicos; absit. sed imitatur S. Scripturæ cærimonias; quas malus dæmon, vti simius vsurpans, diuinum cultum in se transferre conatur. *Diabolus ipsas quoque res Sacramentorum diuinorum, in idolorum mysteriis amulatur. Tinguunt & ipse quosdam, utique credentes & fideles suos. Expiationem delictorum de lauacro repromittit, & sic adhuc initiat Mithra: signat illic in frontibus milites suos. celebrat & panis oblationem, & imaginem resurrectionis inducit, & sub gladio redimit coronam. Quid? quòd & summum ponti-*

Dec. 3.
lib. 8.

De cultu
fem. c. 11.

Tertul. de
Præf. c. 40.

pontificem in vnis nuptiis statuit? Habet & virgines? habet & continentes? Ceterum si Numæ Pompilij superstitiones reuoluamus, si sacerdotalia officia, insignia, & priuilegia, si sacrificalia ministeria & instrumenta, & vasa ipsorum sacrificiorum, ac piaculorum & votorum curiositates consideremus: nōne manifestè diabolus morositatem illam Iudaica legis imitatus est? Non imitamur ritus Gentilium: sed ex diuinis legibus sumptos, ex Apostolicâ Traditione seruamus. Quamuis nō videam, cur non liceat, quæ apud Ethnicos impiè agitantur, & profano cultu, eadem expiata ad cultum veri Dei transferre: quomodo Ægyptiorum diuitiæ transierunt in honestamentum Tabernaculi Domini.

CAPVT XIV.

Supplicationum Ecclesiasticarum origines demonstrantur etiam ex nouo Testamento, & varia schemata.

I. **R**ITVS igitur atque cærimōnias Supplicationum nostrarum ex Lege vetere comprobauimus: quas itidē asserere ex sanctis Euangeliiis, difficile non fuerit, Die, quam Ecclesia palmarum vocat; *turba multa quæ venerat ad diem festum, cū audissent quia Iesus venit Ierosolymam, acceperunt ramos palmarum,*

Ioan. 12.
12.

Mat. 21. 1.

rum, & processerunt obuiam ei. D. Ioannes apertè hîc processionem indicat: Matthæus paullò yberius perscribit: Cùm appropinquasset Iesus Ierosolymus, & venisset Bethphage ad montem Oliueti, discipuli duo à Christo missi adduxerunt asinam & pullum: & imposuerunt super eos vestimenta sua, & eum desuper sedere fecerunt. Plurima autem turba strauerunt vestimenta sua in viâ: alij autem cadebant ramos de arboribus, & sternebant in viâ. turba autem qua precedebât, & qua sequebantur, clamabant dicentes; Benedictus qui venit in nomine Domini: hosanna in altissimis. Processio, si qua fit à Catholicis, refert Iudaicum populum obuiam Christo factum, & Apostolos exeuntes in montem, cùm Christus in calos ascenderet.* Et ut cantuum religiosorum seruitutem, non solum in Lege priori, sed & in sequenti Euangelio Christus sibi placere monstraret: cantantibus in templo pueris, Hosanna filio David; & inde Phariseis indignantibus, eique dicentibus, Audis quid isti dicunt? reprehendens emulantium Phariseorum indignationem, laudâs puerorum cantantium deuotionem, etiam ex Scripturâ respōdit: Numquid non legistis; Ex ore infantium & lactentium perfecisti laudem?

Beatus
Rhenan.
argum. in
Terul. 2.
lib. ad
vxor.
*Pet. Clu.
lib. 1. epist.

Psal. 8. 3.

2. Producam aliquot admirandæ pietatis exempla, ab Imperatoribus Christianissimis, in publicis Supplicationibus manifestè declarata. Prius tamen paucis perscribam sollemnem

nem

nem processionem Antiochiæ celebratam ,
fremēte Iuliano desertore aduersus Christia-

nos: Iulianus, cū in animo haberet bellum con- Theodor.
lib. 3. Ec-
cles. hist.
c. 9.
tra Persas gerere, ad omnia oracula, quæ erant
intra fines Imperij Romani, consulenda, homi-

nes è suis summâ beneuolentiâ sibi coniunctos
misit. Ille ipse verò supplex Apollinem Da-
phnaum: uti quæ sibi essent euentura ostenderet.

Respondet Apollo, mortuos quosdam in proximo NOTA.

humatos impedimento esse, quo minùs daret va-
ticia; eos igitur primū inde transferendos
esse: deinde quid futurum sit se prædicturum pol-
licetur. Nam se, nisi purgato loco, nihil posse di-
cere. Eodem tempore in eo loco reliquæ inuicti

martyris Babyla, & adolescentum qui unâ
cum eo pro fide decertarant, repositæ iacue-

runt. atque falsus Vates apertè monstrauit se
gratiâ illius Martyris à consuetis & commentiti-

is oraculis edendis prohibitum. Quod ubi in-
tellexit Iulianus (non enim ignarus fuit virtu-

tis, quæ in vetere pietate Martyrum residebat)

nullum quidem corpus mortuum inde deportan-

dum curauit: sed imperauit Christianis, ut reli-

quias dumtaxat inuictorū Martyrum ex eo loco

transferrent. Qui ad lucum lubentibus animis
profecti, loculum in bigis collocant; omnesque
ad unum antecedentes saltare, psalmosque Da-

uidicos canere cæperunt: & inter singula ver-
sum membra, hæc verba interponere; Confun- Psal. 96. 7.
dantur omnes qui adorant sculptilia. nam Mar-

tyris

tyris translatione demonem euictum existima-
runt. Hoc exemplo in Supplicationibus no-

stris Sanctorum reliquias gestamus, Deo pu-
 blicè laudes canimus, Deum in Sanctis lauda-
 mus. Porro, quòd isti mortuos vocant San-
 ctos, qui viuunt cum Christo, qui Deus uiuo-
 rum est, non mortuorum; vides non ex Euan-
 gelio eos, sed docente diabolo didicisse.

Matth. 22.
32.

Aug. lib. 5.
de Ciuit.
c. 26.

* Ruffin.
lib. 2. hist.
Ecclef.
c. 33.

3. *Theodosius Senior piissimus Imperator,*
contra Eugenij tyranni robustissimum exercitū
*magis orando quàm feriendo pugnavit; * pra-*
paratus ad bellum, non tam armorum telorum-
que quàm ieiuniorum orationumq; subsidiis, nec
tam excubiarum vigiliis quàm obsecrationum
pernoctatione munitus, circumibat cum Sacer-
dotibus & populo omnia orationum loca; ante
Martyrum & Apostolorum thecas iacebat cilicio
prostratus, & auxilia sibi fida Sanctorum inter-
cessionem poscebat. Ad eundem modum in Li-
 taniis Catholici, Sanctorum basilicas cir-
 cumeuntes, fida Sanctorum suffragia postu-
 lant & impetrant.

Hier. adu.
Vigilant.
c. 2.

4. *Arcadius Augustus Theodosij F. sacrile-*
gus dicendus est, qui ossa beati Samuelis longa
post tempore de Iudaâ transtulit in Thraciam?
Omnes Episcopi non solum sacrilegi, sed & fa-
tui iudicandi, qui rem vilissimam, & cineres
dissolutos, in serico & vase aureo portau-
runt? Stulti omnium Ecclesiarum populi, qui
occurrerunt sanctis reliquiis, & tantá lati-
tiâ,

tiâ, quasi præsentem viuentemque Prophetam
cernerent susceperunt; ut de Palestinâ vsque
Chalcedonem iungerentur populorum exami-
na, & in Christi laudem vnâ voce resona-
rent? Videlicet adorabant Samuelem, & non
Christum, cuius Samuel & Leuita & Prophe-
tes fuit.

5. Theodosius Imperator Arcadij F. cum
longior aliquando pluuiæ tempestas exstitisset,
solitos Circenses ludos populo, more recepto gra-
tificans, exhibuit. Quum verò vberiores etiam
deciderent imbres, ibi tum egregiam suam erga
Deum pietatem declarauit, per præcones populo
denuntiari iubens, conducibilis videlicet esse,
ut spectaculo repudiato, Deum, qui præsentem
calamitate eos liberaret, precibus placarent; id
quod confestim est factum. Litania instituta
est, supplicantes processere, laudibus Deum
vexere: atque vna concors ecclesia ciuitas tota
facta; & ipse medius hymnis canendis præiit,
habitu priuato incedens. Minimè verò eum
opinio fefellit. Statim enim calum ærem turbi-
dum serenitate commutauit, & frumenti non
mediocrem inopiam ingens quadam frugum co-
pia & vbertas est consecuta.

Niceph.
Callist. lib.
14. hist.
Eccles. c. 3.

6. Victoriâ potitus aduersus tyrannum
Ioannem, more suo rursus, quâ esset erga
Deum religione ostendit. Postquam enim ei vi-
ctoria de tyranno reportata, ludis Circensibus
renuntiata est; ad populum vociferans, Agite,
inquit,

Ind. cap. 7.

inquit, si ita videtur; ludicro hoc dimisso, in adē hanc precatoriam eamus, & carmina gratiarum agendarum auctori victoria Deo concinamus. Hac ubi dixit, spectaculum neglectum est: & per circum medium euntes omnes, cōcentu uno cum hymnis & carminibus pulcherrimis gratissimisque in proximam Dei domum sunt ingressi: formamque prorsus Ecclesie unius cuncta retulit ciuitas, populo omni, in templo diem eum consumente.

Ind. cap.
46.

7. Adhuc Theodosius imperabat, & terrae motus magnus & admirandus extitit, qui priores omnes magnitudine, celeritate, & temporis diuturnitate facile superauit. Nam ad menses sex maximè durauit. & non ex interuallo, sed motu continuo omnia concussit, idque per orbem ferè uniuersum: adeò ut non solum in urbe imperante turres in praeceps ierint, & murus variis in locis ruptus sit; verum etiam circa Chersonesum, adificium id quod μακρὸν τείχος (hoc est, longum murum) vocant, simul omne conciderit, & innumerabilia ubique locorū, magnorum operum, templorumq; adificia pessum ierint Byzantiū autem in maximum coniecti metum, à ruinis adificiorum sibi metuentes, muros reliquerunt, & extra urbem in campo morati sunt, unā cum Imperatore Theodosio & Patriarchā Proclo continuis precibus incumbentes, Deumq; ut propitius eis esset, & ab imminente calamitate orbem liberaret, obtestantes. Et cū ali-
quando

quando motu eo grassate, terra veluti fluctuans concuteretur; & homines per metum, eam ex fundamentis ipsis extirpatum iri vererentur; & omnes Litaniis & Supplicationibus dediti collacrymarent, & ex profundo intimoq; animo misericordiam diuinam implorarent: tum miraculum prater expectationem omnium, quod sensum ac mentem omnem excedat, subsequutum est. Subito namque è medio inspectantibus omnibus, diuinâ quadam vi puer in aërem sublimis ad caelestem usque tractum, ita ut iam non appareret, sublatus, diuinam vocem, quâ Angelis Deum laudibus ferre mos est, audiuit. eâque voce perceptâ, rursus priore per aërem viâ reuersus descendit: & Episcopo Proclo, ipsiq; Imperatori, & multitudini omni supplicationibus operanti, Deumq; hymnis celebranti, ab Angelis canentibus se verba hac audisse renuntiavit; Sanctus Deus, Sanctus fortis, Sanctus immortalis, miserere nostri. Qua ubi Proclus intellexit, statim ad eum modum populum psallere iussit: & terra motus statim etiam constitit, omninoq; conquieuit.

8. Martianus, multâ religione ac sanctitate vir; ut qui in Supplicationibus publicis, aliis præierit, & maximam indigentibus pecuniam prabuerit, si quis alius, & ipse Christianissimus, Imperij administrationem, veluti monumentum pie vitæ agenda hominibus omnibus reliquit. Eo imperante, in Romanâ ditione tranquilla

Niceph.
Callist.
lib. 15. hist.
Ecclef.
c. 15.

quilla pax fuit : ita ut tum aurea existimarentur esse secula.

Gregor.
Turon.
lib. 3. Hist.
Francor.
19.

9. Eodem sæculo Childebertus rex in Hispaniam abiit : quam ingressus cum Clothario Casaraugustanam ciuitatem cum exercitu vallat atque obsidet. At ciues in tantâ humilitate ad Deum conuersi sunt, ut indusi ciliciis, abstinentes à cibis & poculis, cum tunicâ B. Vincentij martyris, muros ciuitatis psallendo circuirent : mulieres quoque amicta nigris palliis, dissolutâ casarie, superposito cinere, ut eas putares virorum funeribus deseruire, plangendo sequebantur : & ita totam spem locus ille ad Domini misericordiam retulit, ut diceretur ibidem Niniitarum ieiunium celebrari ; nec aestimaretur aliud posse fieri, nisi eorum precibus diuina misericordia flecteretur. Hi autem qui obsidebant, nescientes quid obsessi agerent, cum viderent sic murum circui, putabant eos aliquid agere maleficij. Tunc apprehensum vnum de ciuitate rusticum ipsi interrogant, quid hoc esset quod agerent : qui ait, Tunicam B. Vincentij deportant, & cum ipsâ, ut eis Dominus misereatur, exorant. Quod illi timentes, se ab eâ ciuitate remouerunt.

10. Non sunt hesternæ Catholicorum Supplicationes, non contemnendæ Litanie tot Principum exemplis inductæ, auctoritate & longâ consuetudine firmatæ. Quamobrem laudabiliter Iustinianus Imperator lege publicâ

blicâ cauit; Si quis, cùm sacra mysteria celebrantur, in sanctam Ecclesiam ingrediens, Episcopo aut Clericis, aut ministris aliis Ecclesiæ iniuriam inferat: iubemus hunc verbera sustinere, & in exilium mitti; hoc ipso & in Litanis, in quibus Episcopi aut Clerici reperiantur, custodiendq. Et si quidem iniuriam solam fecerit is: verberibus exiliôque tradatur. Si verò etiam Litaniam concusserit: capitale periculum sustinebit. & vindicare iubemus non solum ciuiles, sed etiam militares iudices. Etiam alibi; Si quis Litanias concusserit: pro iniuriâ verberatus exilio tradatur, vel capite plectatur.

In Authē-
tic. de san-
ctis Episc.

Ind. de E-
piscop. &
Clericis.

CAPVT XV.

Crucis vexilla ritu prisco, ritu nostro, fructuosè in Supplicationibus præferri, adhibitis luminaribus.

I. IMPERIALI quoque lege Laicis Litanias facere interdictum sine Clericis, quæ sine orationibus & Cruce fieri non debent. De hoc pio priscoque ritu nunc etiam agendum erit. Cruces & vexilla sunt insignia victoria Christi. Hæc vos inimici Crucis Christi, profundissimo in Religionem odio, non fertis, confringitis, comburitis. Recessistis, Crucem negando, à Deo salutari vestro:

F à quo

Iustinian.
in Auth.
C. de Episc.
& Cler.

Rupert.
lib. 7. di.
off. c. 20.

Pet. Clun.
lib. 1. Epist.
2. vbi de
Cruce.

à quo nullo pacto salutem consequi poterit, quisquis Crucem, in quâ maximè salus est constituta, contempserit. Credo astu haretico hoc vos consilium inuenisse: imò nequitia principem per proprios vernulas fallacia sua optimè prouidisse; ut hoc vno iaculo si vulnus incautis infligere posset, leui negotio non tantùm sospitatem, sed & vitam auferre valeret. Nam sublato de medio Crucis nomine; vbi Crucifixi mentio remanebit? Subtraçto Crucifixi vocabulo; vbi mortis vel passionis recordatio permanebit? Ablatâ mortis vel passionis memoriâ; qua redemptis spes salutis, euacuato redemptionis pretio, supererit? Sed noui vos dolere vices sociorum, & homines hareticos demonum iniurias velle ulcisci. Fugantur apostata spiritus, apparente Crucis signo; & superbi angeli, qui contra ipsam inuictam maiestatem caput erigere nisi sunt, isto, quod sic contemnitis, abiectionis indicio, ut nebula matutini Solis radiis discussa vaneſcunt. Hac vos permoti iniuriâ, iurata contra Crucem Domini bella suscepistis; & homines nequiores demonibus, eorum pati dedecora non potestis. Non potestis certè quod odiunt diligere: quibus & in hac vitâ mores, & in futurâ ignes, nihil aduersum, nihil diuersum esse designant. Moribus ergo modernis & ignibus aternis concors parilitas, nihil nos mirari facit, si & quod volunt vultis, & quod nolunt respuitis: Sed quos minamur ignes, forsitan vos non terrent: quoniam,

niam,

*niam, iuxta Isaiam, pepigistis fœdus cum morte, Isa. 28. 15.
& cum inferno fecistis pactum. At, secundum Ind. 28.
eundem, fœdus vestrum cum morte dissipabitur,
& pactum vestrum cum inferno non stabit
Fiet lignum vitæ vobis lignum mortis: ut
quos semel de eiusdem sacri ligni frustis succen-
distis focos, vobis perpetui perseuerent: & sicut
ipsis vos immortales, sic illi vobis inextingui-
biles permanebunt.*

2. Sed licet aduersum Christum & Cru-
cem serpens sua sibila spiret, & quibus diu tu-
met venena profundat: intrepidi confitemur,
nos Crucis trophæa Supplicationibus præ-
ferre, in memoriam Christi; de quo Aposto-
lus: *Et baiulans sibi crucem, exiit in eum qui* Ioã. 19. 17
dicitur Caluaria locum. * *Sequebatur autem il-* * Luc. 23.
lum multa turba populi & mulierum, quæ plan- 27.
gebant & lamentabantur eum. Crucem præfe-
rimus, ut illud Christi recolamus: *Si quis vult* Mat. 16. 24
post me venire, abneget semetipsum, & tollat
crucem suam, & sequatur me. Crucem suam
exemplo Christi tollentibus, Christum se-
quentibus, hoc ritu regnum cælorum pro-
mittitur.

En, signo sacrata Crucis vexilla coruscant. Sedul. lib.
En, Regis pia castra micant, tuba clamat 1. Carm.
herilis: Pasch.

Militibus sua porta patet: qui militat, intret.
Ianua vos æterna vocat, quæ ianua Christus.
Aurea perpetuæ capietis præmia vitæ.

3. Ante Constantini M tempora, Christi Crucisq̃ue factas imagines scimus: sed vt signum Crucis Christi præferatur procedentibus, inualuisse videtur auctore Constantino, partâ victoriâ contra tyrannum Maxentium. Imperatori Constantino bellum mouenti aduersus Maxentium, *ambigenti & animo anxio, figura ei Crucis mediâ die, stellis efficta apparuit in calo, & scriptura circa eam Romanis litteris, In hoc vince. Igitur ex auro statim subitario opere efformans Crucem, iuxta speciem quæ ei apparuisset, & hanc iubens prægredi exercitum, cum Maxentianis prælium commisit, & superauit. Erat autem tali formâ. Hastile oblongum erectumq̃, auro undique obductum fuit, quod cornu habuit transuersum ad formam crucis constructum. Suprà in fastigio ipsius operis, corona affixa, lapidibus pretiosis & auro politè circumtexta. In eâ salutaris appellationis Seruatoris nota inscripta, duobus solum expressa elementis, id est, duabus primis litteris nominis Christi, (erat enim littera P. in ipso medio littera X. curiosè & subtiliter inserta) quæ totum Christi nomen perspicuè significauit. quas quidem litteras deinceps Imperator in galeâ gestare consuevit Isto igitur salutari signo Imperator, tamquam hostilis cuiusque & infestæ violentiæ propugnaculo semper usus est: cuius expressæ similitudines, mandauit, vt uniuersum exercitum perpetuò ante-*

Zonaras
Constant.
Eusebius
Cæsar. I.
de Vitâ
Const. 22.

Ind. c. 25.

antecederent. * Præterea etiam in ipsis armis * Ind. lib. 4
 salutaris trophæi & signum in sculpi arma- c. 21.
 ioque exercitui præferri fecit: & ut solum hoc
 salutare trophæum, non ullam, ut antè con-
 sueuerant, inauratam statuam sequerentur.

Scito Crucem insitam signis duplici modo;
 In vexillorum purpurâ, gemmis intextam & Lipf. 3. de
 expressam: iterum in hastarum vertice super- Cruce.
 stantem solido auro formatam. Sed in Labaro c. 15.
 maximè ea conspicua. de quo Prudentius;

Christus purpureū gemmanti textus in auro Contra
 Signabat Labarum. Sym.

4. Imperator igitur consequutus victo-
 riam, Deum celebrando canens, & voce clariore Niceph.
 triumphando iubilans, urbem Romanam est in- Call. 7. Ec-
 gressus, ciuibus omnibus hilaritate & lætitiâ clef. hist.
 summâ animis eorum exultantibus, cum plausu c. 30.
 felicique omine, & acclamatione, eum tamquam
 seruatorem & liberatorem suum, victoriæ tro-
 phæum ferentem, producentibus atque excipien-
 tibus. Constantinus autem veram erga Deum
 pietatem à naturâ sibi quodammodo insitam ha-
 bens, nequaquam applausu tali commotus; ut
 qui à Deo secundum rerum suarum successum
 prouenisse sciret; statim Crucis signum in subli-
 mi loco statui iussit. Nec mora interposita est: sta-
 tua ad formam similitudinem eius ex are fabre-
 facta est, quæ dextrâ manu, ex eadem materiâ,
 Crucis signū elaboratum teneret. Eam statuam,
 Crucem ita magnifico latoque habitu tenentem,

*Romæ in loco maximè celebri, firmis innixam
fundamentis collocari præcepit, cum huiusmodi
inscriptione, verbis Latinis;*

Euseb. Cæ-
sar. 9. Ec-
cles. hist.
c. 8.

HOC SALVTARI SIGNO, VERO
FORTITVDINIS INDICIO, CIVITATEM
VESTRAM TYRANNIDIS IVGO LIBERAUI.
ET S. P. Q. R. IN LIBERTATEM
VINDICANS, PRISTINAE AMPLITVDINI
ET SPLENDORI RESTITVI.

Paul. Dia-
con. lib. 11.
Hist. Iu-
liano.

5. Porro Iulianus desertor, iconomacho-
rum antesignanus, *ut ad paganitatem milites
insuescerent, studuit ad priscum schema refor-
mare signum illud Labarum sublimius Roma-
norum, quod Constantinus, sicut prædictum
est, in Crucis formam mutauerat. In publicis
imaginibus depingebat Iouem, quasi de celo sibi
coronam & purpuram deferentem: Mercurium
& Martem in se respicientes, velut pro testi-
monio sapientis & fortis. Et hoc agebat imagi-
nibus, ut sub occasione Imperij, latenter adora-
rentur dñ; & hoc modo subiecti fallerentur.*
Prorsus cum eo faciunt iconoclastæ: ut pro-
scriptis imaginibus Christi, Diuorumque,
etiam profligetur omnis memoria Christi:
tandem, ut qui fuerant Christiani, eiurato
Christo fiant Pagani.

6. Ceterum, viden' inuictæ Crucis tro-
phæum diuinitus cælo victoriæ Constantini
demonstratum? Viden' Imperatorem in hoc
signo

figno vicisse? triumphantem ingressum urbem hoc signum gestasse? atque celeberrimo Romæ loco statuisse? in cunctis prælatum præliis victoriam contulisse? Nos hoc exemplo processionibus nostris præferimus Cruces: quod D. Chrysostomus Episcopus Constantinopolitanus in usum procedente tempore magis perduxit. Ille ipse preces, quæ noctu fieri consueverant, primus amplificavit tali causâ inductus. Ariani extra urbem conuentus fecerunt. Itaque cum festâ cuiusque septimana occurrebant, videlicet Sabbatum & dies Dominicus, in quibus conuentus in Ecclesiis fieri solent: illi intra portas ciuitatis circiter porticus in unum congregati, cantus aptè ad opinionem Arianam respondentes, quos ipsi composuerunt, alternatim canunt; hocq; per maiorem partem noctis faciunt. Primo dilucula tales cantilenas alternis per mediam urbem recitantes, è portis egrediuntur; & ad loca ubi agunt conuentus, contendunt. * Sed enim Ioannes, ne aliqui ex Ecclesiâ suâ eius generis cantibus demulsi ab illis seducerentur, ad eundem modum contra illos psalmodiam suam instituit. Et breui ea celebrior, quàm aduersariorum esset, facta est: ut quæ & multitudine, & honorifico progressu illos superaret. Nam eam cruces argenteæ cereos incensos habentes præibant, Eudoxiâ Imperatoris coniuge impensas ad eam rem præbente; quæ hoc Brisoni cubiculi sui præ-

Socrat. lib.
6. Ecclef.
hist. c. 8.

* Niceph.
Call. 3. Ec.
hist. c. 8.

fecto iniunxit, ut hymnorum cantus procuraret, & ad eum usum, quamplurimum lucernarum pararet.

Euag. lib. 4
Eccl. hist.
c. 25.

7. *Miraculum quod Apamea factum fuit, quodque huic nostro operi est valde accommodatum, commemorabo. Ut primum Apameenses intellexere Antiochiam igne incensam; (à Persis) Thomam Episcopum rogabant, ut salutare vitaleq; lignum Crucis, licet consuetudo id minimè pati videretur, in medium proferret, inq; omnium oculis statueret: quò iam cum supremum vitæ diem viderentur obituri, illud contemplarentur, amplexarenturq; ; vipote in quo sola hominum salus posita esset. atque adeò ad alteram vitam iam profecturi, Crucem venerandam haberet pro viatico, quæ posset eos ad meliorem locum incolumes peruehere. Itaque Thomas fecit quod rogatum est, certisq; diebus ad eam rem præsistutis, vitale Crucis lignum profert, uti omnes vicini ibi in unum conuenire possent, & salutis inde promanantis participes fierent. Eò etiam (inquit Euagrius) parentes mei unà cum aliis commearunt, meque id temporis ad scholam euntem secum duxerunt. Postquam verò data nobis fuit potestas, honoratam Crucem adorandi amplexandique, Thomas sublati manibus, lignum Crucis, quò vetus peccati maledictio deleta fuit, totum Sanctuarium circumiens (ut in statis adorationis diebus fieri solebat) omnibus qstendit: ac Thomam de*

de loco in locum progredientem, ingens flamma ignis splendentis, non ardentis, sequebatur: adco ut totus locus, in quo consistens venerandam Crucem populo ostendebat, conflagrare videretur. Atque hoc factum est non semel aut iterum; sed sapius, cum Thomas illum locum circuiret, & populus congregatus, eum, ut illud fieret, rogaret. Quae res salutem, quae postea Apameensibus contigit, praesignificauit. Ob quam caussam imago in testudine Sanctuarij statuta fuit, quae inscriptione in basi incisâ, hoc miraculum illis, qui eiusdem ignari erant, commonstrauit.

8. Desino horum, si cereorum ardentium ritum in Supplicationibus, alio exemplo comprobauero, licet posteriore. Cum lues inguinaria populum primae Germaniae deuastaret, atque omnes terrentur huius cladis auditu: concurrunt Rhemenstum populus ad S. Remigij sepulchrum, congruum huius causae flagitare remedium. Accensis cereis lychnisq; non paucis, hymnis psalmisq; celestibus per totam excubat noctem. Mane autem facto, quid adhuc precaturus desit in tractatu rimatur: reperiunt etenim reuelante Deo, qualiter oratione praemissa, adhuc maiori propugnaculo urbis propugnacula munirentur. Adsumpta igitur palla de Beati sepulchro, componunt in modum feretri: accensisq; super cruces cereis atque ceroferalibus, dant voces in canticis, circumeunt urbem cum vicis.

Greg. Tar.
De glot.
Conf. 79.

nec praterireunt ullum hospitium, quod non hac circuitione concludant. Quid plura? non post multos dies, fines huius ciuitatis lues adgreditur memorata. Verumtamen usque ad eum locum accedens, quò Beati pignus accessit, ac se constitutum cerneret terminum, intrò ingredi non mōdo non est ausa, sed etiam quæ in principio peruaserat, huius virtutis repulsu reliquit.

Andreas
Cretens.
Epif. Hieros.
Orat. de Crucis
exalt. c. 6.
apud Sur.
14. Sept.

9. Hactenus de his, & opinor, salutariter; quia *Crux, signum Dominicum, arma salutaria, regia potentia, victoria trophaum, inter superna & inferna remedium, eorum qui firmiter credunt vexillum, coronis Apostolica, specula Prophetica, Martyrum corona, eorum qui Christum adorant arrha.*

Pet. Dam.
apud Sur.
14. Sept.

*Vnica spes hominū, Crux, ô venerabile signū,
Omnibus esto salus, unica spes hominum.*

Baiula tu pretij, quod mundi debita soluit;

Quo meruit redimi, baiula tu pretij.

Tartara victa tuis spoliū cessere triumphis:

Lugent vexillis Tartara victa tuis.

*Pandis & astra piis, proprio quos stigmate
signas:*

Das requiem festis, pandis & astra piis.

Chirographū vetiti pepigit quod cautio ligni

Diluis, & pomi chirographum vetiti.

*Lux, honor, imperium, laus, gloria, doxa per
aunum,*

Sit tibi Trine Deus, lux, honor, imperium.

CA-

CAPVT XVI.

Nudipedalia in Processionibus piè ac laudabiliter peragi; ciliciis, lincis solis, siue laneis amiculis amiciri.

I. **C**ONSTAT multa ritè Deo in honorem fieri, licet ab illo non iussa: inter quæ nudipedalia recensemus. atque hæc pios veteris tum etiam nouæ Legis exercuisse laudabiliter, asseram eudentibus argumentis. Calceos deponere pedibus, atque eos nudare, reuerentiæ signum est, vti & poenitentia: Sacræ litteræ attestantur. Nam quòd reuerentiæ fit, à Moysè docemur. *Apparuit ei Dominus in* Exod. 3. 2. *flammâ ignis de medio rubi: & videbat quòd rubus arderet, & non combureretur. Dixit ergo Moyses, Vadam & videbo visionem hanc magnam, quare non comburatur rubus Cernens autem Dominus, quòd pergeret ad videndum, vocauit eum de medio rubi, & ait; Moyses, Moyses: qui respondit; Adsum. At ille; Ne appropies, inquit, huc: solue calceamentum de pedibus tuis: locus enim in quo stas, terra sancta est. Iubet nudo pede terram premere, quæ luce & præsentia diuinâ resplendebat. Per solutionem cal-*

Procopius Gaz. hoc loco.

ceamenti demonstrat Sancti præsentiam: & vult ipsum cognoscere ex ipso loco, vbi scilicet constituerit Deus, quæ præsto fuerit.

2. Huic.

2. Huic simile quod de Iosue legimus.

Ios. 5. 13. *Cum esset in agro urbis Iericho, leuauit oculos, & vidit virum stantem contra se, euaginatam tenentem gladium: perrexitque ad eum, & ait; Noster es, an aduersariorum? Qui respondit; Nequaquam, sed sum princeps exercitus Domini; & nunc venio. Et adorans ait; Quid Dominus meus loquitur ad seruum suum? Solue, inquit, calceamentum tuum de pedibus tuis: locus enim in quo stas, sanctus est. Fecitq; Iosue ut sibi fuerat imperatum. Locus in quo stabat Moyses per seipsum non erat sanctus, sed presentia Domini, qui erat cum eo, sanctificauerat locum: sic hic quoque nudipedalia in Dei peraguntur reuerentiam.*

Ibid. Gloss.
ordin. hoc
loco.

3. Pœnitentiæ quoque est argumentum discalceari, cuius schema in Dauidis fugâ. Porro Dauid ascendeat cliuum oliuarum, scandens & flens, nudis pedibus incedens & operto capite. Sed & omnis populus qui erat cum eo, operto capite ascendeat plorans. Ita humiliavit se Dauid, perpendens hæc omnia mala propter sua euenire peccata. Hinc nudipedalium vsum inualuisse verosimile: cuius exordia ex lege Moysis iubet repetere.

2. Reg. 15.
30.

Dion. Ri-
hel. hoc
loco.

Num. 6. 1.

4. Vir siue mulier cum fecerint votum ut sanctificentur, & se voluerint Domino consecrare: à vino & omni quod inebriare potest, abstinebunt... cunctis diebus, quibus ex voto Domino consecrantur, quidquid ex vineâ esse potest, ab
vua

vuâ passâ vsque ad acinum, non comedent. Omni tempore separationis suæ, nouacula non transibit per caput eius, vsque ad completum diem quo Domino consecratur. Sanctus erit crescente casarie capitis eius.... Ista est lex consecrationis. Cùm dies quos ex voto decreuerat complebuntur: adducet eum Sacerdos ad ostium Tabernaculi fœderis, & offeret oblationem eius Domino, agnum anniculum immaculatum, & ouem anniculam immaculatam pro peccato, & arietem immaculatum, hostiam pacificam. Canistrum quoque panum azymorum, qui conspersi sint oleo, & lagana absque fermento unctâ oleo, ac libamina singulorum: quæ offeret Sacerdos coram Domino, offerens simul canistrum azymorum, & libamenta quæ ex more debentur. Tunc radetur Nazareus ante ostium Tabernaculi fœderis casarie consecrationis suæ. &c.

5. Numerum dierum consecrationis, & ritum nudipedalium, indicat Iosephus Iudæus. Cùm Florus Iudææ Præses grauissimè vexaret Iudæos: sororem Herodis *Berenicem Ierosolymis* iniquitatem militum *Flori* videntem grauis ob hoc angor inuaserat, & frequenter quidem præfectos equitum custodisque corporis mittens ad *Florum*, precabatur ut à cade desineret. Ille verò neque in multitudinem intersectorum, neq, in nobilitatem precatricis, sed tantum in lucra sua, quæ de rapinis cōgregarentur, aspiciens, contempsit annuere: impetus autem militum etiam aduersus

Lib. 2. de bello Iud. c. 15.

aduersus

aduersus reginam efferatus est. Nō solūm quippe sub oculis eius obuios quosque mutilabant atque trucidabant: sed etiam ipsam, nisi confugisset in aulam, interfecissent. Ibi autem peruigilem noctem cum intentā custodiā egit, verens utique irruptionem militum. Venerat autem Ierosolymam, ut vota Deo solueret. His enim qui morbo vel aliis necessitatibus implicantur, mos est orare per triginta dies, antequam immolent hostias: abstinere quoque vino, & capillos radere. Quem morem Berenice regina illis exercens diebus, nudipes etiam ante tribunal stetit, deprecans Florum: & præter quod nihil honoris habitum est, etiam de vitā suā periclitata est.

6. Apostolum Paullum Iudæorum ritu nudipedalia peregrisse, grauis auctor B. Hieronymus mihi adstipulatur non vno loco. De B. Paulo scribitur; *Sibi totonderat in Cenchris caput*. Item alibi fideles Paulo dixerunt; *Audierunt de te, quia discessionem doceas à Moyse, eorum qui per Gentes sunt Iudæorum; dicens non debere eos circumcidere filios suos, neque secundum consuetudinem ingredi* Hoc ergo fac quod tibi dicimus. Sunt nobis viri quatuor, votum habentes super se. His assumptis, sanctifica te cum illis, & impende in illis, ut radant capita: & scient omnes, quia quæ de te audierunt, falsa sunt, sed ambulas & ipse custodiens legem. Tunc Paullus assumptis viris postera die purificatus cum illis intrauit in

tem-

Act. 18. 18

Ind. 21. 21

templum, annuntians expletionem dierum purificationis, donec offerretur pro unoquoque eorum oblatio. Hieronymus; O Paulle, te interrogo, cur caput raseris, cur nudipedalia exercueris de carimoniis Iudeorum? cur obtuleris sacrificia, & secundum legem pro te hostia fuerint immolata? Vtique respondebis; Ne scandalizarentur qui ex Iudais crediderunt. Nimirum; Multa compellitur Apostolus velle quæ non vult: circumcidit Timotheum, rasit in se caluitium, nudipedalia exercuit, comam nutriuit, & totondit in Cenchris, &c. Atque hæc ob hanc causam: Payllus factus Iudeus Iudais, ut Iudeos lucrifaceret; & in Cenchris ex voto comam totondit, & nudipedalia atque caluitium Ierosolymis in templo exercuit: ut eorum sedaret inuidiam, qui causati de eo fuerant, quod contra legem Moyfi, & Deum faceret Prophetarum. Vides quo fonte nudipedalium ritus ad nos manauerit; nempe à litteris Sacris, à sacris ritibus.

Epist. 89.
c. 3.

Id. lib. 1.
adu. Iouin.
c. 8.

Id. in illud
ad Gal. 4.
Itaque iam
non seruamus.

7. Ab eodem quoque fonte deriuauit vsus ciliciorum, lineorum, laneorumque amiculorum, schemate publicè poenitentium, & se humiliantium: Sacra historia manifestè comprobatur. Post celeberrimam illà Arcæ fœderis deductionem, egressa Michol filia Saul in occursum David, ait; Quàm gloriosus fuit hodie rex Israël, discooperiens se ante ancillas seruorum, & nudatus est, quasi si nudetur vnus de scurris.

2. Rc. 6 20

scurris. Dixitq; David ad Michol; Viuit Dominus, quia ludam ante Dominum, qui elegit me potius quàm patrem tuum, & quàm omnem domum eius; & praecepit mihi, ut essem Dux super populum Domini in Israël. & ludam & vilior fiam plùs quàm factus sum, & ero humilis in oculis meis: & cum ancillis de quibus locuta es, gloriosior apparebo. Igitur Michol filiae Saul non est natus filius, vsque in diem mortis suae. David Rex, ornatu regio posito, linteatus ante Arcam Domini saltauit, quod Michol displicuit. Alienum à dignitate regiâ putauit, quòd publicè in omnium conspectu saltabat. Nesciebat enim diuini amoris stimulos, quos David sermone ad ipsam Michol declarauit. Addit ad hac Scriptura, quòd filium non habuerit, suae irrisiõis pœnas indicans.

Procopius
Gaz. hoc
loco.

8. Rex Achab cùm irati aduersum se Dei capitalem audisset sententiam; scidit vestimenta sua, & operuit cilicio carnem suam, ieiunauitque, & dormiuit in sacco, & ambulauit demisso capite. Et factus est sermo Domini ad Eliam Thesbiten, dicens; Nõne vidisti humiliatum Achab coram me? Quia igitur humiliatus est mei causâ, non inducam malum in diebus eius, sed in diebus filij eius inferam malum domui eius. Iosephus Iudæus in Antiquitatibus Iudaicis hæc scribit: Contristatus Achab, & pœnitentiam agens, ingressus est: & indutus sacco, nudis pedibus ambulabat, non appetens peni-

3. Reg. 21.
27.

Lib. 8. An-
tiquit. Iud.
c. 13.

penitus cibum , & peccata sua confitens , & Deum hoc modo placare contendens. Tunc Deus Prophetæ dixit; Achab quidem viuente, eius generis differendum esse supplicium , sed eius filij temporibus inferendum.

9. Rex Ioram in obsidio Samariæ, cùm aded fames inualuisset , vñ mater coctum filium comederit: atq; id audisset Rex, scidit vestimẽ. ^{4. Reg. 6.} *ta sua, & transibat per murum: viditque omnis* ^{30.} *populus cilicium , quo vestitus erat ad carnem intrinsecus. Quis dubitabit eum cilicij asperitate iram diuinam cupiuisse placare? Ad eundem modũ Daniel posuit faciem suam ad Do-* ^{Dan. 9. 3.} *minum Deũ rogare, & deprecari in ieiuniis, sacco & cinere; quorum virtute quod petiit impetrauit. Cilicium & cinis adhiberi ad pœnitentiam solent: vt in compunctione cilicij cognoscamus, quid per culpam fecimus ; & in fauillâ cineris perpendamus , quid per vitium facti sumus. Consideretur ergo in cilicio pungentia vitia; consideretur in cinere per mortis sententiam subsequens iusta pœna vitiorum.*

10. Niniuitæ Prophetæ minis territi; ^{Ion. 3. 4.} *Ad huc quadraginta dies , & Ninive subuertetur: crediderunt in Deum; & predicauerunt ieiunium , & vestiti sunt saccis à maiore vsque ad minorem. Et peruenit verbum ad regem Ninive: & surrexit de solio suo, & abiecit vestimentum suum à se, & indutus est sacco, & sedit in cinere. Et clamauit, & dixit in Ninive ex ore regis &*

G prin-

principum eius, dicens; Homines & iumenta, & boues & pecora non gustent quidquam: nec pascantur, & aquam non bibant: & operiantur saccus homines & iumenta, & clament ad Dominum in fortitudine: & conuertatur vir à viâ suâ malâ, & ab iniquitate quæ est in manibus eorum. Quis scit si conuertatur & ignoscat Deus, & reuertatur à furore iræ suæ, & non peribimus? Et vidit Deus opera eorum, quia conuersi sunt de viâ suâ malâ: & misertus est Deus super malitiâ, quam locutus fuerat ut faceret eis, & non fecit. Diuus Hieronymus;

Hoc loco. Dignus & victus & habitus pœnitentiæ: ut qui offenderant Deum luxu & ambitione, eorum damnatione placent, per quæ prius offenderant. Saccus & ieiunium arma sunt pœnitentiæ, auxilia peccatorum Ad ieiunium saccum copulant: ut inanis venter & habitus luctuosus ambitiosius Dominum deprecetur. . . . Idque magno fecere fructu. Deus perseuerauit in proposito suo, misereri volens ab initio: nemo enim punire desiderans, quod facturus est, comminatur.

Michael
Glycas ex
Theophâ.
Confess.
part. 4.

11. In terribili illo terræ motu, Theodosio Iunioris imperante; Patriarcha Proclus, & ipse Imperator, discalceati Litaniis siue supplicationibus operam dederunt, cum puer in aërem raperetur, & trisagius doceretur hymnus, & diuina sisleretur iracundia.

12. Heraclius Imperator, partâ victoriâ aduer-

aduersus Persas, & recuperatâ Cruce Domini quam Persæ victis Ierosolymis abstulerant, *rediens Ierosolymam, solemnî celebritate suis humeris retulit sanctissimam Crucem in eum montem, quò eam Saluator tulerat: quod factum illustri miraculo commendatum est. Nam Heraclius ut erat auro & gemmis ornatus, insistere coactus est in portâ, quæ ad Caluaria montem ducebat: quò enim magis progrediebatur, eò magis retineri videbatur. Cumq; eâ in re & ipse Heraclius, & reliqui omnes obstupescerent: Zacharias Ierosolymorum Antistes, Vide, inquit, Imperator, ne isto triumphali ornatu, parum Iesu Christi paupertatem & humilitatem imitare. Tunc Heraclius abiectò amplissimo vestitu, detractisque calceis, & plebeio amictu indutus, reliquum via facile confecit: & in eodem Caluaria loco Crucem statuit, unde fuerat à Persis transportata.*

Rituales
Ecclesiast.
apud Barð.
to. 8. Anno
Chri 628.
Bre. Rom.
in Exalt.
S. Crucis.

Itaque processionum carimonias antiquas esse, ex his colligere potes; certè non contemnendas, si cum intentione animi, & puritate precum peragantur: quarum umbram aliquam exhibuisse Iudæos in nudipedalibus certum est. Quæ mihi prælibanda fuere: quòd magno numero nudipedes sexus vtriusq;, pœnitentium habitu, Supplicationem istam Traiectensem adornent, in processione agmen ducentes.

Beatus
Rhenan.
noris ad
c 4. lib 2.
Tertul. ad
vxorem.

CAPVT XVII.

Cathenas, loricas, arma ferrea ad pœnitentiam corporibus affligendis ritè applicari.

1. **I**D genus castigationes corporum, aliasque his asperiores, ad placandam Numinis iram, cum fructu sponte sumendas, docente Christo & Apostolis didicimus. Et quia tales in nostrâ Supplicatione agitantur, fortean alibi numquam visæ: etiam istæ veniunt afferendę, prius auctoritate Sacrarum litterarum, deinde admirabilibus exemplis priscorum Sanctorum.

Mat. 16.
24.

Christus palàm edixit, *Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam saluam facere, perdet eam. Quidquid corpori molestum est, etiam illi sponte inflictum, crucis nomine potest intelligi. Non est delicata in Deum & secura confessio. Qui in me credit, debet suum sanguinem fundere. Qui enim perdiderit animã suam in presenti, lucrificet eam in futuro. Quotidie, credens in Christum, tollit crucem suam, & negat seipsum.*

Hier. ep.
151. ad
Algasiam
quæst. 3.
tom. 3.

2. Christo subiungam Apostolum Petrum. *Christo passo in carne, & vos eadem cogitatione armamini. Quæ pro nobis Christus passus est, hæc in proprio sentire corpore consulit.*

1. Pet. 4.2.

fulit. Si vesanum est & absurdum credere, illud Petr. Damian. ep. ad cler. Florentin. apud Iac. Gretser. lib. 3. De discipl.
 pœnitentiæ genus Deum in afflictione nostrâ ad cler. Florentin. apud Iac. Gretser. lib. 3. De discipl.
 despicere, quod in semetipso dignatus est pro nostrâ salute perferre: quid mirum, si quis puniendo commissa, suimet se exhibeat tortorem, & ad euadendum iudicium, sibi se constituat iudicem?
 dicente Apostolo, Si nosmetipsos diiudicemus, non viique iudicemur. Sicut enim temeritatis 1. Cor. 11. 31.
 arguendus non est, qui non modo sacerdotali præcepto, sed & sponte ieiunat: ita quoque non frustra laborare censendus est, qui se non alienis dumtaxat, sed propriis manibus afficiendo castigat.

3. D. Paullus forsitan id voluit, cùm scriberet Philippensibus; Hoc sentite in vobis, quod Philip. 2. 5.
 & in Christo Iesu. Id quod ipse se fecisse docet, cùm inquit; Ego stigmata Domini Iesu in Gal. 6. 17. 1. Cor. 9. 27.
 corpore meo porto. atque alibi; Castigo corpus meum, & in seruitutem redigo: ne fortè cùm Lib. 4. adu. hæret. c. 72. Paullin. ep. 58. ad Aug.
 aliis prædicauerim, ipse reprobus efficiar. Irenæi interpres & Paullinus legunt; Liuidum facio corpus meum. Ita corpus afflixit, ^a ut Helias in ^a Primasf.
 melote, Isaias in cilicio, & ceteri in diuersis. in illud
 Sed & angelus Satanæ ^b colaphizauit eum, 1. Cor. 9. Castigo corp. meum
 ne reuelationum magnitudine extolleretur. ^b 2. Cor. 9.
^c Si illi qui vas electionis erat, in quo Spiritus 7. M. Mar. libro 3. Exemp. 10.
 Sanctus inhabitabat, non fuit satis peregrinando prædicandoque fatigari, & ubique sauien-
 tibus persecutionis procellis iactari atque concu-
 ti; sed ad domandos corporis sensus, aculeosque

cupidinum retundendos , verberum quoque ictibus quati affligique oportuit : quis tutum se putabit , & non proprij corporis imperio se subditum iri timebit , si in eo castigando non æquè sollicitus fuerit?

4. Conducam igitur aliquot sanctorum hominum asperimæ pœnitentiæ exempla , qui crucem suam tollentes Christum secuti sunt, & exemplo Apostoli corpus suum castigauerunt, vt in seruitutem spiritus redigerent.

Theodore.
hyst. relig.
10.
Pet. Dam.
ad Blanche-
comit. c. 9. to.
3. Biblio-
thec. Pat.

Theodosius Eremita ferreum onus collo & lumbis , & ambabus manibus adiecit . B. Dominicus Loricatus, ita dictus, quòd non paucis annis loricâ ferreâ vestiretur ad carnem . Duobus autem ferreis circulis in corpore cingebatur , duobus item per brachiorum artus arctabatur.

M. Marul.
lib. 3. exēp.
c. 10.

5. Hospitius apud Nuceriam solitarius, ferro solido lumbos nudos pracinxerat: vt scilicet carnem corporis partem magis attereret , vnde magis voluptatis motum exsurgere solere sciret. Virtus enim eius in lumbis eius , & fortitudo illius in umbilico ventris eius . Phyloronijs item presbyter intra saxeam speluncam inclusus , & ferreis nexibus manus pedesque reuinctus vixisse perhibetur , vt carcerem simul vinculaque perferret. Hic extremo vitæ die confessus est , nullum à se temporis momentum , quo non de Deo aliquid cogitaret, prætermisissim . Dum igitur corpus voluntariâ castigatione premeretur , spiritus

Iob 40. 11.

ipse,

ipse, terrenis affectibus liber, semper caelestia meditabatur.

6. *Simeonem monachum accepimus, dum* M. Maru-
lus ubi su-
pra.
apud puteum aquam hauriret, fune de situlâ
soluto, nudum corpus multo volumine circum-
duxisse, vestêque superiniectâ, vincula illa nullo
conscio operuisse. Sed cùm tandem penetrantibus
nodis exesa iam & suppurata caro fœtore secre-
tum prodidisset: Abbatis iussu funem detra-
ctum, ipsum de monasterio pulsum fuisse; quo-
niam id facinus magis animi stultitiæ, quàm
deuotioni imputabatur: pulsum autem abiisse
in solitudinem: & cùm ab eodem Abbate, na-
cturnis terrificationibus per visum agitato, re-
uocandus quæreretur; in cisternâ siccâ inuen-
tum, atque ad monasterium reductum. Ostendit
Deus, quanti talem in illo vitæ austeritatem
faceret, sine cunctatione disponendo, ut ab his
ipsis honoraretur, qui expulerunt.

7. *Commemorat S. Bonauentura in hi-* Cap. 4.
storiâ vitæ S. Francisci, tantæ fuisse austeritatis
Beatum Moricum ex ordine Minorum,
D. Francisci æqualem; ut unicâ tantùm ope-
riretur tuniculâ, sub quâ longo tempore lori-
cam portabat ad carnem; & crudis dumtaxat
cibariis, herbis vel leguminibus fructibusque
contentus, per plura temporum lustra nec pa-
nem gustaret, nec vinum.

8. *Sanctus Dominicus instituti Prædica-* Vitæ lib. 3.
c. 12.
torum fundator, numquam, neque domi neque

foris lecto usus est, siue sanus siue agrotus esset. Humi cubabat, vel in scamno, storeâ, aut crate stramineâ, aut paleis vel sacco: atque ita nocte dormiebat vestitus ut interdum ingrediebatur; nisi quod soccos detrahebat pedibus. Semper ad lumbos cathenam habebat ferream, quoad vixit.

Ind. lib. 4. c. 9. Non autem sat habuit vir Dei, perpetuis vigiliis carnem macerasse suam: sed etiâ quamuis innocentem & virginicam, multis verberibus & castigationibus attriuit. Singulis enim noctibus ter cathenâ ferreâ se flagellauit: primò, pro seipso; tunc propter peccatores in mundo degentes; tertio, pro animabus in purgatorio luentibus.

Sancta Catharina Senensis, Virgo admirabilis, instituti S. Dominici, initio solis laneis vestibus utebatur, deinde cilicio. Sed quia sordes vitabat, cilicium cathenâ ferreâ commutauit. Plura non addo, quia talia obuia passim in historiis Sanctorum.

Pet. Dam. epist. ad Cerebros. Monach. rom. 3. Biblioth. Pat. Sur. 14. Octob. * Psal. 76. 7. 9. Obiciet aliquis: *Vt quid percutio carnem? respondeo; Vt quid percutio spiritum? Dicit enim Psalmista; * Exercitabar, & scopebam spiritum meum. Carnem siquidem & spiritum scopo, qui me deliquisse per carnem & spiritum recognosco. Istum, correptionum; illam, cum ceteris afflictionibus, etiam percussione virgarum. Vt quia me lata caro traxit ad culpam, afflictâ reducat ad veniam. Loricâ est homo indutus ad carnem; ferreis membra diuisa circulus ambit; mittit cum labore metaneas, allidis*

in pavementum sæpius palmas: ut quid hæc, & similia? Ut dum per hæc corpus affligitur, animæ refrigerium procuretur. Quodcumq; enim illud est, per quod caro pœnitentiæ causâ laceratur atque percellitur, per hoc homo procul dubio ad æternam requiem perducetur.

10. Hæc mihi ex antiquitate, & auctoribus bonis, libanda fuerunt: ne quis hesternum atque insolens existimet, in Supplicatione nostrâ Traiectensi, quam paulò post describam, si quis cum suo aliorumq; stupore videat, non modò cathenatos aut loricatos, verùm etiam à capite vsque ad pedes ferreis armis nuda corpora tectos procedere. Quorum si rogetur aliquis, quamobrem tam dura sustineat: respondebit cum celeberrimo vitâ asperâ Thalelæo; *Ego multis peccatis obnoxius, & credens suppliciiis quorum mine sunt intentata, hoc excogitavi: hoc agens, ut castigaretur corpus pœnis mediocribus, ut eripiar à magnitudine earum quæ exspectantur. Sunt enim illæ grauiiores, non solum quantitate, sed etiam ipsâ qualitate: sunt enim inuoluntariæ. Quod autem ab inuito fit, id est valdè molestum. Quod autem est voluntarium, etiamsi sit laboriosum, minorem adfert dolorem: sponte enim suscipitur; sed non labor violentus. Si his ergo paruis molestiis minuero ea quæ exspectantur, hinc magnum lucrum referam.*

Cap. 21.

Theodo-
ret. hist.
relig. 28.

11. Ceterùm corpus ipsum ita affligendo
G 5 mode-

M. Marul.
lib. 3. exēp.
c. 12.

moderari debemus, ut rationi pareat, non ut occidat: sicut & paullo durior servus, non ut dispereat puniri debet, sed ut mitior submissiorque fiat; & domini sui imperium magis prompto exsequi maturet famulatu. Ceriè navis ipsa, si supra modum oneretur, subsidet, & fundum maris citius continget quàm littus: & si infra modum, ad omnem flatum instabili alueo, alternaque laterum iactatione dum vacillat, periclitabitur. Et si lascivienti iumento plus oneris quàm ferre praevaleret, imponatur, in itinere corruet: sin minus, contra stimulum calcitrabit. Tentandæ sunt igitur examinandæq; vires, & aquandum cum viribus pondus: quod ferentem neque gravitate opprimat, neque leuitate licentiùs insollescere sinat.

CAPV T. XVIII.

Imagines Deiparæ Virginis in Supplicationibus utiliter & fructuosè circumferri.

1. **I**VRE Catholicos reprehendere nemo potest, quòd imagines Diuorum, atque potissimùm Diuæ Virginis, in processionibus circumferamus. Sacerdotes Mosaicæ Legis cum Arcam Domini gestarent, etiam ferebant *Cherubim aureos operientes oraculum*. Mitto hæc, quando ritui nostro plura, & quidem non hesternæ suffragentur exempla.

Exod. 25.
20.

2. Romæ

Car. Sigo.
lib. 1. De
regno Ita-
licæ Fl.
Agilulpho
III. Rege
Longobar.

2. Romæ erat, cum pestis grauiſſima ſæui-
ret indies magis. *Ad ceteros autem caſus, qui-
bus homines ſædè paſſim abſumebantur, hoc
etiam mali acceſſerat, quòd multi cum ſteranta-
rent, alij cum oſcitarent, repente ſpiritum emi-
tebant. Quod cum ſæpius eueniret, conſuetudo
inducta eſt, quæ nunc etiam obſervatur, ut ſter-
nutantibus ſalutem precando, oſcitantibus
ſignum crucis ori admoendo, præſidium que-
rerent. Quibus rebus permotus Gregorius I. ad
cetera celeſtis iræ piacula, poſtero anno religio-
ſam in die Reſurrectionis ſupplicationem inſti-
tuit. atque ſolemni in pompâ ſanctam Virginis
Dei Genitricis imaginem extulit. Hæc ex ore
eius, Luce Euangeliftæ manu affabrè ad viuum
expreſſa, iam tum in ade D. Mariæ ad Præſepe
in Exquiliis ſitâ, eximiâ populi religione con-
ſeruabatur. Factum eſt autem ut imaginem
ipſam, quacumque ferretur, tetrâ peſtilentis cali
grauitate cedente, optata ſalubritas ſequeretur.
Quâ de re Deo gratulantibus omnibus; ecce,
Angelus ſanctam Virginem his vocibus è calo
alloquens eſt auditus; Regina cali latare, Alle-
luia. Quia quem meruiſti portare, Alleluia.
Reſurrexit ſicut dixit, Alleluia. Quam ubi Gre-
gorius auribus orationem accepit, ſtatim diuino
inſtinctus ſpiritu in hunc modum expleuit; Ora
pro nobis Deum, Alleluia. Exinde Antiphona
ſolemnis Eccleſiæ, Paſchalis argumento letitia
manſit. Neque ita multò poſt Angelus ſuper
Hadriani*

*Hadriani molem astans, ac strictum mucronem
vaginâ recondens, conspectus est. Quo viso Gre-
gorius exhilaratus, conuerso ad populum ore,
Bono omnes, inquit, animo estote: nam optatus
diuina ira, ac furentis iam pridem pestilentia
finis, Deo ipso annuente, ostenditur. Atque ita
ut ille præsens sit, ipse deinde morbus elanguit.
Ab hac re moli, Sancti Angeli nomen est
inditum.*

3. Nota, nota iam ante mille annos Romæ
celeberrimam habitam Supplicationem, in
die Resurrectionis Christi: atque in eâ Diuæ
Virginis imaginem maximâ religione cir-
cumgestatam, pestem sæuientem stitisse. Hæc
cùm lego, persuadent ut credam, & nostram
monasterij Traiectensis processionem, cùm
in die Dominicæ Resurrectionis, propter fre-
quentem populi communionem oportunè
celebrari non queat, in secundam feriam Pa-
schalis solemnitatis esse dilatam. Nec mihi
dubium, quandoquidem constet urbem Tra-
iectensem pestilentia sæpiusculè tactam, eo-
dem adspectu Supplicationem hanc agitari,
quo olim illa Romæ habebatur ipsâ die Do-
minicæ Resurrectionis, auctore Gregorio
Pontifice. Enimuerò, ô Diua Virgo, in te
*Angeli letitiam, iussi gratiam, peccatores ve-
niam inuenerunt in æternum. Merito in te
respiciunt oculi totius creaturæ: quia in te, &
per te, & de te, benigna manus Omnipotentis
quid-*

Ber. Ser. 2.
de Pentec.

quidquid creauerat recreauit. Scimus aliquoties ingrauescente pestilentia D. Virginis imaginem in publicâ Supplicatione elatam magistratu petente, ciuitati remedium attulisse.

4. Manuel Comnenus Imperator Græcorum, Nicetas Choniates lib. 5. Manuele Comeno.
Pannoniis superatis, tantâ victoriâ latus & exultans, Deo gratias actis, statim rei benè gestæ nuntios in Urbem mittit: ac post dies aliquot & ipse Constantinopolim ingressus, triumphum ducit ab Orientali portâ, quæ ad arcem patet; cùmque, ob insignem & incruentam victoriam, quàm splendidissimè & magnificentissimè adornat. Expansæ sunt omnes purpureæ & auratæ vestes: & ciues alij aliunde ad pompam illam confluentes, instar torrentis ex monte decurrentis, fora, ades, templa, officinas, & loca omnia Urbis amplissima deseruerunt. Sunt & caprini in triumpho ducti. Platea illa, utrimque suggesta habuit ad binas & ternas cõignationeseducta: recta quoq; omnia spectatoribus referta fuerunt.

Imperatorem quadrigæ argenteæ auratæ cum equis niue candidioribus pracedebant, quibus imposita erat imago inuictæ adiutricis, & insuperabilis commilitonis Matris Dei. Neque verò axis magnum sonuit; quia non vehebat acrem deam Minervam, quæ falsò virgo dicitur: sed veram Virginem, quæ Verbum inexplicabili ratione per verbum peperit. Eum currum, Imperatoris propinqui atque amici, Senatus, viri magistratibus & dignitatibus insignes, ponè seque-

quebantur. Deinde ipse Imperator prodiit equo feroci infidens, vir inclytus & maximus, ornatu illustribus insignis, comitante Contostephano triumphii auctore: qui ob victoriam & rem benè gestam celebrabatur. Magnum templum ingressus, Deoque coram omni populo laudato, in Palatium pergit: laxataque nimia bellorum contentione, ludis equestribus recreatur.

Nicephor.
Gregoras
lib. 4. hist.
Rom.

5. *Michaël Paleologus* Græcorum Imperator, recuperatâ Constantinopoliâ *Baldvino*, Urbem non prius intrat, quàm sacrosancta *Deipara* (quam quasi via monstratricem, *Hodogetriam* vocant) imago per portam, quam *Auream* dicunt, ingressa esset. ubi cùm illi gratia hymnis acta fuissent, tum demum pedes, precedente sacrosanctâ imagine, est ingressus.

B. Rhena.
in illud
Tertul. c. 4
lib. 2. ad
vxor. Si
proceden-
dum erit.

6. Ex his processionum, & iam inde Litaniarum usum, à principio Catholicis fuisse conuincitur. Quem postea renouauit, vel auxit *Leo Primus*: (nam cum *Mamerco Viennensi Episcopo*, dicere eum primò instituisse, nolim nec ausim.) cùm in frequenti motu terrarum illabi videretur orbis, Supplicationes siue Rogationes publicè indixit, quas nostri, retentâ Gracâ dictione, *Litánias*, & vulgò *Processiones* vocant: quòd binos procedendo bini longo ordine prosequatur, à loco ad locum progrediendo, ac magnâ voce orando. atque hæ *Minores nuncupantur*,
quas

quas haud multò post Agapetus Pontifex dicitur primus constituisse in singulos dies Dominicos in templis vel circum templa habendas, uti seruetur gentium ubique. Post hac Gregorius Maiores instituit, quas omnis ordinis populus, septeno ordine incedens, alternis caneret: cum per id tempus lues morbi grassaretur, quo inguinibus statim tumescentibus, innumeri perirent. Cuius pestis Paullus Montis Casini monachus, qui Longobardorum historiam scripsit, causam fuisse narrat, prodigiosum Tiberis incrementum: quod recentibus inde undis ingens serpentum numerus in Urbem inuaserat, ac eoque tabescerat ciuitatem, ut inguinibus subito tumefactis, passim mortales interirent. Quod malum Pelagius, in cuius locum Gregorius subrogatus postea fuit, precibus auertere conatus, ieiunium ac Litánias indixit; sed & ipse inter alios interiit. Subiit illud pestis genus, ut cum quis sternuisset, exspirabat protinus: unde mos (sicut quidam tradunt) inoleuit, ut audientes quempiam sternutantem illicò dicerent; Te Deus adiunet: quod hodieq; seruatur. Item & oscitare simul letale fuit: propter quod sese Crucis signo repente communicare consueuerunt; & hoc etiam nunc ab oscitantibus custoditur. Gregorius itaque Supplicationes decreuit. Ob metum impendentium malorum, ad prouocandam Dei misericordiam, secuta atas rem eandem, id est, has supplicationes transtulit ad actiones gratiarum

cum

cum exultatione. Ideò in ipsâ pompâ Processionum solent ludicra quædam præcedere, quibus Prophetae representantur & Apostoli, alati pueri concinunt, chorus inducitur seminarum. Hic agit Davidem, ille Salomonem gerit. multi-inges recitantur historia, fèruntur cerei, adhibentur symphonia, loca velantur, pueri vetantur è fenestris deorsum versum spectare. Via mundantur, floribus sternuntur, quâ sacer incedebat comitatus. Reliquiae Diuorum imaginesq; cum reuerentiâ portantur: & alia id genus à fidelibus pro ratione temporis, loci & regionis, peraguntur multa, quæ sunt exultantium in Domino, & David imitantium fidem, qui ante Arcam Domini procedebat tripudians, Deo acceptus, stultia soli Michol ingratus.

1. Reg 6.
20.

CAPVT XIX.

Theophoriam Venerabilis Sacramenti Supplicationibus instinctu diuino adhiberi.

1. **S**CI MV S nunc etiam Michol cum suo pædagio deridere Davidem, cunctosq; viros secundum cor Dei; quòd iubilent ante veram Arcam Domini, dico ter sanctam Eucharistiam, cùm ex instituto maiorum efferretur adoranda. Sed etiamsi talis quispiam panem non illum credit esse qui dicitur: tamen nihilominus, imò etiam multò magis, nostris pectoribus inscriptum est beatidocumentum

Tertul. lib.
2. ad Vxor.
c. 5.

Hila-

Hilarij; *Caro mea verè est esca: & sanguis meus verè est potus. Qui edit carnem meam, & bibit sanguinem meum, in me manet & ego in eo. De veritate carnis & sanguinis non relictus est ambigendi locus. Nunc enim & ipsius Domini professione, & fide nostrâ verè caro est, & verè sanguis est. Et hac accepta atque hausta id efficiunt, ut & nos in Christo, & Christus in nobis sit. Anne hoc veritas non est? Contingat planè his verum non esse, qui Christum Iesum verum esse Deum negant. Porro autem, hîc vero veriùs est Christus: atque adeò infimæ classis puerilium est argutiarum; Christus non ad efferendum, non ad adorandum mysteria sua instituit: non circumferri debent, non adorari. O capita vinculis Hippocratis alliganda! præsentio præcursores Antichristi: Christû hîc verum Deum, ne adoretis, negatis. At verò, ille si Deus est: cur non, vbicumque inuenero, adorem? An etiam vos eiurato Christo, viam Antichristo sternitis, qui aduersatur & extolli-*

tur supra omne quod dicitur Deus, aut quod colitur? Enimverò perbellè malo dæmoni procuratis adorationem, Christo eam inuidenti, cùm inquit; *Hac omnia tibi dabo, si cades adoraueris me. Cui Christus; Vade Satana: scriptum est enim; Dominum Deum tuum adorabis, & illi soli seruies.* Dæmon Christum non adorauit, sed reliquit; vos identidem reliquistis, idèò Christum non adoratis.

Lib. 8. de
Trinitate.
Ioan. 6. 55

2. Thess. 1.

Mat. 4. 9.

H

2. Possem

2. Possem respondere argumenti vestri
 Mat. 10. 28 *schemate, Filius hominis non venit ministrari,*
 Luc. 4. 43. *sed ministrare. & ipse Christus; Et alius ciuita-*
tibus oportet me euangelizare regnum Dei: quia
ideò missus sum. Quid igitur? Non adorari?
 Mat. 1. 11. At Magi in stabulo *proidentes adorauerunt*
 Ioan. 9. 38. *eum.* & cæcus ille natus *proiciens adorauit*
eum. Theophoria igitur, cum potissimum fiat
 adorationis ergo in Supplicationibus; vnde
 cœperit, quâ fieri potest, ostendemus. Et licet
 ipsa manifestè à Christo iussa non sit, neque
 mox ab initio Ecclesiæ in more fuerit: tamen
 tempore procedente inualuit, & hodieque
 Ioan. 12. ritus iste tenetur. Grano frumenti se compo-
 24. nit Christus. Ut semen sparsum prius terram
 prendit, tum agit radices; denique exsurgens,
 non statim, sed in tempore fructificat: ita ri-
 tus omnes Ecclesiæ tandem irroboraerunt.
 Quemadmodum igitur Arca fœderis, in quâ
 Heb. 9. 4. seruabatur *Vrna aurea habens Manna*, circum
 Iericho gestata fuit, atque aliàs magnâ pom-
 pâ aliò diducta: ita etiam verum illud Manna,
 panem de cælo nobis datum, iure merito sum-
 ma religione efferimus.

3. Quod antequam asseramus, pro rei
 fundamento dicimus; Corpus Christi seruari
 solitum antiquitus pro viatico ad commu-
 nionem, fidelium; vt in tempore deferri posset
 ad infirmos, morte imminente. Notandum
 quoque; pios cum de manibus Sacerdotum
 Corpus

Corpus Christi accepissent, domum tulisse, illud oportunè sumpturi. Cyprianus Episcopus Carthaginiēsis & Martyr attestatur, cuius verba ascribo; *Præsente ac teste meipso accipite quid euenerit. Parentes foriè fugientes, dum* Serm. de lapsis. *trepidi minùs consulunt, sub nutricis alimento paruulam filiam reliquerunt: relictam nutrix detulit ad Magistratus. Illi ei apud idolum, quò populus confluebat, quòd carnem necdum posset edere per atatem, panem mero mixtum, quod tamen & ipsum de immolatione pereuntium supererat, tradiderunt. Recepit filiam postmodum mater: sed facinus puella commissum tam loqui & indicare non potuit, quàm nec intelligere priùs potuit nec arcere; ignorantia igitur obreptum est, ut sacrificantibus nobis eam secum mater inferret: sed enim puella mixta cum Sanctis, precis nostræ & orationis impatiens, nunc ploratu concuti, nunc mentis æstu fluctuabunda iactari, velut tortore cogente, quibus poterat indictis, conscientiam facti in simplicibus adhuc annis rudis anima fatebatur. Vbi verò solemnibus adimpletis, calicem Diaconus offerre præsentibus capit, & accipientibus ceteris locus eius aduenit: faciem suam paruula instinctu diuinæ maiestatis auertere, os labiis obturantibus premere, calicem recusare. Perstitit tamen Diaconus, & reluctati licet de Sacramento calicis infudit. Tunc sequitur singultus & vomitus. In corpore atque ore violato Eu-*

charistia permanere non potuit: sanctificatus in Domini sanguine potus, de pollutis visceribus erupit. tanta est potestas Domini, tanta maiestas! Secreta tenebrarum sub eius luce detecta sunt: Sacerdotem Dei nec occulta crimina fefellerunt. Hoc circa infantem, quæ ad loquendum alienum circa se crimen necaum habuit ætatem. At verò ea, quæ ætate prouectâ, & in annis adultioribus constituta sacrificantibus latenter obrepfit, non cibum sed gladium sibi sumens, & velut quadam venena lethalia intra fauces & pectus admittens, angi & animâ exastuante concludi postmodum capit. Et pressuram non iam persecutionis, sed delicti sui passa, palpitans & tremens concidit. Impunium diu non fuit, nec occultum dissimulata conscientia crimen: quæ fefellerat hominem, Deum sensit ultorem. Et cum quadam arcam suam, in quâ Domini sanctum fuit, manibus indignis tentasset aperire: igne inde surgente deterrita est, ne auderet attingere. Et cum quidam alius, & ipse maculatus, sacrificio à Sacerdote celebrato, partem cum ceteris ausus est latenter accipere: Sanctum Dei edere & contrectare non potuit, cinerem ferre se apertis manibus inuenit: documento unius ostensum est, Dominum recedere, cum negatur, nec immerentibus ad salutem prodesse quod sumitur, cum gratia salutaris in cinerem sanctitate fugiente mutetur.

4. Si Eucharistia nihil aliud, quàm panis, & signum

signum, vti Nouatores docent; nec sanctificatus ad menrem Catholicorum: vnde igitur ista stupenda miracula, quæ B. Cyprianus scribit? Vides igitur etiam extra sumptionem asseruata Dominici corporis Sacramenta. Concilium Nicænum primum indicat manifestè, cuius Canon ita decreuit; *Vt sit in* Can. 63. edit. ex Arabico.
unaquaque Ecclesiâ Oeconomus, & cum eo alij, qui habeant curam prouentuum, & agrorum; & alij villarum, & sumptuum quotidianorum: alij frumenti & leguminum: alij vasorum auri & argenti, ac vestimentorum, ac ornamentorum Ecclesiæ. Alij habeant curam loci, in quo sancta Eucharistia seruatur: & quisque habeat curam eorum quæ sibi commissæ sunt, idq; cum timore Dei.

5. Etiam ex B. Cypriano discimus impios à sacrâ corporis Domini participatione absentes miraculo; & cum se Christianorum sacrificiis ingessissent, grauitè punitos. Item in more fuisse id temporis, Eucharistiam de manibus Sacerdotum acceptam domum efferre: vti iuxtim se haberent Christiani & oportunè fumerent, quando in persecutione conuentibus & coetibus, sacrisque prohibebantur. *Cuius sententiæ martyr gloriosus Tar-* Guitmūd. li. 2. de Sac. Alt. 48. Alger. lib. 2. c. 1.
sitijs nobis idoneus testis occurrit. Qui cum veneranda Dominici corporis Sacramenta portaret, à paganis fortè superuenientibus, & quidnam ferret exquirentibus, comprehensus est. At

ille mori potius, quàm Sancta dare canibus eligens, palmam pretiosa mortis emeruit. Ex quo conficitur antiquitus fuisse deportationem venerabilis Sacramenti.

6. At illa magis comprobatur, quòd etiam pro viatico deferri soleat infirmis iam morituris. Concil. Nicænum; *Si quis lapsorum ad mortem, dum in penitentiâ est, peruenerit: non est priuandus sacrâ communionem, quæ est VIATICVM VITÆ; si eam petierit. Quòd si post orationem & communionem ex infirmitate, in quâ erat, conualuerit: communicabit postea in oratione tantum cum fidelibus, & non accipiet communionem sacram. Adhibeaturque diligentia, ut cuicumque proximo mori Sacramenta, si petierit, ministrentur; idq; cum Episcopus diligenter inquisierit, an dignus sit: quia non licet, ut priuemus eos Sacramento communionis. Illustre exemplum scriptum reliquit Dionysius Episcopus Alexandriæ. Erat quidam Serapion apud nos fidelis senex, qui licet magnam vitæ partem integrè & incorruptè transegisset, tempore tamen persecutionis præ imbecillitate animi lapsus est. Hic sæpenu- merò in Ecclesiâ denuò recipi suppliciter postula- bat: sed nemo quia idolo sacrificasset, eius postulationi aliquando auscultauit. Qui in grauem morbum delabens, iriduo deinceps mutus, & absque sensu vixit: quarto autem die paululum reuelatus, nepotem ad se accersit, sicq; alloqui-*

tur

Can. 19.
ed. t. ex
Arab.

Apud Eu-
seb. Cæsar.
lib 6. Eccl.
hist. 36.

tur; Quousque, fili, me detinetis? properate obsecro, & me ocius dimittite. aliquem ex Presbyteris advoca ad me. Quæ cum dixisset, iterum fit mutus. Puer currit ad Presbyterum: nox iam erat. Ille fortè morbo vexatus, accedere ad eum non poterat: sed tamen quoniam à me quidem mandatum dabatur, ut qui iam essent vitâ emigraturi, Sanctorum mysteriorum (dummodò ptererent, & vel maximè si antea dum integrâ valetudine erant, supplices petiissent) participes fierent: sicq; cum pace dimissi, & bonâ spe confirmati, ex hac luce discederent; puero exiguum quamdam Eucharistiæ partem dedit, præcipiens ut eam madefactam in os senis infunderet, quam puer secum adferens rediit. Cui iam appropinquanti, prius quàm cum eo quod gestabat intraret ades, Serapion denuò recuperatâ voce dixit; Venisti fili? tametsi Presbyter non potest venire, tu tamen præsta, quod tibi in mandatis dederit, & dimitte me abire. Particulam igitur puer quam apportarat, madefactam in os senis infundit; atque ille, simul atque eam pedetentim per fauces dimiserat, illicò extremum spiritum edidit. Isto igitur ævo, persecutione ingrauescente, talia permittebantur. Quod etiam spectare videntur, quæ Iustinus Martyr scribit; post sacrificium, post preces & gratiarum actiones, Consecrata distri-

Apolog. 2.
ad Anton.
Pium.

buuntur singulis, & absentibus mittuntur per Diaconos, quibus Dominici corporis &

sanguinis dispensatio vetusto more concre-
dita fuit.

Orat. de
obitu fra-
tris Satyri
tom. 3.

7. Legimus etiam veteres Christianos
S. Eucharistiam in tutelam itineris pro viatico
secum detulisse. Ambrosius de Satyro fratre,
cuius obseruantiam erga Dei cultum prædi-
cans scribit: *Quod priusquam perfectioribus
esset, initiatus mysteriis, in naufragio constitu-
tus, cum ea quâ vehebatur navis scopuloso illisa
vado, & urgentibus hinc atque inde fluctibus
solueretur, non mortem metuens, sed ne vacuus
mysterij exiret à vitâ; quos initiatos esse cogno-
uerat, ab his diuinum illud fidelium Sacramen-
tum poposcit: non ut curiosos oculos infereret
arcanis, sed ut fidei suæ consequeretur auxi-
lium. Etenim ligari fecit in orario, & orarium
inuoluit in collo: atque ita se deiecit in mare; non
requirens de navis compage resolutam tabulam,
cui supernatans iuaretur: quoniam fidei solius
armâ quæsierat. Itaque his se tectum atque mu-
nitum satis credens, alia auxilia non desidera-
uit. Simul fortitudinem eius spectare licet: qui
fatiscente remigio, non quasi naufragus tabu-
lam sumpserit, sed quasi fortis ex seipso admini-
culum suæ virtutis assumpserit. Nec deseruit
spes, nec fefellit opinio. Denique primus seruatus
ex undis, & in portum terrena stationis euectus,
præsulem suum cui se crediderat recognouit. Sta-
timque ubi etiam ceteros seruulos suos vel ipse
liberauit, vel liberatos comperit: negligens facul-
tatum,*

tatum, nec amissa desiderans, Dei Ecclesiam requisivit, ut ageret gratias liberatus, & mysteria aeterna cognosceret, pronuntians nullum referenda gratiae maius esse officium. . . . Referebat igitur gratiam, deferbat fidem. Nam qui tantum mysterij caelestis inuoluti in oratio praesidium fuisset expertus: quantum arbitrabatur si ore sumeret, & toto pectoris hauriret arcano? Aliter D. Ambrosius de mysteriis Dominici corporis scribit, quàm isti sentiunt Nouatores. Sed nota; Satyrum necdùm initiatum baptismo Christiano, diuinum illud Sacramentum poposcisse; & certè ab aliis Christianis, qui etiam illud ferebant pro tutelâ in itinere, cuius praesidium in naufragio Satyrus sensit.

8. Huic simile quod B. Gregorius Romanus Põtifex commemorat de venerabili viro Maximiano. Hic cùm Constantinopoli Ro- Libro 3.
Dialog.
c. 36.
nam rediret, in mari Adriatico nimia tempestate deprehensus, inastimabili ordine, atque inusitato miraculo erga se cunctosq; qui cum eo aderant, omnipotentis Dei & iram cognouit & gratiam. Nam cùm in eorum morte ventorum nimietatibus eleuati fluctus sauirent: ex nauiclauiis perditis arbor abscissa est, vela in undis proiecta; totumque vas nauis quassatum, nimis fluctibus ab omni fuerat suâ compage dissolutum. Rimis itaque patentibus intrauit mare, atque usque ad superiores tabulas impleuit nauem: ita ut non tam nauis intra undas, quàm

H 5 . unda

vnde iam intra nauem esse viderentur. Tunc in eâdem naui residentes, non iam ex morte vicinâ, sed ex ipsâ eius præsentia ac visione turbati omnes: sibi met pacem dederunt, corpus & sanguinem Redemptoris acceperunt, Deo se singuli commendantes, ut eorum animas benignè susciperet, quorum corpora in tam paueudâ morte tradiderat. Sed omnipotens Deus, qui eorum mentes mirabiliter terruit, eorum quoque vitam mirabilius seruauit. Nam diebus octo naus eadem vsque ad superiores tabulas aquis plena, iter proprium peragens enatauit. Ad portum veniēs cū omnes exissent, mox naus submersa fuit. Detulerunt igitur secum S. Eucharistiam, & pro salutari Viatico, & morte instante, sumendo.

9. Addo tertium eiusdem rei exemplum.

S. Laurētij
Episcopi
Dublinēf.
Vitæ c. 8.
apud Suriū
14. Nou.
tom. 6.

Tres magni latronū principes, qui multis sceleratis præerant, tres turmas satellitum sibi collegerant, religiosisq; personis & Ecclesiasticis, ad S. Coëngini & Abbatis Laurentij protectionem pertinentibus, molestias & damna plurima inferebant. Quodam igitur die in viâ, quam S. Coënginus manibus suis construxisse dicitur, trans paludes & aquarum scaturigines, dum in suis expectarent latibulis, si quos spoliandi oportunitas se offerret: mox quatuor Sacerdotes cum magnâ turbâ hominum transire comperiunt, qui Eucharistiam, sicut tunc moris erat pluribus, secum pro TVTQ VIATICO, ac securo duce

duce itineris, publicè deferebant. In quos ferociter irruentes, Sacerdotes manu sacrilegâ spoliaverunt, nostræ redemptionis pretio, hoc est, Eucharistia nullam reuerentiam exhibentes; sed magis irreuerenter tractantes, nefandis dentibus attingere & atterere præsumpserunt; & ceteros usque ad mortem ferè, verberibus afficere. Id quod non impunè abiit sceleratis; octiduo post suspensi sunt.

10. Eusebius Cæsariensis antiquus historicus sæculo Constantini M. Imperatoris, alium ritum in more fuisse Catholicis docet, quòd Episcopi ad se venientibus externis Episcopis obuiam efferre solent S. Eucharistiam in symbolum pacis & communicationis. Dissidium erat inter Victorem Pontificem Romanum & Episcopos Asiæ, quòd hi variarent ab Ecclesiâ Romanâ in celebrando

diem Resurrectionis Domini. *Omnes Ecclesiæ Asia antiquâ quadam traditione adductæ, celebrabant decimo quarto die Luna (quo Iudeis olim*

Euseb. Cæs. l. 5. Eccles. hist. c. 22.

præceptum erat, ut agnū immolarent) Festum illud celebrandum; & omnino eo die, in quemcumque hebdomada diem incideret, ieiuniis finem statuendum. * Victor, qui tum Romana

* Ind. c. 24.

Ecclesiâ præerat, totius Asiæ Ecclesias cum aliis finitimis, tamquam alterius fidei & opinionis, simul omnes à communi unitate Ecclesiæ amputare conatur; & in eos per litteras grauiter inuehitur: atque adeò omnes fratres eam incolentes

lentes

lentes regionem, prorsus à communione secludendos edicit. Id grauitè fetentes Asiani, rescripsere Victori, & cum illis Irenæus Episcopus Lugdunensis, in hæc verba; Presbyteri ante Soterem, qui Ecclesia, cui tu iam præes, præficiantur; Anicetum dico, Pium, Hyginum, Telesphorum, Sixtum; licet neque ipsi hoc festum eodie, quo Episcopi Asia obseruarent, neque alius post se ita obseruare permetterent: nihilominus tamen cum Episcopis illarum Ecclesiarum, in quibus ita obseruabatur, ad se accedentibus pacem inter se & concordiam perpetuò retinuerunt, ac numquam propter istum varium illius festi obseruandi modum fuisse ulli aliquando ab Ecclesiâ eiectioni: sed presbyteri illi qui te anteineunt ætate, tametsi minimè illud ita obseruabant, his tamen Episcopis, qui in aliis Ecclesiis idem sic obseruabant, Eucharistiam miserunt. Itaque tunc hic mos erat efferendi S. Eucharistiam: quod cum magnâ veneratione factum indicat Rufini trãssatio; nam transtulie, Eucharistiam solemniter trans mittebant.

Eusebius
Cesar. lib. 5
Eccle. hist.
c. 24. Ru-
fin. interp.

II. Quod verò magis spectat ad propositum; Venerabile Eucharistiæ Sacramentum solet ex loco proprio deportati ad altare, etiam à Diacono. Quòd si ille potuerit efferre, sanè multò id magis Sacerdotes & Episcopi. Diuus Hieronymus de Exuperio Episcopo Tolosano; Nihil illo ditius, qui corpus Domini canistra vimineo, sanguinèmq; partat in vitro. Porro de

Epist. 4. ad
Rufinum.

de Diacono Eucharistiam effere in turre repositam (Tabernaculum nunc vocamus) hac posteritati reliquit Gregorius Turonensis, inquiens; *Recolo quod in adolescentiâ meâ gestû audiui. Dies passionis erat Polycarpi martyr magni: & in Ricomagensi vico ciuitatis Aruerne, eius solennia celebrabantur. Lectâ igitur passione cum reliquis lectionibus, quas canon Sacerdotalis inuexit; tempus ad sacrificium offerendum aduenit; acceptaque turre Diaconus, in quâ mysterium Dominici Corporis habebatur, ferre cœpit ad ostium: ingressusq; templum ut eam altari superponeret, elapsa de manu eius ferebatur in aëra, & sic ad ipsam aram accedens, numquam eam manus Diaconi potuit adsequi; quod non aliâ credimus actum de causâ, nisi quia pollutus eras in conscientiâ. Sapius enim ab eodem adulteria ferebantur admissa.*

De Gloriâ
Martyr.
cap. 86.

12. Huc spectat Concilium Braccarense Tertium, cuius hoc decretum; *Bona siquidem res est diuina Sacerdotibus contrectare mysteria: sed cauendum valdè est, ne hoc quisquâ ad vsum prauitatis suæ intorqueat, unde soli Deo de bonâ conscientiâ placere debuerat. scriptum est enim; Va his qui faciunt opus Domini fraudulenter & desidiosè. Ut enim quorundam Episcoporum detestanda præsumptio nostro se cœui intulit dirimenda; agnouimus quosdam de Episcopis, quòd in solemnitatibus Martyrum ad Ecclesiam progressuri, Reliquias collo suo imponant,*

Can. 5.

Jerem. 48.
10.

nant, ut maioris fastus apud homines gloriam intumescant: & quasi ipsi sint reliquiarum arca, Leuitæ albas induiti in sellulis eos deportent. Quæ detestanda præsumptio abrogari per omnia debet: ne sub sanctitatis specie simulatâ, vanitas sola præualeat, si modum suum uniuscuiusq. ordinis reuerentia non agnoscat. Et idèd, antiqua in hac parte & solemnis consuetudo seruabitur, ut in festis quibusq. diebus, Arcam Domini cum Reliquiis, non Episcopi sed Leuitæ in humeris gestent; quibus & in veteri Lege onus idem impositum nouimus esse præceptum. Quòd si & Episcopus Reliquias per se deportare elegerit: non ipse à Diaconibus in sellulâ vehatur, sed potiùs pedestri eo una cum populis progressionem procedente ad conuenticula sanctarum Ecclesiarum, Sanctæ Dei reliquie per eundem Episcopum portabuntur. Nota, Eucharistiam procedente populo ad conuenticula Ecclesiarum deportare, antiquam & solemnem esse consuetudinem: atque in Arcâ Domini, quam

Præced. §. Gregorius Turonensis *Turrim* vocat, nos Tabernaculum & Ciborium. *Arcam Domini* & in eâ *Reliquias*, intellige non reliquias Sanctorum, sed Sacramentorum corporis Domini; quæ vñui fidelium asseruabantur: nam dicit; *Sanctæ Dei reliquie per eundem Episcopum portabuntur.*

13. Cuncta hæc euincunt, S. Eucharistiam primordio Ecclesiæ, non modò sepositam & asser-

asseruatam piorum vsui fuisse; verumetiam
 variis modis elatam; nec rectè dūtaxat, sed &
 publicè. Vt dicam quod sentio; ritus circum-
 ferendi Corpus Dominicum in Supplicationi-
 bus, mihi quidem prouenisse videtur, ex illo
 priscorum ritu, quo *Præsanctificata* in dies se-
 quentes seponēbant, sepolita posteris diebus
 referēbant. Præsanctificata vocantur, Sacra-
 menta Domini Corporis plura consecrata,
 in vsum sequentium dierum, quibus Sacerdo-
 tes corpus Domini non conficiebant, sed vte-
 bantur Sacramentis prius consecratis: quo-
 modo nunc quoque fieri videmus in Cœnâ
 Domini, & sequente Parasceue. Præsanctifica-
 ta in Cœnâ Domini, ad destinatum locum
 magnâ pompâ cum multis luminibus effe-
 runtur: eâdem religione Parasceue sequente
 referuntur, hominum magnâ comitante, vti
 in processionibus, frequentiâ. Græcanicæ
 Ecclesiæ solemne decretum fuit; *Quod non* Cōc. Lao-
dicenſ. can.
49.
oporteat in Quadragesimâ panem benedi-
ctum offerri, nisi in Sabbato & Dominicâ.
 Quid igitur? utebantur Præsanctificatis:
 Synodus Oecumenica Constantinopolitana Can. 52.
 sexta celebrâta in Trullo edicit; *In omnibus*
sancta Quadragesima ieiunij diebus, prater-
quàm Sabbato & Dominicâ, & sanctæ Annun-
tiationis die, fiat sacrum Præsanctificatorum
ministerium

14. Nicolaus Cabasilas Græcus auctor,
 cum

In exposit.
Liturg.
cap. 24.

cum de donis sacris, pane & vino, quibus in Sacrificio opus est, ad altare celebri processione ferendis, agit, manifestè indicat Præsanctificata solere maximâ pompâ & religione offerri. hæc eius verba; *Sacerdos postquam cum clamore Deum glorificauit, venit ad dona, & cum ea in caput valdè honestè & reuerenter sustulit, egreditur: & sic ea ferens ducit ad altare, de industriâ circumducens in templo propter populum, quietè & pedetentim. Ipsi autem canunt, & genua cum omni reuerentiâ & religione inflectunt, rogantes ut eorum sit memor in donorum oblatione. Ipse autè procedit comitatus lampadibus & suffitibus: & ita se habens altare ingreditur. Hæc autem sunt quidem ad usum: oportebat enim offerri, & in altari reponi dona, quæ sunt sacrificanda, idque cum quàm maximo fieri potest honore & reuerentiâ. Ita enim introducebantur dona Dei. Dona hæc erant panis & vinum ante consecrationem: & ita à Sacerdote ad sacrificium ferebantur, populo in genua procidente, & orante Sacerdotem, ut in oblatione sui memor esset, atque Deum pro se oraret. Non dona isti adorabant, sed Sacerdotem dona ferentem orabant. Oportebat autem etiam tunc ad Sacerdotis genua procidere & orare, ut illis orationibus nostri meminerit: neque enim est alius modus supplicationis, qui tantum possit, & qui magis firmam & stabilem nobis spem præbeat, quàm*

Indidem.

NOTA.

qui

qui sit per hoc venerandum Sacrificium, quod impietates & iniquitates mundi gratis purgavit. Siqui autem eorum, qui Sacerdote cum donis ingrediente, humi procumbunt, tamquam corpus & sanguinem Christi, dona qua deferunt adorant & alloquuntur: ab ingressu præsanctificatorum donorum decepti sunt, ignorantes differentiam huius & illius Sacrificij. hoc enim in ipso ingressu non sacrificata habet dona, & nondum perfectæ: illud autem perfectæ & sanctificatæ, & corpus & sanguinem Christi. Indicat auctor magnâ pompâ cum luminibus & odoribus Præsanctificata in templo coram populo deportata, quæ de geniculis adorabantur. Eadem cum populus cerneret in donorum necdum sanctificatorum elatione: nonnulli simpliciores ea adorabant, & alloquebantur veluti Sacramenta corporis & sanguinis Domini; sed decepti ignorantia. Hinc mihi quidem videtur potissimum promanasse ritus, publicè in Supplicationibus ter sanctam circumferendi Eucharistiam. Sed tamen iudicium meum in aliorum iudicium mitto.

15. Quapropter ante annos circiter quadringentos Honorius PP. III. ritè ex more præscorum sancivit: *Ne propter incuriam Sa-*

Lib. 3. Decretal. de celebratione Missæ. c. Sanè.

cerdotum divina indignatio gravius exardescat, districtè præcipiendo mandamus, quatenus à Sacerdotibus Eucharistia in loco singu-

I
lari,

lari, mundo & signato, semper honorificè collocata, deuotè & fideliter conseruetur. Sacerdos verò frequenter doceat plebem suam, vt cùm in celebratione Missarum eleuatur hostia salutaris, se reuerenter inclinet: idem faciens, cùm eam defert Presbyter ad infirmum. quam in decenti habitu, superposito mundo velamine, ferat & referat manifestè ac honorificè ante pectus, cum omni reuerentiâ & timore; semper lumine præcedente, cùm sit candor lucis æterna: vt ex hoc apud omnes fides & deuotio augeatur.

16. Animum aduerte. In primis docet S. Eucharistiam certo loco asseruandam. id verò cui fini, iam declarauimus. Deinde in Missarum oblationibus decernit, vti etiam cùm effertur ad infirmos pro Viatico, Eucharistiam adorandam: nam iubet plebem se inclinare. Iure faciant homines, quod faciunt Angeli. Audi B. Ioannem Chrysostomum; *Ego commemorantem olim quemdam audiui, cùm diceret, senem quemdam virum admirabilem, ac cui reuelationum mysteria multa diuinitus fuissent detecta, sibi narrasse, se tali olim visione dignum habitum à Deo esse: ac per illud quidem Sacrificij tempus derepentè Angelorum multitudinem conspexisse, fulgentibus vestibus indutorum, altare ipsum circumdantium; denique sic capite inclinatum, vt si quis milites prasente rege videat. id quod facile mihi ipsi persuadeo, (quod antè dixit) vel ex tanto illo*
Sacri-

Sacrificio, quod tum peragitur, quando locus altari vicinus in honorem illius qui immolatur Angelorum choris plenus est.

17. Addit ex hoc Pontifex, *lumine præcedente opus esse, Eucharistia cum effertur. Etiam nunc servatur in templis, in Supplicationibus, quod docete in Actis Paulo servatū legimus: Vnâ Sabbati cum cōuenissemus ad fran-* Act. 10. 7.
gendū panem, Paullus disputabat cum eis profecturus in crastinum. protraxitq; sermonem usq; ad mediam noctem. Erant autem lampades copiose in cœnaculo, ubi eramus cōgregati. Quorsum lumina? non tam ad pellendas tenebras, quàm ad reuerentiam fractionis panis Eucharistiæ; qui primâ, hoc est, Dominicâ diē frequentissimè sumebatur.

18. Porro quandoquidem Christus dicit; Mar. 24. 28.
Vbicumque fuerit corpus, illuc congregabuntur Luc. 17. 37
& aquilæ: gratissimum esse Deo ter sanctam Eucharistiam elatam cum pietate sequi, vti Deum iure adorandum; sub vno id accipe argumento. Rudolfus Comes Habespurgensis pietate suam gentem ad sceptrâ regnaque subuexit. Venatum fortè, ut nobilitas solet, I. Lipsius
cum paucis in equo exiuerat. Pluvius dies erat, Monit.
& via fracta & sordentes: ecce occurrit Sacer- Polit. c. 2.
dos venerabilem & mysticam hostiâ, extremum mon. 3.
solatium, agro laturus: & occurrit pedes. Is aspectus pium pectus perculit. nec sine indigna-
riuncula aliquâ equo desilit: & Me vehi, se
I 2 qui

qui Seruatorem meum portas, pedibus incedere? indecorum vel impium sit: conscende, & equum hunc cape. Iussio, non preces erant: paret ille, & iste capite reuelato humilis sequitur, ad ipsas ades agri deducit, ab iis eodem habitu reducit. Iam domi & apud se Sacerdos erat: qui officio attonitus, & mente à Deo motâ, benè abeunti dixit, & simul Imperium ipsi posterisque prædixit ... Res illa certa, & rata prædictio fuit, ac fidem etiam nunc ab euentis habet.

CAPVT XX.

De sodalitate Chordigerorum S. Francisci.

1. **A**NTIQUITAS approbatum morem Supplicationum Ecclesiasticarum, & in eis pios variosque ritus, ex ipsâ antiquitate duxi: quos contra, si quis Iudæ Iscariotis genio
 Mat. 26.9. liuidus insusurret; *Vt quid perditio hac?* quorsum ista, quæ nusquam Christus seruanda præcepit? respondemus, multa fieri laudabiliter à piis, etiam si non iussa, tamen grata Deo esse.

2. Reg. 7. 11. David rex citra præceptum Dei, cogitabat ædificare domum Domino, non iussus sed sponte. Deo placuit eius pietas, & mercedem prædicte prophetâ Nathan accepit; *Prædicit tibi Dominus, quòd domum faciat tibi Dominus.* Magdalena conuiuio se vltro ingessit; attulit

attulit alabastrum unguenti, & stans retrò se- Luc. 7. 37.
cus pedes Domini, lacrymis capitis rigare pedes
eius, & capillis capitis sui tergebat, & osculaba-
tur pedes eius, & unguento ungebat. Iniussa
fecit hæc Christo, qui gratiam retulit. Remit-
tuntur ei peccata multa., quoniam dilexit
multum... Fides tua te saluam fecit, vade
in pace.

2. Christus Dominus iussit discipulis ad-
 ducere asinam alligatam & pullum cum eâ:
 fecerunt hoc illi iussi, sed & non iussi im- Mat. 21. 2.
 fuerunt super eos vestimenta sua, & eum desu-
 per sedere fecerunt. Plurima autem turba strave-
 runt vestimenta sua in viâ. alij autem cadebant
 ramos de arboribus, & sternebant in viâ: turba
 autem quæ precedebant, & quæ sequebantur,
 clamabant dicentes; Hosanna filio David! Bene-
 dictus qui venit in nomine Domini! hosanna in
 altissimis! Pharisei (vt nostri Nouatores) dixe-
 runt Christo; Magister, increpa discipulos tuos: Luc. 19. 39
 quibus ipse ait; Dico vobis, quia si hi tacuerint,
 lapides clamabunt. Grata sibi censuit obsequia
 Christus, à populo sponte delata: in tantum,
 vt lapides asseruerit in illâ processione cantatu-
 ros, nisi canerent fideles. Et certè videmus
 nostro silentio lapides clamare. Audi Orige-
 nem; Quando nos loquimur, lapides silent: Hom. 17.
 quando nos tacemus, lapides clamant: potest in Lucam.
 enim Dominus de lapidibus istis suscitare filios
 Abrahæ. Quo tempore nos tacebimus? quando
 I 3 refrixe-

refriferit charitas multorum; quando illud, quod à Salvatore predictū est, fuerit impletum; Putas veniens Filius hominis inueniet fidem super terram? Propterea Domini misericordiam deprecemur, ne nobis tacentibus lapides clament: sed loquamur, & laudemus Deum, &c.

3. Hæc eò spectant, vti scias, complura ritè pieque exerceri à piis, quæ tamen Sacræ literę nobis facienda non præscribunt. In his funes, quibus nō modò Fratres instituti D. Francisci, sed & Diuo Francisco deuoti cinguntur, publicè in Sodalitium funigerorū abscribendi: tum etiam in supplicatione Traiectēsi nostrā (quam mox describam) processuri, Nobiles, Primores, ciues principales, & quotquot huic pietati animum applicuerunt. Non est rubori gerere funes ad spectu pietatis: cū sciamus cēlestem Patrem, Filium suū Dominum nostrum Iesum Christum funibus voluisse vinciri, vt nos vinculis peccatorum constricti, **LUC. 12. 35** solueremur; ac deinceps lumbis præcinctis lucernas ardentes habētes in manibus, obsequio Christi nos obligatos esse nouerimus. Nec vereor dicere; funes nostros, & Sodalitij funigerorum, tesseras esse, sicut & pleraque cœtum aliorum symbola, Rosaria dico, & corrigias, & his similia, quibus meliores Christiani internoscuntur.

4. Priscis temporibus tessera hospitibus dabatur & amicis, quā inter se noti, ab amicis acci-

accipiebantur hospitio : atque inde ius quoddam necessitudinis transibat ad posteros . In vestibus etiam figuræ quædam, Tesseræ dicebantur, à quibus vestes tesseratæ. Plinius de pictore Zeuxide; *Opes quoque tantas acquisivit*, Lib. 35. *ut in ostentatione earum, Olympia aureis litteris in palliorum tesseris intextum nomen suum ostentarit*. cap. 9.
 Erant apud Christianos initio Ecclesiæ huiuscemodi signa, quibus inter se noscebant. Tertullianus auctor vetustissimus, testis est, cuius hæc verba; *Communicatio pacis, & appellatio fraternitatis, & contesseratio hospitalitatis: quæ iura non alia ratio regit, quàm eiusdem Sacramenti una traditio*. Inter symbola Catholicæ religionis *Contessionem* recenset: *per quam hospitalitatis certum quoddam signum intelligit; quod qui ferret, ut Ecclesiæ Catholica legitimus filius, quocumque pergeret, à fidelibus aequè Catholicis honorificè recipiebatur hospitio*. *Quod quidem signum cum adulterassent hæretici, à Catholicis noscitur sæpè mutatum, ac litteris commissum, quas Patres in Nicæno Concilio nominauere formatas*. Iulianus Imperator, desertor Christianæ religionis, præcipuè zelatus dicitur notas litterarum Episcopaliū, quibus solent alterutris scribentes commendare peregrinos, & ubi profisciscuntur, & à quibus veniunt, modis omnibus indicare, & solatia promereri; tamquam noti & amici sint, testimonio directi signaculi; ita co-

De Præsc.
cap. 20.

Baron. to.
1. Annal.
An. Chri.
75.

Paul. Diac.
lib. 11.
hist. Miscel.
Iulian.
no.

natus profligatâ religione Christianâ reducere paganisum.

5. Itaque iure Tesserâs voco Sodalitij nostri funes, & huius ritus cinctum : quem si spectet impietas, grande ludibrium; si pietas, grande solatium, imò & mysterium: atque id astruam exemplis sacre Scripturæ. Humilitatis est argumentum & pœnitentiæ, funibus cingi, pio nostro adspectu. *Benadad Syria rex proelio superatus ab Israëlitis, funibus & saccis veniam delicti consequutus, etiam gratiam victoris meruit. Suggestere fugientes serui victo regi sanum consilium; Ecce, audiuimus quod reges domus Israel clementes sint: ponamus itaque saccos in lumbis nostris, & funiculos in capitibus nostris, & egrediamur ad regem Israel: forsitan saluabit animas nostras. Accinxerunt saccis lumbos suos, & posuerunt funiculos in capitibus suis, veneruntque ad regem Israel, & dixerunt ei; Seruus tuus Benadad dicit; Viuat, oro te, anima mea. Et ille ait; Si adhuc viuit, frater meus est. Testis Iosephus Iudæus; Induere saccos, & restibus capita redimere, priscus apud Syros supplicandi mos fuit.*

6. Hoc habitu pœnitentes veniam deprecantur offensæ: quia argumentum est animi humiliati. Cuius adspectu nonnumquam ipse Deus baltheum Regum dissoluit, & præcingit fune renes eorum. In baltheo, regnantis gloria intelligitur: in fune, ignominia regno depositi;

3. Reg. 10.
30.

Lib. 8. Antiq. Iudaic.
c. 8.

Iob 12.
18.

* Hieron.
hoc loco.

*depositi; sicut Sedechia & Manassæ contigit Deo iubente; siue populo Iudeorum, qui per infidelitatem suam à Christi regno distinctus est. Sed & nunc renati in Christo reges, sunt omnes in adoptionem filiorum aterni regis vocati. Verè ab illâ honoris sublimitate merito distinguuntur, quicumque ea qua pœnitentia funibus digna sunt, perpetrarunt; sicut ait Propheta, ^{Isa. 3. 23.} pro zonâ recte cingeris. Isaias Propheta aduersum filias Sion, ex ore Domini, quia nimis luxur erat vestium, prædixit in hæc verba; *Et erit pro suau odore fœtor, & pro zonâ funiculus, & pro crispante crine caluitium, & pro fasciâ pectorali cilicium.* Captis Hierosolymis ista euenere: nam in hodiernum diem Iudæi iugum ferunt captiuitatis, cui ceu vinculis perpetuò sunt innexi.*

7. Est itaque humilitatis signum funibus cingi, vt conemur funibus peccatorum exsolui. *Et quidem in veritate lumbum accingit, qui* ^{Basil. in 3. cap. Isa.} *secundùm Deum cingitur: cuiusmodi erat Petrus, quum manibus expasis accingeretur ad bellum pro Christo obeundum, ad exhibendum testimonium pro veritate, his qui ipsum prouocabant ad certamen usque ad mortem. Sanctus etenim cingitur virtute: ait enim Scriptura, Deus qui circumcinit me virtute. Qui autem zonam hæc perdidit, vinculo cingitur suorum peccatorum, quod singuli quique vinculis suorum peccatorum constringuntur: quorum symbolum illud erat flagellum*

lum è funiculis contextum; quo ex ade sacrâ expulsi sunt sancta prophanâtes; Domino per hoc declarante, quia unicuique flagella sunt nexus & plicatura peccatorum, & suis quisque peccatorum funiculus se circumplectentibus flagellatur. Quisque nostrum ingenuè fateatur oportet; Funes peccatorum circumplexi sunt me.

Psal. 118.

61.

Pron. 5. 22.

Enimuerò, iniquitates sua capiunt impium, & funibus peccatorum constringitur. Porro quia

Ind. 10. 9.

nemo potest dicere; Mundum est cor meum, purus sum à peccato: sumuntur funes ex Ecclesiæ ritu, argumento pœnitentiæ & humilitatis, in Christi memoriam & D. Francisci, ut conemur in veram libertatem à peccatis asseri, vinculis peccatorum disruptis: ne tandem ligatis manibus & pedibus mittamur in tenebras exteriores, ubi erit fletus & stridor dentium. Id certè continget illis, qui nunc erroris & impietatis tenebris interioribus immerfi, pios Ecclesiæ ritus, quia non intelligunt, irrident.

Mat. 22.

13.

8. Nec modò pœnitentiæ signum est hic cinctus, sed & solatium. Quotquot verè pœnitentes, confessi, sacraque communione corporis Christi dignati, consecrato ritè fune (chordam benedictam appellant) à Prælato instituti Diui Francisci cincti, & albo Fraternitatis funigerorum inscripti, sincerè quæ præscribuntur exercent, spe condonationum siue Indulgentiarum, quæ piis promittuntur:

citra

citra dubium hi sunt Ecclesiæ Romanæ veri filij, veri Christiani, imò & calidiores Catholici, quibus eiusmodi confesseratio curæ & cordi est, aliis vti frigidioribus non est. Tesseræ Ecclesiæ & symbola tenent. Agnoscunt Romanam Ecclesiam, Apostolicam esse, vnicam Arcam Noë. quam qui in terris non habent matrem, nec in cælis Deum habebunt patrem. Agnoscunt etiam Romanum Pontificem, Vicarium Christi in terris, Petri successorem, cui à Christo concredita est cura pascendarum ouium. Credunt condonationibus Pontificum, quas Indulgentias vocamus, pios viuentes, vitaque defunctos à poenarum reatibus exsolui posse. Credunt Sanctorum cum Christo regnantium interuentu viuos mortuosque iuuari. Credunt, tenent, reprobant, quidquid Ecclesia Catholica credendum, dammandumque censuerit. Integra fides meretur, vt *sancti adipiscantur* Heb. 11. *repromissiones.* 33.

9. Hæc fides, hæc pietas, & ad præscriptum Pontificis, exercitatio, licet non valde operosa, sed facilis sit, tamen magnam peccatorum remissionem impetrare potest: tantam etiam, quæ ex mancipio diaboli & gehennæ, filium efficiat Dei, heredem gloriæ sempiternæ. Iure merito vocamus Indulgentiam: quia poenas temporarias in vitâ, siue post hanc vitam in purgatorio nobis luendas, non ad iustitiæ lan-

ccm

cem exæquamus, sed facili labore redimimus. Filius prodigus ex illâ longinquâ regione ad indulgentissimum patrem rediens, culpam

LUC. 15. 21. confessus; *Pater peccaui in calum, & coram te? iam non sum dignus vocari filius tuus*, hæc inquit; cum sine morâ dixit pater ad seruos suos: *Citò proferse stolam primam, & induite illum; & date annulum in manum eius, & calceamēta in pedes eius, & adducite vitulum saginatum, & occidite, & manducemus, & epulemur.* Quàm facilè veniam deprecatus in gratiam rediit? eundem in modum hîc pro labore & exercitatione parvâ, magna multaqué remittuntur pœnarum debita.

10. Vidē' hîc funiculos Adæ, quibus ad nos attrahit Deus, & vincula caritatis? ita **Osce 11. 4.** promisit; *In funiculis Adam traham eos, in*
Rupert. *vinculis caritatis.* Enimuerò tunc in funiculis
Tuit. in- *Adam traxit nos, utpote factus filius Adam,*
didem. *sive filius hominis, qui funiculi sunt caritatis. In*
eo namque quòd factus est ex carne Adam filius
hominis, miro modo nos sibi colliganit, & traxit
ad se in funiculis caritatis. Deinceps summâ
 benevolentia semper aduersum nos fuit & humanitate: non duros labores subire coëgit, minima exigens, ut maxima reddat; ut cui misereri semper proprium sit & parcere. Quisquis igitur funo cingeris nobis contesseratus, hoc animo esto: & satage, ne vinculis impliceris carnis, mundi, diaboli: facilè isti funes
 inii-

iniiciunt, quibus miseri peccatores constrin-
guntur. *Noli ad secularia mentem animúmque*
defigere: sed circumspice oculis anima diligenter,
quia pluit Dominus laqueos super peccatores;*
ne cadentes illigare te possint, quos poteris eni-
tare, si legem Domini non obliuiscaris. Etenim
etiam qui ligatus est: si sibi sit conscius liber-
tatis, obliuisci libertatem suam non desinit, &
causam nonnumquam dicit è vinculis, eámque
sibi legum præscripto defendit, ac iudicio fre-
quenter absoluit. Ergo & tu si peccaueris, me-
mor esto legis, memor esto Christi, qui te liberat
dicens; Ego sum, ego sum, qui deleo iniquitates
*tuas, & memor non ero * Sequamur*
ergo vincula Christi, fugiamus vincula ve-
natorum: ne dum incidimus, dum ignora-
mus, laqueos eorum pes nostra mentis in-
currat, ne anima nostra ceruicem nexibus in-
seramus.

Amb. Ser.
8. in il. Pl.
118. Funes
peccat. circ.
* Psal. 10. 7

Isa. 43. 25.
* Ambros.
indidem
paullò an-
te.

11. Huic fini Sodalitia ritè instituta, Con-
fraternitates vocát; approbat Ecclesia, etsi sint
qui improbent: signa habent & symbola
quibus agnoscuntur. Et vtiliter repeto verba
Tertulliani suprà posita; *Communicatio pacis,*
& appellatio fraternitatis: qua iura regit eius-
dem sacramenti una traditio. Video commu-
nicationem pacis ab eruditis viris intelligi,
veterem missionem ter sanctæ Eucharistiæ
aduenientibus Christianis: nec mihi dubium,
corporis Domini sumptionem accessisse, in
tesseram

5.4.

tesseram & symbolum vnitatis & communionis : ex quâ appellatio fraternitatis . Quia ab eodem patre renati Christiani, fratres sunt; & proinde omnium vna fraternitas, commune nomen ab initio omnium Christianorum:

Apologet.
c. 38.

cuius auctor Tertullianus; *Fratres nos vocamus, fratres vestri sumus, iure natura matris vnius: etsi vos parum homines, quia mali fratres. At quanto dignius fratres & dicuntur & habentur, qui unum Patrem Deum agnouerunt, qui unum Spiritum biberunt sanctitatis, qui de uno utero ignorantia ad unam lucem apparuerunt veritatis?* Porro vna est Ecclesia Catholica; & id quidem constat: sunt tamen plures Ecclesiæ, velut membra illius corporis magni;

Cap. 2. & 3

vt. *Ecclesia Ephesi, Smyrna, Pergami, Thyatira, Sardis, Philadelphia, Laodicia*, quas in Apocalypsi legimus: Nunc quoque variæ Ecclesiæ, Toletana, Mediolanensis, Colonienſis, pleræque aliæ. *Tot ac tanta Ecclesia, vna est illa ab Apostolis prima, ex quâ omnes. Sic omnes prima, & omnes Apostolica, dum unam omnes probant unitatem.* Vna illa varia est, circum-

Tertul. De
prescript.
cap. 20.

Psal. 44. 10

amicta varietate. Hoc sensu, totius Ecclesiæ vna est fraternitas, & multæ fraternitates.

Act. 4. 32.

12. Initio Ecclesiæ multitudinis credentium erat cor unum & anima vna; quoad potuerunt vnâ habitauerunt: sed crescente numero discipulorum, quo perfectius Apostolicæ vitæ sectarentur institutum, monachismum induxe-

duxerunt, ipsis etiam viuentibus Apostolis, cuius rei Dionysius Areopagita testis, monastica vitæ institutum scribit & exponit, ipse discipulus Apostolorum. *Apostoli statim ut Christus est mortē affectus, officij memores, conuentus facere, prout in Actis patet, cæperunt: ubi urando, consulendo, agendo, rem Christianam propagandam, mirandum in modum curabant; non secus atque illi, qui eorum operā religionem amplexi sint, postea fecere. Vnde vsus facile ad posteros manasse videtur, ut prophani quoque homines cæperint Apostolorum more, diuini cultus causā, instituere societates, seu, ut ita dicam, fraternæ societatis collegia, illisque magistros dare, qui statutis diebus reliquos socios conuocarent ad carimonias nonnullas concelebrandas. Inde tot ordines, tot instituta piorum, quæ in varias societates abierunt, quas Confraternitates appellant.*

13. Sanctus Antonius à Paduâ ex Ordine Fratrum Minorum, cum ardentissime concionaretur in Italiâ, maximè Patauij: cæperunt tum primum homines cateruatim sese verberando, & pia cantica deuotè depromendo, procedere. atque ea laudabilis consuetudo à tanto auctore profecta, deinceps suis est aucta incrementis: ita ut in omnibus ferè Italia locis accuratissime, hodièque obseruetur. Sanctus Bouauentura eiusdem instituti S. R. E. Cardinalis, Doctor Ecclesiæ, Generalis totius Ordinis Minorum

De Ecclesiast. Hierarch. c. 6.
Polydor.
Virgil. l. 7.
de inuentorib. c. 6.

Vitæ S. Anton. c. 13.
apud Sur.
l. 3. l. un.

rum

Pet. Galef.
Prot. Apo-
stol. vitæ
c. 9.

rum Minister, *Roma instituit præclaram socie-
tatem, quam Confraternitatem Confaloniis vo-
cant: cui certam orandi præcandique normam
prescripsit, ob venerationem beatissimæ Virginis
Dei Genitricis.*

Asta So-
cior. B. Frã
cisci. c. 42.

14. Et ut caput absoluam; initium Sodalitij funigerorum sumptum lego à B. Dominico. Is ut erat D. Francisci studiosissimus, propter virtutem & pietatem, quæ veram immortalemque conciliat amicitiam, funem siue chordam eius, quâ cingebatur, postulauit: vix tandem, sed impetrauit B. Dominicus; atque eam semper *sub inferiori tunica gestauit*. Postero tempore Leo Papa X. concessit viris; feminis, gestantibus ad spectu pietatis chordam S. Francisci, datam tamen ab aliquo Prelato Ordinis fratrum Minorum, ut mereri possint Indulgètijs Ordini Franciscano à Sede Apostolicâ clementer concessas. Ante memoriam hominû, collegas Sodalitij B. Mariæ, Bruxellæ, & Traiecti, Thenis etiam, in nostris monasteriis, funibus Frãciscanis de collo pendentes, in Supplicationibus publicis, ut processisse feruntur, ita hodieque procedunt. Sixtus Papa V. Chordigerorum Archifraternitatem instituit, maximis Indulgentiis cohortauit.

CAPVT XXI.

*Celeberrimæ processionis conuentus Fratrum
Minorum. Mosæ-Traiectensis descriptio.*

I. **H**ÆC de Supplicationibus Ecclesiasticis, & ritibus antiquitus in eis vsurpatis, mihi præscribenda fuerunt: vt exemplis & documentis antiquitatis edocti, sciamus ad veterem morem Christianorum, processionem nostram agitari, maximâ religione & pietate in hunc modum.

Ipsâ die Paschalis festiuitatis Vesperæ cùm finiuntur, Fratres cum frequentissimo populo, prælatam crucem antiquo ritu Christianorum sequentes, procedunt ad imaginem Diuæ Virginis: cantant illud lætum & priscum Catholicorum Paschale Canticum, cælitus acceptum, *Regina cali latare*. atque ex sacello, eius honori & memoriæ consecrato, quod ad dextram templi est, efferūt, ad Ecclesiæ medium, vbi sublimis statuitur honoranda. Nullâ interpositâ morâ, incredibili pietate frequentationes incipiunt, preces & vota ciuium & aduenarum: sed maximè noctu, vt pij quique vitent oculos aliorum, ab occasu Solis vsque ad auroram diei sequentis. Nec facile dictu, quanta hominum multitudo ex agris, ex vicis, & vicinis vrbibus conueniat. Numerati aliquando, cùm id præliarij

K excu-

An. 1608.

excubitores in mandatis haberent, aduenisse supra sex millia virorum, præter mulieres & pueros. Curatores sacelli, Diuæ Virginis imaginum, quæ magnâ religione exiguntur, supra septemdecim millia petentibus distribuerunt, Anno salutis millesimo sexcentesimo septimo, iam tum à S. D. N. Paulo Papâ Quinto datis denuntiatisque plenariis Indulgentiis.

2. Iucundum spectaculum piis, videre pueros, adolescentes, virgines, matronas, viros corpora nuda tectos dûtaxat laneis amiculis, siue lineis, nudis etiam pedibus D. Virginis imaginem adire, circumire, adorare; imò circum eam, & sub eâ flexis poplitibus, sæpiùs reperere. Ex utroque sexu passim sternuntur; osculis & lacrymis pauimenta rigantes, veniam irarum cælestium deprecantur; & vota ad Deum, interueniente Virgine Matre, prout sua quemque mala cogunt, vertunt. Plurimi Supplicationi viam antiquitus destinatam, non modò semel, sed multoties præcunt, faculas ardentes gestantes. Multi à capite vsque ad genua, ferreis armis nuda corpora tecti, etiam in genibus repentes, totum illud, & quidem non breue iter processionis conficiunt, & ferreas subinde graui pondere cathenas pedibus illigatas trahentes.

3. Dominicæ Resurrectionis secundâ feriâ, processioni nostræ decretâ, finitâ concione ad horam

horam nonam, toto Senatu atque Magistra-
tu, cum vrbis primoribus conuenientibus ad
monasterium, summum sacrum in Diuæ Vir-
ginis honorem celebratur, cum ciues omnes
& aduenæ, Deiparæ Matri obuiam ruunt.
Sub finem Sacrificij, chordis S. Francisci pri-
moribus quibusque & nobilibus, diuoque
Francisco deuotis, distributis; atque singulis
eam publicè super vestes ab humeris ad ad-
uersa latera gestantibus, in formam tesserae:
procedit peractis Mysterijs instituta Suppli-
catio, velut acies castrorû ordinata. Quemad-
modum in castris expeditissimorum militum
varię sunt cohortes & legiones, varia signa at-
que vexilla diuersę generis armaturæ, sed ta-
men vni militant Principi: ita in istâ religiosi-
simâ processione varia deuotio, sed diuersa
schemata; vbique multa gratia, quia grata
diuersitas, sed vna veraque pietas: quia Chri-
sto faciunt, quod eius Matri. *Debita venera-*
tionis summa ad Christum respicit, ex cuius ple-
nitudine roratum est de super, quod Maria præ-
dicatur gratiâ plena. Manifestum est indiu-
iduam esse Matris & Filij gloriam, & commune
esse vtriusq; præconium, cuius definitio omnem
superat intellectum. Enimuerò* nulli hominum
umquam concessum est, tanti vti priuilegio
muneris, ut vna persona esset in Trinitate, quod
de substantiâ suâ genuit, & esset Deus. Ideò
quæso sileat insipientia carnis, & celebretur

Arnold.
Carnot. de
laudibus
B. Mariæ
tom. 1. Bi-
blioth. Pa.
* Hildeph.
Archiepif.
Toletan.
Scr. 3. De
assumpt.
B. Mariæ,
tom. 9. Bi-
blioth.
Pat.

*dignè cum laudibus festiuitas Matris Domini
& Saluatoris nostri; tanto honore dignissima,
quantum est veneranda ex gratiâ: quia eius
honor & gloria, laus & gratiarum actio est
Redemptoris.*

Paullinus
Natal. 3.
Felicis
mart.

*Aurea nunc niueis ornantur limina velis:
Clara coronantur densis altaria lychnis:
Limina ceratis adolentur odora papyrus:
Nocte dièque micant; sic nox splendorq; diei
Fulget: & ipsa dies, caelesti inlustris honore,
Plùs micat, innumeris lucē geminata lucernis.*

Matth. 10.
38.

4. Ceterùm quia Christi militibus fas non
est procedere sine signis militiæ Christianæ:
Crucem frater aliquis præfert, quam magna
mox sequitur manus virorum, feminarum,
puerorum. Nec vulgi more, sed ritu singulari
Crucem sequuntur, quia crucem etiam tol-
lūt. Omnes solis laneis aut lineis amicti, nudis
pedibus varia lumina gestātes, habitu publicè
pœnitentium; summo silentio, calidas preces
& lacrymas fundentes, totum Supplicationis
circuitum conficiunt. Vibrat illud in illorum
auribus; *Qui non accipit crucem suam, & sequi-
tur me, non est me dignus.* Porro, qui sequitur,
quo fructu quæris? Christus edicit;

Iuenc.
L. 3. Carm.
Euang.

*En si quis vestrū vestigia nostra sequetur,
Abneget hic sese, corpusq; animamq; recusās;
Atque crucem propriam comitatibus addere
nostris
Gaudeat, amissam redimet cui gloria vitam.*

5. Anno

5. Anno octauo supra millesimum sexcentefimum, mille eoq̃ue ampliùs hoc schemate processisse numerati sunt; inter quos non pauci viri, qui galeis ferreis, ne noscerentur, caput incluserant. Sed & matres complures secum vixdum apta gressibus cara pignora trahebant: nonnullæ infantulos & lactentes eodem pœnitentium schemate ad vbera circumferebant. Anus quoque grandæua, quotannis hoc ritu solita procedere, cùm ingrauescente morbo & ætate non posset, vt fidem suam liberaret, eâdem. amiculorum formâ grabatulo circumlata est. Sub hoc vexillo ponè sequuntur, qui in Sodalitio flagellantium, sub curâ & directione sunt Collegij Societatis Iesu. Hi faccis operti, tectâ facie, pedibus nudis (quo ritu in cœnâ Domini processionem suam celebrant) magnâ pietate & pulchro exemplo Supplicationem nostram cohonestant, viri, adolescentes, pueri.

6. Altera crux sequitur Labari formâ, quo labor, vnâ & merces præmiûmq̃; laboris indicatur, & muneratur. Sequûtur è vestigio omnes nostri fratres, in sacramêta Christi iurati, cantantes Domino, magnis vocibus benedicêtes Diuæ Virgini *benedicta inter mulieres*. Mox Luc. I. 42. sequuntur primarij ciues; deinde Sacelli Diuæ Virginis Curatores, tedigeri omnes ante sacram Diuæ Virginis imaginem, de quâ nunc agimus; quam lectissimæ probissimæq̃ue Vir-

gines, quàm it Supplicatio, humeris sublatam religiosissimè ferunt.

7. Imaginem Diuæ Virginis cohors sequitur armatorum, qui susceptis votis, sacramenta hæc Deiparæ Matri in singulos siue certos annos dixerunt. Recens anno octauo supra millesimum sexcentesium octoginta sex, pænè omnes faculas gestantes, corpora nuda (tectis tantummodò, quæ natura dictat velanda) ferreis armis induti, à capite vsquè ad pedes. Capita ferreis galeis muniebantur; pectus & brachia ferreis thoracibus & brachialibus; crura & tibiæ, ipsi quoque pedes panopliâ militari, qualis esse solet equitum armatorum in acie pugnantium. tales ferè omnes. plerique dextro quoque pede catenam magni trahunt ponderis, quò procedant laboriosius. Subligacula linea quæ naturam tegebant, fluentem largiter ostendebant sanguinem, ex morfu armorum. Nec facilè quis credet, quàm multis sanguineis guttis via, quàm processio tendebat, spargeretur. Alij herbas, fródes, flores oculis & odori iucundos, Christo iaciebant & eius Matri: isti (quod habebant pretiosissimum) sanguine suo viam purpurabant, quò peccata eluerent, & flammæ ignesque gehennæ sopirent.

8. Hos lectissimos milites, velut cohortem Prætoriam, Magistratus vrbis sequitur: Prætores, quorum alter Præsulis Leodicensis, alter

alter Ducis Brabantiae: tum Consules & Senatores, & qui Vrbi ab officiis, tedigeri omnes ante Venerabile Sacramentum, quod maximâ profundissimaque reuerentiâ sub serico cælo gestatur. Claudunt agmen processions, ciuitatis Gubernator, tota nobilitas, magna denique multitudo omnium sexus vtriusque ætatum & conditionum, ciuium & aduenarum. Et verò consummata Supplicatio non statim finem imponit deuotioni: toto sequente octiduo, diu noctuque frequentationes, visitationes, circuitus, quâ præiuit processio, à plurimis iterantur.

9. Laudes, preces, vota singulorum hæc sunt; *Te iam nos, ô pura & immaculata, eademque benedicta Virgo, magni Filij tui, vniuersorumque Dei Mater inculcata, integra atque sanctissima, desperantium atque reorum spes, collaudamus: tibi ut gratiâ plenissima benedicimus, quæ Christum genuisti Deum & hominem: omnes tibi procidimus, omnes te inuocamus, & auxilium tuum imploramus. Eripe nos, ô Virgo sancta atque intemerata, à quacumque necessitate ingruente, & à cunctis tentationibus diaboli. Nostra conciliatrix & ADVOCATA in horâ mortis atque iudicij esto: nôsque à futuro inextinguibili igne, & tenebris exterioribus libera, & Filij tui gloriâ dignare, ô Virgo & Mater dul-*

B. Ephrem
in Threnis
B. Mariæ.

K 4 cissima

cissima ac clementissima ! Tu siquidem vnica, apud Deum Christianorum, spes nostra es securissima & sanctissima, cui gloria & honor, decus atque imperiū in sempiterna secula seculorum.

* Bern. Ser.
2. De ad-
uēt. Dom.

** Per te accessum habeamus ad Filium, ô benedicta inuenirix gratiæ, genitrix vita, mater salutis: ut per te nos suscipiat, qui per te datus est nobis. Excuset apud ipsum integritas tua culpam nostræ corruptionis: & humilitas Deo grata nostræ veniam impetret vanitati. copiosa charitas tua nostrorum cooperiat multitudinem peccatorum; & fecunditas gloriosa fecunditatem nobis conferat meritorum. Domina nostra! MEDIATRIX nostra! ADVOCATA nostra! tuo Filio nos commenda, tuo Filio nos presenta. Fac ô benedicta, per gratiam quam inuenisti, per prærogatiuam quam meruisti, per misericordiam quam peperisti: ut qui te mediante fieri dignatus est particeps infirmitatis & miseriæ nostræ, te quoque intercedente, participes faciat nobis gloria & beatitudinis suæ.*

Tu verò, quo fructu hæc talia fiant, rogas? Nimirum, quem bonus Deus honori & meritis suæ sacratissimæ Matris, stupendis in prodigiis & miraculis, cum ante hominum memoriam, tum etiã nostro æuo declarauit, & cottidie declarat: quæ nunc ex ordine perscribere pergo; si prius ostendero, quando Diua nostra cœperit miraculis illustrari.

CA-

CAPVT XXII.

Quando cœperint à Divâ Traiectensi miracula coruscare.

I. **A**MVLTI magnisq; miraculis, in famâ & cultu vicinis vrbibus & pagis, *Divæ Virginis Traiectensis* imago est: quodd ad illam, & ab illâ variorum morborum & incommodorum certissima medicina fuerit, & etiam nunc fit. Plurimi qui opem poposcerunt, impetrarunt. Plurima miracula patrata, sed non observata, nec consignata comperio. Viri grandævi publicè contestati sunt, ante hominum memoriam ad imaginem hanc stupenda miracula frequentata: id quod ex epitaphio, atque illi inscriptâ oratione F. Nicolai Harlaer, cuius suprâ mentionem fecimus, colligere possumus. Cap. 4. §. 2.

Sed priusquàm ad ea perscribenda venio, præscriptum volumus, *Deum esse, qui facit mirabilia solus*. Sed tamen per Mariam adest agrotantibus medicus: in tenebris confidentibus illuxit iustitiæ Sol; tempestate iactatis factus anchora portusque tutissimus; Deo inuisis & inimicis reconciliatio; captivis redemptio; in bello versantibus munitissimum propugnaculum, ille nimirum qui est pax nostra. Et tibi, quicumque pius es, adfirmo, non dubium esse, illam quæ meruit pro liberandis ferre pretium, posse im- Pl. 71. 18.
Chrysoft.
Orat. in
S. Mariæ
Annunt.
apud Sur.
25. Martij.
Hier. to. 9.
epist. 1.

partiri suffragium liberatis. Nam certissimè constat apud omnes, nisi impij sint & imperiti; Diuinum spiritum in creaturâ esse per essentiam & potentiam, cui nihil impossibile est & miraculosum; qui ad honorem Sanctorum suorum miracula operatur.

Cæsius
Heisterb.
l. 7. Illust.
mira. c. 46.

Aug. 10. de
Ciuit. Dei.
c. 12.

2. Porro autem quacumque miracula, siue per Angelos, siue quocumque modo, ita diuinitus fiunt, ut Dei vnus, in quo solo beata vita est, cultum religionemque commendent: ea verè ab eis, vel per eos, qui nos secundum veritatem pietatemque diligunt, fieri, ipso Deo in illis operante, credendum est. Neque enim audiendi sunt, qui Deum inuisibilem visibilia miracula operari negant: cum ipse etiam secundum ipsos fecerit mundum, quem certè visibilem negare non possunt. Quidquid igitur mirabile sit in hoc mundo, profecto minus est quàm totus hic mundus; id est, calum & terra, & omnia quæ in eis sunt, quæ certè Deus fecit. Sicut autem ipse qui fecit; ita modus quo fecit, occultus est & incomprehensibilis homini. Quamuis igitur miracula visibilium naturarum videndi assiduitate viluerint: tamen cum ea sapienter intuemur, inusitatissimis rarissimisque maiora sunt. Nam & omni miraculo quod sit per hominem, maius miraculum est homo. Quapropter Deus qui fecit visibilia calum & terram, non dedignatur facere visibilia miracula in calo vel in terrâ, quibus ad se inuisibilem colendum excites animam, adhuc

adhuc visibilibus deditam. Vbi verò & quando faciat: incommutabile consilium penes ipsum est; in cuius dispositione iam tempora facta sunt, quacumque futura sunt. Nam temporalia mouens, temporaliter non mouetur. nec aliter nouit facienda quàm facta. nec aliter inuocantes exaudit, quàm inuocatuos videt. Nam & cùm exaudiunt Angeli: ipse in eis exaudit, tamquam in vero nec manufacto templo suo, sicut in omnibus Sanctis suis; eiusque temporaliter fiunt iussa, aeternâ eius lege conspectâ.

3. Quoties igitur audis, siue vides per Deiparam Virginem miracula celebrari, siue per Angelos, siue per Sanctos: crede à Deo fieri, eorum asserendo honori. Atque ille *cùm auctor sit naturarum omnium, dicimus, . . . hanc esse voluntatem omnipotentis Dei; qui certè non ob aliud vocatur omnipotens, nisi, quoniam quidquid vult potest, qui potuit creare tam multa.*

Id. 21 de
Ciu. Dei.
c. 7.

4. Quàm puerile ludicrum misellorum dicentium, Apostolis quidem datum patrare miracula ex Christi promisso; non autem aliis: quando Christus aperte sit pollicitus; *Amen amen dico vobis, qui credit in me, opera quæ ego facio, & ipse faciet, & maiora horum faciet.* An soli Apostoli in Christum crediderunt? Si alij eorum prædicatione quoque crediderunt: cur itidem miracula non fecerint, cur nunc etiam non fiant? Nam & de illis
Chri-

Ioã. 14. 12.

- Ind. 17. 20 Christus loquutus est; *Non pro Apostolis rogo tantum, sed & pro eis qui credituri sunt per verbum eorum in me.* Et rursus Christus iam
- Mat. 16. 17. ascensurus in cælum; *Signa eos qui crediderint hac sequentur. In nomine meo demonia eicient. Linguis loquentur nouis. Serpentes tollent. Et si mortiferum quid biberint, non eis nocebit. Super egros manus imponent, & benè habebūt.*
- M. Marul. lib. 2. exēp. 6. 11. *Faceſſant igitur à nobis in veſtimentis ouium lupi rapaces, Dominico ſemper inſidiantes gregi. Recedant ſpina & tribuli, de quibus nec ficus nec vua colligi poſſunt. Procul abſit hæretica inſania fermentum: ne puriſſima Orthodoxa*
- Mat. 8. 10. *fidei maſſa corrumpatur. Caueantur vulpium foueæ & volucrum nidi, in quibus Chriſtus non habet ubi reclinet caput ſuum. Quos & Apoſto-*
- Rom. 16. 17. *lus cauendos rurſum præcipit, dicens; Obſeruetis eos, qui diſſenſiones & offendicula, præter doctrinam quam vos didiciſtis, faciunt; & declinate ab illis.*

CAPVT XXIII.

In miracula Diuæ Virginis ſeriò inquitum: diligenter ea in publico conſeſſu examinata: quorum vnum atque alterum Anno ſalutis Chriſtianæ ∞. 100. VIII. patratum, enarratur.

- I. **P**ANGO nunc, quæ potui reperire, Miracula à Diuâ Virgine Moſæ-Traiectenſi facta:

facta: quæ generis eiusdem sunt , in singula capita distribuens. *Ego testem Deum inuoco in* ^{2. Cor. 1.}
animam meam , me nihil nisi ex fide conscrip- ^{23.}
 sisse, nihil sumpsisse de vano aut falso.
 Quare securus , meæ subnixus testimonio
 conscientia, appello & prouoco ad terribile
 Christi omnium Iudicis tribunal, quotquot
 his fidem derogauerint, quotquot vt fal-
 sa reiecerint, reprobauerint vt commenta.
 Enimuerò non satis habui ipsemet in ea dili-
 genter ac seriò inquisuisse; viros, feminas,
 pueros, quibus varia sanationum beneficia
 contigerunt, vidisse coràm & audisse: Sena-
 tores & publicos Notarios adhibui, qui visa,
 ac relata, testibus etiam firmata consignarent.
 Quinetiam aduocati fuere ad publicum
 confessum Reuerendi Domini, Gulielmus
 Fexhius S. Theologiæ Licentiatus, Gulielmus
 Bemmelius, Adamus Brokartius, Godefridus
 Meydalius, Venerabilis Capituli S. Seruatij
 spectatissimi Canonici. atque cum his An-
 dreas Gentius, Gulielmus Sucquettius, Ni-
 colaus Beckmannus, insignis Collegij B. Ma-
 riæ item Canonici. Et verò, vt ex animis peni-
 tus tollatur omnis suspicio, cui numquam
 argumentatio deest; me postulante ab amplif-
 simo Magistratu Traiectensi designati fuere
 Clarissimi Viri, qui examinationi vnà cum
 prædictis interessent, Andreas Eyckius, Lau-
 rentius Groteclafius, ambo tunc Exconsules,
 & Vr-

& Urbis Senatores, nunc II. Consules; Gerardus Driefsius, Lambertus Vrientzius, item Senatores noti probatissimi quæ. Hos habui assessores, hi publicè mecum in miracula inquisiuerunt; relata, deposita examinauerunt. ipsos qui senserunt beneficia, testes quoque non secundæ notæ, non etiam domesticos, sed nemini obnoxios, quæ deponebant, viderunt sacrâ affirmatione siue religioso iuramento adstruxisse.

Itaque publicè testata & iurata scripsimus, tam procul à falso, quàm aduersarij derogatores à bonâ mente. Protestari igitur desino, & incipiam memorare: prius quæ in vrbe Mosæ-Traiectensi, deinde quæ alibi accepimus euenisse. Sed ante omnia vnum atque alterum factum hoc ipso anno salutis humanæ, 1608. quo hæc scripsimus.

Anno 60.
15 C. VIII.
vi. Kal.
Iun.

Puer gibbosus & claudicans correctus.

2. Catharina Gulielmi Nypels ciuis Mosæ-Traiectensis vxor, publicè in prædicto confesso confessa est, filiolum se habere Matthiam bimulum, gibbosum fuisse natum, atque in tantum debilibus pedibus, numquam v̄t in pedes stare potuerit. Anxia mater votum concepit in *Diuam Virginem* pro cari pignoris incolumitate: triennio vt in Supplicatione *Diue Virgini* decretâ alterâ Dominicæ Resurrectionis die, nudis pedibus, solis amicta laneis, filiolum suum circumferret. Et quidem ipsa solem-

solemnis processionis die, tali schemate tertium viam Supplicationi destinata obuiuit: cum matris iussu ancilla puerum tertium quoque circumgestaret itidem nudipes, amicta solis laneis. Intra biduum puer ex integro restitutus, recte inambulauit, gibbo paullatim subsidente.

Puella pes detortus restitutus.

Anno .
1606. VIII.
VII. Kal.
Iun.

3. Ida Smidts vicina nostro monasterio Mosæ-Traiectensi coram nobis publice testata est, se habere filiulam Elizabetham necdum bimulam, anno natam 1606. die sacra Simoni & Iudæ, pedusculo sinistro introrsum aded detorto, vt in talos vix niti potuerit. In die solemnis Supplicationis supra memorata, detulit mater filiulam ad templum nostrum, accensam candelam manu gestantem. Quam cum in sacello *Diue Virginis* stitisset: ter gestauit circum eius altare, & ter circum imaginem eius in medio templi positam. puella mox in pedes recta stare coepit: & a matre manu ducta, pedes domum rediit, indies magis ac magis firmior.

CAPVT XXIV.

Immersus dolio ab aquis & morte seruatus.

1. **A** NNO millesimo sexcentesimo quarto
F. Petrus Boels Louanij natus, Instituti
nostri laicus professus, Traiecti habitabat, co-
nobij

Anno .
1604. IIII.
III. No-
das Ian.

160 F. HENRICI SEDVLI
 nobij nostri dispensator. Cùm postridie Circumcisionis Domini pro more Fratres per urbem carnes mendicassent; postquam ille pro ratione muneris omnia composuisset, serò templum ingressus, ante somnum se Deo prisco more commendauit. Tunc culinam repetens, quà ei ad cellulam ascensus; ventis flantibus fortè extinctâ lucernâ, incidit capite deorsum in dolium, quod iuxta ianuam culinæ in terrâ defossum, cisternæ instar, aquam excipiebat pluuialem. id porrò dolium ad circiter amas quinque capiebat, tunc aquâ semiplenû. Non poterat se sic immerfus aquæ erigere, & inuersus; nec emergere angusto dolio. Moriendum erat. Quamobrem, cùm verbis non posset, corde & affectu inuocatâ *Diuâ Traiectensi*, nullâ morâ interpolitâ, corpore medio se comprehendi sentiens, in pedes restitutus est, & à certâ morte liberatus, ope Virginis & Matris in æternum benedictæ.

CAPVT XXV.

*Plurimis vulneribus letalibus sauciuss
 mirificè curatus.*

AN. 80. 15. 1. **A**LFONSVS Perreæ Lusitanus, eques
 LXXXVII.
 1111. Nō. aliquando, nunc præfidiarius sub
 Sept. signis nobilis viri Antonij Grenet, domini de
 VVerp

VVerp Gubernatoris Traiectensis; non semel Senatoribus vrbis iureiurando adfirmavit; anno Christi millesimo quingentesimo octuagesimo septimo, secundâ die Septembris, se, petente dominâ Abbatisâ Hochtij (quod cœnobium est nobilium virginum Instituti Cisterciensis) Traiecto equitasse Petersheimium, arcem veterem ac nobilem in viciniâ; vti nonnullæ controuersiæ, quas Antistita illa cum villico habebat, transigeretur. Manè ad horam circiter octauam, cum solus ad pontem Hochtij adequitaret: vidit è latebris armatos equites in se incurrere, & inclamare vt se dederet. Sed Alfonsus equo suo fretus, fugam capit; & mox illorum coronâ cinctus capitur. Capto quispiam crumenam deripit, cum Rosario; cui ærea formula illigata erat, Diuæ Virginis referens impressam imaginem. De reculis aliis ille non tam anxius fuit, quàm de Rosario, quod vnice sibi petebat reddi, licet frustra, impio illo pietatem aduersus Deiparam Virginem irridente. Ceterum Alfonsus ab equitibus illis abducitur: qui eum, cum militem esse cognouissent, à quo spes esset exigui lytri; dixit aliquis, liberè vt aufugeret. Quo subnixus, ad molam oleariam Petersheimij, equo suo delapsus fugam arripuit in siluam Petersheimiam. Mox duo ex illis Alfonsum ex fugâ retrahunt: cum alter eum veruto transigit in dextro

latere; & conscendere equum iussit. Abducitur Alfonsus ad pagum Helchteram, propè ab opidulo cui Peræ nomen: cùm ita vulneratus, sanguine fluente valdè debilitaretur. Helchteram cùm venisset, vulnus comperit adedò sanguine manasse, vt ipsemet, & qui eum ceperant, de eius desperarent vitâ. Quamobrem eis subiit consilium, in vicinum puteum deiicere: quod rustico itidem capto imperauerunt, sed detrectanti, militum timore regiorum; ne aliquando à se, à filiis rescicerent vñdictam, cùm rescissent. Porro cùm se illi Helchteræ & equos refecissent, infirmus Alfonsus in equum subleuatus, illos abeuntes comitatur: & paullò pòst, illi turrim opiduli Peræ demonstrantes, illuc, vulnus curandi gratiâ, mittendum aiebant. Et abibant isti: sed Alfonsus equo depositus, pedes it, comitatus tribus illorum equitibus. Ab his ducitur non rectâ Peram, sed aliâ ad sinistram: vbi vnus eorum dexterum Alfonsi brachium pugione traiecit, alter item pugione collum, vt Alfonsus pronus in terram caderet, *Diuam Virginem Mariam* (de Sant Francisco) Hispanicè ad auxilium inuocans; ne sine peccatorum expiatione moreretur. Illi porro sanctantes; Sanctam Mariam, & S. Franciscum inclama: te scilicet iuuabunt. cùm pariter illi tres plura in dorso Alfonsi vulnera infligerent. Sed neque his exsatiati sanguinarij, reuol-

reoluunt Alfonsum , atque multoties in supinum ficas suas adegerūt: prius in labrum, deinde in collum ; ita vt à sinistrâ in dextram sub maxillâ pugio penetrauerit : cicatrices etiamnum cūm videremus testantur . Quintum vulnus inflixere supra dextram mammulam, ita patulum , vt ex eo spiraretur anima . Denique cæsim punctim feraliter miserum Alfonsum cædentes , quinquaginta ei vulnera inflixerunt . At ille cūm sic sauciaretur, non cessauit Diuæ Virginis , non verbis sed adfectu, vt antea, opem implorare, ne non confessus mortem obiret . Illi, Sinamus hunc scelestum , inquiunt : sat habet ad mortem, vulnera. ligulas eius discindunt, calceos, caligas, braccas, thoracem exuunt, derelinquentes pro mortuo . Et verò Alfonsus ita mactatus fuit, vt vulnere nihil sentiret . Postquam se recepisset, se tam grauiter sauciatum sentiens; quâ potuit repere, abdidit se sub genistis aduersus ventos & frigus , incessanter Diuam Virginem inuocans : à quâ desertus non fuit, etsi destitutus omni humano auxilio . Enimuerò illic ei visa est, Filiolum suum sinistrâ baiulans , amicta tunicâ cæruleâ cinctaque . Vnâ etiam Alfonsus vidit B. Seruatium , Diuæ Virgini astantem sinistrâ, mitratum , ornatumque casulâ mixti coloris lutei & viridis, pedum dextrâ tenentem: quorum adspectu mirificè confirmatus , opem

illorum vnice implorauit. Ceterum illis disparentibus, præ vt antè valentior, surrexit; atque ad vicinam domum se conferens, neminem reperit. Scamno insidens fortè vidit fasciam puerilem, quâ caput & colli vulnera alligauit: & de scamno se demittens, ita sedit in terrâ, scamno innitens. paullò post mulier aduenit, prolem gerens brachio, atque compellans in hæc verba: O te infelicem! adhuc viuus? bono esto animo: Deus tibi aderit. Superuenere duo rustici, quærentes vt valeret: quibus ille, cum vix loqui posset, manu indicauit læuâ, propius vt accederent, atque ab eis petens aduocari Pastorem, cui peccata confiteretur. Illi Pastorem hostium timore profugisse, inquit, Hasletum. Ad vesperum redeuntibus hostibus, cum ad arma conclamaretur, in horreum aliquod ducentes Alfonsum, super stramina reposuerunt. Post horam ferè puella aduenit, quæ illi adgeniculans, quærebat, quinam valeret; & quâ poterat Alfonsum solabatur. Ille totus exsuccus & exsanguis, sitim indicabat suam. Puella mox attulit scutulam aquâ plenam: atque illi rursus adgeniculans potum obtulit, In nomine Patris, & Filij, & Spiritus sancti. Et cum Alfonsus non peteret amplius: puella ter eum viuificæ crucis signo muniens, abiit; prorsus ignota vnde venisset, quò abiisset. Horâ circiter octauâ vespere redierunt prædicti

dicti rustici, inter quos iam conuenerat, destinare Alfonsum, vti rogauerat, ad Pastorem, & ad chirurgum. Cuius ergo, conduxere pauperculam, quæ carro impositum Alfonsum (ipsi enim militum timore non audebant) Peram adueheret: & nutu diuino, medio itinere, obuium habuere chirurgum Peresem, qui iam quatuor aut quinque menses Peram absuerat, moratus Hasleti. Is intellexit ex pauperculâ Alfonso vetricem, eum tam immaniter ab equitibus Gertrudebergenfibus sauciatum. Ad horam noctis decimam Peram venerunt: vbi in domo Prætoris Alfonso lectulo imponitur: quod Pastor mox aduocatus ante alia confessionem eius excepit. Tunc chirurgus singula tentans & inspiciens vulnera, comperit quatuordecim aut quindecim fuisse letalia. Quare de salute Alfonso desperans, ea leui manu alligauit: quod in sequentem diem existimaret non posse viuere. Atqui Alfonso, fauente Deo, interuentu Diuæ Virginis, sanctorum Seruatij & Francisci, quorum opem iugiter implorauerat, non modò superuixit alterâ luce, verum etiam sacram Eucharistiam sumpsit; ille quidem ad mortem pro viatico, quod tamen fuit saluberrimum medicamentum animi & corporis. nam haud multò post Alfonso curatis vulneribus integram valetudinem consecutus est. Vidimus Alfonsum hodieque Mosæ.

Traiecti militem;vulnerum cicatrices curiosè inspeximus; interulam quoque signa vuln-
rum referentem, æternæ memoriæ conferua-
mus. Denique publica instrumenta D. Pasto-
ris Ioachimi, item Senatus Perensis, legimus:
vt scripsi, sic rem se habere, litteris exsignatis
attestantur.

Cæf. Hei-
sterb. lib 7.
illust. Mi-
rac. c. 10.

Viden' tu beniuole Lector, *quàm mirificè
iustos sibi seruientes sancta Dei Genitrix Virgo
Maria consoletur?*

CAPVT XXVI.

Cæca puella visum recepit.

Anno 100.
100.1.

1. **G**VLIELMO Donder & Elizabethæ de
Borre coniugibus Traiectensibus Ioan-
na filia vndecennis fuit, cū oculis repentè ca-
pta, prorsus cæca fuit ampliùs sex menses. Pa-
rentes, quidquid à Medicis adhiberi potuit,
frustrà tentarunt. Porro Ioanna parentibus
inquit; Vtinam Pascha Domini sit! & liceat in
illâ Supplicatione apud Franciscanos vnà cir-
cumire! ita se sperabat liberatam iri. Alterâ
Resurrectionis Dominicæ die, mater & filia
nudipedes amictæ solis lineis, ante *Diua Vir-
ginis* sacram Imaginem cum ceteris processer-
unt. Rursus templum ingressæ sunt: atque
cū sacra imago templo inferretur, subitò ad
matrem suam filia; En video Diuæ Virginis
ima-

imaginem. Illæ verò, & quotquot aderant admirantes, & gaudentes, Christo Dei filio, omnium bonorum fonti, atque Deiparæ Virgini, grates dixerunt & laudes. Ioanna nunc Traiecti annum agit ætatis decimum nonum.

CAPVT XXVII.

Gibberus regibberus puer, & claudus, complanatus, restitutus.

I. **A**NTONIUS CL. V. Tossani VValteri, An. 88. 13. XCIIII.
 Exconsulis Mosæ-Traiectensis filius, dorso gibbero, regibbero etiâ pectore; insuper incuruis adeò crurculis & tortuosis natus est, ut in fulcra niti debuerit, adusque ætatis sextû circiter annû. A fratribus, à vernulis puerorum pro more fatigabatur: pumillum ridebant & nanum, quia paruulus; claudû exprobrabant, quòd pedibus impotens, ingredi non poterat. Et, Quisnam tu: erige te in pedes: gradere uti nos, & te, nec aliter, pro fratre nostro habebimus. Huiusmodi sannis afficiebatur quotidie misellus. Tandem animosè respondit Antonius; Ego vobis similis incedam erectus, si priùs *Diavam Virginem in templo Fratrum Minorum salutanero*. Quod parentes cùm existimarent à puero dictum instinctu diuino: festâ die Sanctorum Innocentum, anni nonagesimi tertij supra millesimum quingentesimum,

simum, filium deferunt ad templum Franciscanorum: ad aram Diuæ Virginis in ipsò Sacrificio Antonius, parentes, familiares accensum cereum offerunt: sed Antonius uti gibbosus & claudus venerat, talis domum reuenit. Ibi rursus illi Antonium irridete; Quin tu inambulas? an non iam *Diutam Virginem* inuifisti? Quibus ille; Propediem in Paschate à pedibus conualebo. Totâ interim Quadragesimâ puer fannis excipiebatur & dictæis. Frater eius germanus, parenti suo cognominis, Tossanus, iam institutum Prædicatorum professus, egregius Concionator; Sabbato sancto re peractâ diuinâ, è templo sub meridiem rediens domum, rursus, laceffit Antonium; Quin tu graderis? iam Pascha adest: an tãdem aliquando solus, pigmæ, incedes? Cui Antonius; Quin audeam? inquit. & ausus, fulcris sepositis, iuit solus ex vno culinæ latere in aduersum. Tum clamore & admiratione subortâ, parentes accurrunt: qui factum cognoscentes, Deû mirabilem in Deiparâ Mariâ dilaudauerunt. Mox iterum puer Antonius ex aduersum cucurrit ad patrem: atque ex eo tẽpore semper sine fulcris inambulauit. Gibbi, quibus pectore dorsoque deformis erat, complanati: crura citra medici & chirurgi curam restituta. Filio Antonio perfanato, parentes grati aduersus Deum, & Diutam Virginem, cum iteratò Sacrum in eius sacello peragi curauissent, eius fulcra

fulcra deorsum ferro munita consecrauerunt æternitati; quæ hodieque tanti beneficij miraculo testimonium perhibent:

CAPVT XXVIII.

Claudi in gressum erecti.

1. **A**GLIVS Ansea nauem exercens vectoriam Traiectum, Leodicum, vltro citroque sanctè testatus est, filium suum Simonem Ansea claudum natum utroque pede; adeoque ad sextum ætatis annum, non nisi fulcris nitentem ire potuisse. Mater concepit votum pro filio, ut ter in sacello *Dive Virginis* apud Minores Traiectenses ad illius aram pro eius salute sacrificaretur: tertio die cum tertium Sacrum fieret, subito præter naturam Simon clauditate persanatus, in pedes substitit, fulcra ibidem memoriæ beneficij atque miraculi dereliquit. Mater gratitudinis ergo filium B. Mariæ obstrinxit, quotannis in Supplicatione, statim altera die Paschatis, ardentem cereum circumgestare. Fecit Simon iam firmus & erectus, annum nunc habens vitæ quartum & vigesimum, quoad potuit liber ipse, & nemini obnoxius. Militat nunc sub signis Illustris & Generosi D. Baronis Grobendonckij Siluæducis Gubernatoris.

An. 1610.
xc.

2. Vir nobilis V. Valterus Hoensbroeckius,

An. 1610.
xcviii.

L 5

Guelæ,

Guelæ, &c. Dominus, Præfectus Valkenburgius, habitabat Vici, (quod opidulum pons Traiecto iungit) cum eius filia Margareta, ad annum vsque vndecimum, adeò dissolutis cruribus esset loripes, vt in modum lori & fasciæ pedes de coxendice dependerẽ viderentur. Mense Decembri, Catharina Hemkens cum in ædibus eius lintea lauisset, pietate mota, siue misericordiâ, Margaretam deportauit ad imaginem *Diue Virginis Fratrum Minorum* Ibi tum fuis precibus, Margareta vires accepit, domum parentis pedes repetiit. Viuit hodieque Margareta, in virginum monasterio Zinnich prope Aquas-granum religionem professâ. Viuit etiam pater, & Catharina ancillula, publicè miraculo ad stipulata.

An. m. d. c.
xcviii.

3. Elizabetha van Hagen Iacobi Carkens vxor, Traiectensis, ex filio Theodoro nepotem habuit Petrum Carkens, quadriennem, prorsus utroque pede claudum: nisi fulcris vteretur, sine vilo erat incessu. Ida mater Petri vouit pro illius restitutione, continuis nouenis Dominicis eum in *Diue Virginis* sacello præsentare, atque ad eius altare singulis quibusque Dominicis sacrificia per Sacerdotes offerre. Postremâ Dominicâ, mater cum filio sub sacro, ad Virginis religiosè aram precabatur: & Petrus firmus pedibus surgens, positis fulcris ad matrem accurrit, omni pedû vitio profligato; nunc

to; nunc rectè valens, vitæ habet circiter decimum annum.

4. Damianus Praeffen, Maria Boermans, An. ∞.
100.
coniuges Traiectenses, filiolarum habuerunt Annam, ætatis anni unius, sex mensium, utroque pedusculo ita claudam, ut non sine fulcris posset ire aut stare. Cum omnem operam perdidisset Chirurgus; parentes ad *Diuvam Virginem* vota fecere pro remedio: stiterunt filiolarum Dei matris imagini feriâ secundâ Paschæ, quâ celebratur Supplicatio. Pro filiarum integritate, cum tertio rem diuinam Sacerdotes operati fuissent, precesque fusæ: visa est repente in ipso Dei matris sacello conualuisse: ita ut ibidem fulcra derelinquens, paullo post ex integro restituta sit.

5. Philippus Kopis, eius vxor Catharina, Anno ∞.
100.1.
ambo ciues Traiectenses, filium habent Matthiam: qui anniculus totus claudus factus est. Tibiæ in formam decussatæ crucis complicabantur: non ire, sed repere tantum potuit; atque sic toto perseveravit triennio. Sed etiam tandem caput pueri adeo intumuit, ut duplo videretur maius, toto quoque tumente corpore, pueri mors in oculis parentum erat. Matthias circa festum Paschale matrem in-clamat; Ad fratres Minores me deferre. Sed illa cum negligeret, ille rursus clamare, & importunè postulare non desit, donec eò deportaretur. Mater tulit ad *Diuvam Virginis* ima-
ginem;

ginem ; ante quam cùm precata fuisset , domum voluit repetere : sed puer renitens diutius voluit hærere . Iteratò mater pro incolumitate prolis effulis precibus , domum filium reportauit : postridie tumor filij prorsus fuit profligatus . Læta nimis atq; grata mater , alterâ Dominicæ resurrectionis die , quod conceperat , nudipes , & laneis dumtaxat amicta , ante Diuæ Virginis imaginem processit . Vigesimo post die , sic crura comparata fuere , vt hætenus recte inambulauerit .

Anno 100.
10 C. I.

6. Francisci Smidtsij vxor in Libbeeck , propè à Traiecto , filiam habuit ætatis anno vno & sexto mense , cruribus adeò diuaticatis , & tam miserè à se distortis , vt frangi viderentur , cùm ambulare conaretur . hoc vitio toto ferè anno laborauit . Vouit mater pro sospitate filiæ , alterâ Paschatis feriâ , filiulam circumferendam in Supplicatione , *Diuæ Virginis* honori decretâ , apud Fratres Minores . fecit : & ex illâ horâ filiola cœpit conualescere . quam mecum gressu firmam complures , & rectè valentem , octennem viderunt , cui Barbaræ nomen est .

CAPVT XXIX.

Muti, morbidi, facti vocales, & sanati.

An. 100. 10.
LXX.

I. CHRISTIANVS Linsen ex vxore Machtilde Meyers , Traiecti filium sustulit
natu

natu minimum Christianum . hic ad annum
 vsque ætatis circiter quartum, non modò mu-
 tus fuit, verùm etiam prorsus sine voce & so-
 no: nec ridere potuit, neque vllum ore signum
 edere lætitiæ. Adhæc adeò lienteria laborauit,
 vt siquid cibi sumeret aut potus, nullâ morâ
 interpositâ egeret. Mater eius Machtildis
 filium opertum solis lineis ac nudipedem cir-
 cumduci fecit in ipsâ Supplicatione, feriâ se-
 cundâ Paschæ, quâ *D. Virginis imago* circum-
 gestatur, quando & ipsa simili schemate pro-
 cessit. Porro antequam procedere inciperent,
 cœpit ridere Christianus, quod numquam
 fecerat . peractâ Supplicatione domum ve-
 niens, auidè comedit, & ingesta retinuit: ve-
 sperī loqui incepit hilari & gaudens. Ex illâ
 hora factus vocalis, facundè loquutus est, fa-
 nus etiam & robustus, iam agens annum vitæ
 vigesimum nonum.

2. Agnes Schrijuers, vxor quondam Pa-
 schasij Euerardi Mosæ-Traiectensis, nata est An. m. d. lvi.
 anno Christi millesimo quingentesimo qua-
 dragesimo octauo, muta & clauda: toto
 octennio nihil loquuta gestabatur semper,
 etiam graui suspirio laborans siue asthmate.
 Mater eius Maria, anno salutis supra millesi-
 mum quingētesimum quinquagesimo sexto,
 ante festum Paschale monebatur in somno,
 vt voueret se processionem vnâ peracturam,
 quæ in honorem Dei & *Deiparæ Virginis*
alterâ

alterâ Paschæ apud Fratres Minores ex more Traiecti celebratur; sic futurum, vt filia loquelam acciperet & gressum. Iuit Mater viam Supplicationis obitura, in Sacello *Dina Virginis* filiam præsentans, ad Deiparæ imaginem pro filiæ suæ salute supplicauit. In summo Sacro, cum iam esset eleuanda ter sancta Eucharistia: mater relictâ in sacello filiâ, chorum intrauit, Christum verum Deum & hominem in Venerabili Sacramento adoratura. Interim Agnes se erigens firmatis cruribus è sacello cucurrit ad templi ianuam, vbi ante hos motus ferrea cratis pro antiquo more strata erat. Illa hætenus sine incessu & loquelâ timebat transgredi: sed tamen sumpto animo, pedem leuans conabatur, inquiens;

*Eia, eia, agedum! Institorum aliquis, qui suas reculas ad solemnitatem proposuerat, assumens puellam transportauit per cratem, per turbam hominum, qui frequentes confluebant. Tum Agnes ampliùs portari noluit: & è brachiis sui baiuli in terram demissa, sola domum è regione olim sitam, nunc destructam, dictam in den *Buim*, vicinam S. Hilarij tēplo. Sed domus, cum limen haberet altius: timida tentauit ascendere, eadem, vt priùs, loquuta. Vicini admirantes accurrere. Pater filiam per limen transtulit, arbitrans pro more baiulandam: sed Agnes renitens deponitur à parente; & currens huc illuc per domum, iactatis brachiis

*Teutonicè, *Op/op/*
up.

brachijs volare videbatur. Mater præ gaudio & admiratione, manare sanguinem ex ore & naribus : vouens quotannis Supplicationem, cuius sæpè meminimus, cõcelebraturam cum filiâ, nudis pedibus, lineis dumtaxat opertam. Deinceps Agnetem ex integro curatam ab asthma, linguæ vinculo, & clauditate, non semel alloquuti sumus Traiecti hodieque rectè valentem.

CAPVT XXX.

Paralytici restricti.

1. **A**RNOLDVS Slijpen Valkenburgi natus, Anno 15. lxx. nunc ciuis Mosæ-Traiectensis, iuratus asseruit, se cum suo fratre Michaële, triennes siue quadriennes, quando Valkenburgi habitabant in ædibus paternis, in tantum fuisse paralyticos, vt nisi fulcris sustentati, non quierint inambulare. Sollicitæ materculæ, alij atque alij, vt in morbis fit, alia consilia dederunt. Inter illos fuere suggerentes, Traiectum ad *Diuam Virginem* peregrinationem ineundam, pro salute filiorum. Venit mater cum filiis ad Deiparæ sacellum : vbi cum preces fudisset, Arnoldus cum fratre Michaële sine sustentaculis cœperunt incedere, sese ad scamna sustentantes. Itaque in miraculi monumentum ibi relictis cruciculis, domum firmo

firmitate gradu reuerſi ſint, numquã poſt fulcra uſurpantes. Arnoldus iam habet vitæ quinquaginta annos & vnum.

An. 10. 15.
LXXI.

2. Paullus V Valterus ab Huekelem, atque eius vxor Cornelia Valkenburgensis, Moſæ-Traiectenses, filiam genuere Sibyllam; quam trimulam totius corpusculi paralyſis inuaſit. In brachio læuo à manu ad cubitum plurima foramina habuit, tamquam aciculis puncta, perpetuò ſtillantia ſanguinem, inſtar muriæ falſiſſimum, intolerabilis graueolentiæ. parentes ſcſcinatam opinabantur: quòd viſa ſit ſuſpecta anus digito brachium pupugiſſe, hæc verba loquens; Quàm pulchra hæc eſt puel- lula! cùm ſtatim diſſolutione omnium ner- uorum; & tali brachio laborare cœpit ad duos circiter annos. Periclitatis, licet fruſtrà, cunctis medicamentis, mater vota vertit ad *Diuam Virginem*; ſe proximâ in Supplicatione Paſchali proceſſuram. Et quidem eâ die ſecundò viam proceſſionis obiuit: & haud ita multò poſt ante Pentecoſten ſubitò cura- ta Sibylla, inquit; Mater, num mea fulcra proiiciam in focum? en ſine illis incedo. Mi- rabantur omnes, Deum in gloriôſiſſimâ Dei- parâ dilaudantes.

An. 10. 15.
LXXII.

3. Mariæ Schoorens, vxoris Ioannis Mignon Burgundi, præſidiarij militis Moſæ-Traiectensis filia Iohanna, menſes nouem nata, & parentum lecto indormiens, mem- brorum

brorum omnium dissolutionem, & quâ porruit illâ ætate, dolorem suum eiulatibus & fletibus indicavit. Pater oppressam suspicabatur filiolum. Mater insolitos puellæ cruciatus curatura, medicos aduocavit, sed sine fructu. Suspicebantur plerique veneficium: nam quotidie valetudo augebatur in sexennium. Tunc etiam puella septemdecim diebus nihil alimenti sumpsit; nisi quod mater subinde filiæ labra lacte suo rigaret. Porro cùm humani remedij nulla spes superesse videretur, mater se ad omnium medicorum optimum conuertit, Dominum Deum, *Diuvirginem* mediatricem nostram pro sanitate filiæ interpellans; se cùm filiâ Diuvirgini Traiectensi stitit; ad eius imaginem sæpè se prostravit: atque die illâ Supplicationi decretâ, cùm ante summam aram mater orationes ex intimo pectore profunderet; filia è gremio matris balbutiebat, inquiens; Mater, iam sanata sum. Illa filiam videns erigi in pedes, & gressum conari, cùm nunquam crura mouere potuisset: filiam reportavit domum, ei fulcra parans, quibus utebatur adusque Dominicam in Albis. Quâ die mater cùm iteratò filiam Diuvirginis icunculæ repræsentasset, cum precibus lachrymas pro filiâ fudit. Vix finierat, & Ioanna ad matrem; Mater, iam ante me vidi mulierem speciosissimam: nec mihi fulcris ampliùs opus est; sanata sum, sola incedam.

M

dam.

dam. Quo dicto cruciculas abiecit, Sacello
 Diuæ Virginis consecrauit. At mater filiam
 complexa brachiis, vti solebat, domum vo-
 luit reportare: sed Ioanna renuens, multo-
 rum cum admiratione, domum pedes iuit,
 hætenus incolumis, ætatis annum agens de-
 cimum septimum.

An. ∞. 15.
 xcv.

4. Catharina Gulielmi Nijpels vxor filiam
 habuit Mariam, ad sextum circiter vitæ an-
 num pedibus membrisque adeò solutam ac
 debilem, vt gradi non potuerit, nec stare.
 Vouit mater triennio filiam in Supplicatione,
 cuius sæpè mentionem facimus, nudis pedi-
 bus, amictam se laneis dumtaxat, circumla-
 turam. Ante triennium expletum, cum sus-
 tentata fulcris *Diuam Virginem* in templo
 Fratrum Minorum rogasset: sine morâ re-
 strictis solidatisque membris omnibus, ibique
 miraculi testimonio repositis fulcris, domum
 pedibus rediuit, fortis, firma, ex omnibus re-
 parata perseverans.

CAPVT XXXI.

Herniosi reparati.

An. ∞. 15.
 lxvii.

1. **R**EINERVS Bornmannus ciuis Traie-
 ctensis filium habuit Franciscum su-
 pra fidem herniosum: in quo curando medi-
 camenta omnia frustra tentata fuerunt; vt
 medici

medici prorsus eius desperarent salutem . Eius matri Mariæ subiit, *Diva Virgini* apud Franciscanos sistere filium . Fecit : & factis aliquot Sacris pro pueri incolumitate, ligulam , quâ semper fuit vinctus, dissoluens, Divæ Virginis imagini suspendit. Quo facto, statim puer sanitatem adeptus , multis post annis sospes vixit, vxorem habuit, liberos procreavit.

2. Margareta Meyera Traiecti habitans publicè testata est , filium suum Franciscum Meyerum, septénis cum esset, ramice siue herniâ grauissimâ laborasse , remedia & adhibita medicaméta nihil profuisse. Votum fecit mater , tantisper dum viueret , nudis pedibus , & cõsueto lineorum schemate, in Supplicatione *D. Virginis*, à Fratribus Minoribus agitari solitâ , processuram se . Voto concepto , mox Franciscus solidatus fuit , nullo vitij relicto vestigio.

CAPVT XXXII.

Variis adfecti morbis, mirificè curati.

1. **M**ARGARETÆ Bacheriæ, viduæ Ioan- An. 66. 15.
nis Meyeri, filia fuit Maria Meyera: LXXIX.
quæ cum tredecennis esset , morbo correpta est grauissimo . Mater pro cari pignoris valetudine votum nuncupavit ; filiam primitus, cum ædes suas exire posset , *Diuanam Virginem*

ad Minores visurá. Iuit: sed præ nimio frigore vestes induta quotidianas. In templo cùm orasset, retrorsum cecidit in deliquium animi, deplorans se votum non vt conceptum fuerat soluisse. Alterâ die cùm fecisset, subitò sanata est.

2. Paucis pòst annis ipsa eadem Maria rursus infirmata grauissimè fuit: mors in mente & oculis erat. Vouit igitur ipsamet pro suâ salute, quoad viueret, in prædictâ *D. Virginis* Supplicatione, alterâ Paschalis celebritatis, peracturam se nudipedalia, lineis dumtaxat amictam. Paullò pòst ex morbo prorsus conualuit. Viuit etiam nunc, & sanctè Traiecti publiceque asseruit hæc, confirmatque.

An. m. d. c. lxxviii. 3. Gulielmi Nijpels ciuis Traiectensis Catharina vxor, ante circiter annos viginti, quartadecimâ die à suo partu, immani totius corporis dolore correpta est: quiescere non diu non noctu potuit, altos miserandosq; semper clamores edidit. Votum igitur pro se concepit eiusmodi; nouemdio legere Dominicam orationem, & salutationem Angelicam: tum quoque tribus sequentibus annis, in Supplicatione *Diue Virginis* apud Franciscanos solemni, lineis se solis amictam atque nudipodem processuram. Ante expletû dictum nouemdium, omnino liberata dolore, curata fuit.

An. m. d. c. xc.

4. Nicolaus Valkenburgius ciuis Traiectensis

ctensis filiolum habuit Annam Valkenburgiam; quæ annicula adeò ægra & deformis est facta, plerique vt venirent ipsam inuisum pro monstro. Osculum semper hiabat: vix oculi in capite cernebantur. Ancilla vtrique, Catharina à Mersen & Anna, puellam deportauerunt Sittardiam Henrico nobili chirurgo medicandam. Is nimio diutiùs expectatum inquiebat, quàm vt curari posse sperabat: imò videbatur illi mortua; manum tamen adhibuit, licet morbum nequidquam medicatus. Matri morrenti suggestit Anna à Svartzenburg, tribus continuis sextis feriis ad *Divæ Virginis* sacellum apud Franciscanos deferendam esse: quod statis diebus fecerunt, quibus etiam Anna rigidè ieiunavit, in cibum aquam solummodò & panem sumens, Deo & Divæ Virgini in honorem. Tertia dies antequam aduenisset, filiola ridere cœpit, clausit osculum, & manducauit. In dies firmior, perfectè sanata est, iam ætatis annum agens octauum decimum.

5. Franciscus Muelepas Mosæ-Traiecten-^{An. 1612.} sis, trigesimo tertio ætatis anno, maximâ corporis ægritudine laboravit, vt se crederet iam moriturum. Ipsâ sacrâ Paschali die licet maximo cordis dolore correptus; tamen secundâ feriâ sequente, alacritate magnâ è lecto surrexit, vt pro more, cum aliis in *Divæ Virginis* processione circumiret. Obiuit, &

M. 3. mox

mox integram sanitatem recuperavit.

An. 88. 10.
XCIX.

6. Maria Meyera, cuius suprà meminimus, testata est, se, annos cùm haberet triginta tres, iam tum nuptam Theodorico Antonio, ægerrimam fuisse à suâ partione; & extremis Ecclesiæ munitam Sacramentis, adedò vt ab omnibus vitæ suæ finis certò appropinquare censeretur. Votum igitur pro suâ nuncupauit salute; tertio deinceps viâ Supplicationi *Dinae Virginis* destinata, nudipedem & dumtaxat lineis amictam se obituram. Vix abierat medium horæ, cùm ab illâ grauissimâ liberaretur infirmitate. Momento oculi decedebat corde dolor, corpore morbus, cunctis demirantibus. Rogata ab aliis, quâ ratione tam inexpectatò curata esset; A Deo, inquit, & Virgine matre robur atque hanc valetudinem accepi.

An. 88. 10.
XCIX.

7. Damianus Prassius, Maria Bormans eius vxor, ciues Traiectenses, Elizabetham filiam, sexto à natiuitate mense, fascino (vt suspicabantur) tactam, siue veneficio affectam habuerunt: cõsumptâ carne sola pellis ossibus hærebat; nec mori potuit, nec viuere. Tibiæ, pedes, brachia, extorta erant, & velut inuersa. Parentes testati sunt, tam fuisse miserabilem, quàm potuit aliquis mortalium. Subiit illis, infantulam *Dina Virgini* sistere, & pro eius sospitate precari. Factum cùm esset; in ipso sacello Deiparæ, infantula paullatim conualuit,

ualuit, cruribus & brachiis naturæ loco re-
stitutis.

8. Catharina vxor Gulielmi Nijpels in
grauissimum incidens morbum, à cunctis
posse viuere desperabatur. Vt aliquoties fece-
rat, se voto obstrinxit, nudipedalia peractu-
ram, laneis vestitam solis processuram in
Dina Virginis illâ celeberrimâ Supplicatione.
Vouit, soluit, reualuit.

Anno 1600.
12 C. VI.

9. Sic *D. Virginis Matris potentissima & piissi-
ma charitas, & affectu compatiendi, & subue-
niendi abundat effectû, aequè locuples in viroqz.
Ad hunc igitur fontem sitibûda properet anima
nostra. Ad hunc misericordia cumulum totâ
solicitudine miseria nostra recurrat. Et, ô san-
ctissima Deipara, sit pietatis tuæ, ipsam quam
apud Deum gratiam inuenisti, notam facere
mundo; reis veniam, medelam agris, pusillis
corde robur, afflictis consolationem, periclitanti-
bus adiutorium & liberationem, sanctis preci-
bus obtinendo. Et semper dulcissimum Mariæ
nomen cum laude innocantibus seruulus, per te
Regina clemens, gratia sua munera largiatur
Iesus Christus Filius tuus Dominus noster,
qui est super omnia Deus benedictus in sacula.
Amen.*

Ber. Ser. 4.
de Assum.
B. Mariæ.

Indid.

CAPVT XXXIII.

*Attestatio Senatus Mosæ-Traiectensis super
fide prædictorum miraculorum.*

HÆC, quæ in vrbe Traiectensi à DIVA
VIRGINE miracula facta potui repe-
rire, in hunc ordinem ita conduxì: eaque
testatiora, quàm quæ dubiosa esse putari de-
beant, testificatio Senatus Traiectensis euin-
cit, quam subiungimus.



NOS Prætores, Consules, & totum
commune Consilium ciuitatis Traie-
ctensis ad Mosam; omnibus & sin-
gulis has nostras litteras visuris,
lecturis seu legi audituris, Salutem in Domino.
Quandoquidem æquum & rationi consenta-
neum sit, veritati testimonium perhibere; no-
tùmque sit à Diuâ Virgine Matre Mariâ, ad
Imaginem in Conuentu Fratrum Minorum
Instituti de Obseruantia, dictæ ciuitatis nostræ
Traiectensis ad Mosam, plurima miracula auo-
maiorum nostrorum ante hominum memoriam
exhibita, & nunc etiam nostro sæculo plurima
beneficia miseris ac desperatis conferri: visum-
que fuit R. P. F. Henrico Sedulio Ordinis Mi-
norum regularis Obseruantia Prouincia infe-
rioris Germania Ministro, diligenter illa inqui-
sita, Deo in honorem & gloriam, Diua Virgini

in debitum cultum, cunctis piis in salutarem fructum, typis commendare: quod ipsum ne temerè atque inconsideratè fieret, prædictus Sedulius contentus non fuit ipsemet in ista miracula diligenter inquisivisse; testes etiam adhibuit & Notarios, ex nostro Ordine Senatorio viros fide dignos. Denique ut magis comprobata innotescerent, anno Domini 1608. mensibus Iunio & Iulio, prædictus Sedulius, ab utroque Traiectensi Collegio sancti Servatii & B. Mariae Canonicos aliquot egregios, pios ac doctos viros; item à Magistratu nostra Civitatis nonnullos Senatores postulavit, qui omnes supra capite 23. recensentur. In quorum confesso publico aliquoties iterato, relata, deposita, rursus audita & examinata, atque etiam iureiurando confirmata fuere. Cum itaque in prædicta miracula sufficienter inquisitum esse cognoscamus: hinc est quòd tenore præsentium, omnibus has nostras visuris, coram Deo attestamur, miracula præscripta à capite vigesimo tertio usque ad hoc nostrum publicum Instrumentum, quæ civibus nostris, & nostre civitatis Traiecti ad Mosam incolis & accolis evenisse scribuntur, verè contigisse. Nec dumtaxat attestamur hoc Instrumento veritati: verùm etiam coràm, quoties opus fuerit, digito demonstrare parati sumus; quia plurimi, qui beneficia miraculosè à Divâ Virgine consecuti sunt, etiam nunc supersunt. In quorum omnium &

singulorum fidem & testimonium, presentes nostras litteras sigilli nostra Ciuitatis ad causas (quo in his & similibus uti solemus) appensione communiri, atque per unum nostri predicti Consilij Secretariorum subsignari, iussimus: Datas Traiecti ad Mosam, Anno Millesimo sexcentesimo octauo, die verò mensis Iulij duodecimâ.

Iussu suorum honorandorum Dominorum præfatorum

Ioannes Houpæus.

CAPVT XXXIV.

Leodici matrona laborans incurabili morbo supra biennium, ex voto reualuit.

Anno 99.
130. II.

1. **N**ON modò Traiectum, verumetiam pagi, villæ, opida, ciuitatesque vicinæ, miraculosa curationum beneficia ab hac Diuâ senserunt. Ordior à Leodico, quam Legiam nonnulli dictam tradunt, nobili decoratam elogio; fidelem Ecclesiæ Romanæ filiam. Vrbs est magna & amœna, frequens & copiosa, quæ cum maximis Europæ urbibus certare potest, siue potentiam & magnitudinem spectes, siue, quæ cunctis anteponenda est, pietatem & religionem.

2. Hic Edmundi Fabri Leodicensis Officialis

cialis Sigilliferi vxor Maria Darthois habitans, ex fide narrauit, incurabili se grauissimo-
 que detentam morbo, continuū lecto affi-
 xam fuisse toto biennio, octo mensibus, ab
 omni medicorum abdicatam ope. Quapro-
 pter consilio cuiusdam, circa solemnitatem
 Purificationis B. Mariæ, pro suâ sospitate vo-
 tum nuncupauit; quotannis se Traiectum
 venturam celebratum Supplicationem in
Diue Virginis honorem, à Fratribus Minori-
 bus solitam agitari, alterâ die Resurrectionis
 Dominicæ, expiatam per Confessionem à
 peccatis, sumpto Dominici corporis Sacra-
 mento, tum etiam in gloriam Dei, Deiparæq;
 matris oblaturam tedam. Voto facto, Maria
 habere meliusculè cœpit: & paullò pòst sci-
 pione sustentata, ædes suas huc illuc peram-
 bulauit, integrâ breui valetudine recuperatâ.
 Iuit ad dictam Supplicationē Traiectum, vo-
 ta soluit proximâ celebritate, solutura semper
 quoad vixerit pro tantâ incolumitate, Diuæ
 Virginis ope sibi collatâ.

3. Etiam hoc Maria attestata est; cū Anno ..
 aliquando districta negotiis interuenientibus 100. VII.
 ad Supplicationem prædictam comparere
 non potuisset, debilem se factam & infirmam,
 tantisper dum conceptum votum soluisset:
 id quod contigisse anno Christiano septimo
 supra millesimum sexcentesium ingenuè
 falsa est. Nam quòd distulisset, III. Non. Maij
 ægrior

ægrior Leodico voti gratiâ venit Mosæ-Traiectum, ad *Diuam Virginem Franciscanorum*: cùm die sequente, illa, quibus se voto adstrinxerat, expleuisset; rectissimè valens ac robusta Leodicum rediit.

Sed nemo mirari debet, cùm videat eiusmodi remedia solatio generis humani à D. Virgine adhiberi: *ipsa medicum genuit: ipsa medicinam generis humani ex se produxit.*

Cæsar
Heisterb.
lib. 7. ill.
mirac. c. 15

CAPVT XXXV.

Sittardiæ Juliæ opido, puellæ vitiatæ & occlusus oculus apertus, & illustratus.

Anno ∞.
1507.

1. **M**IRACVLVM hoc, quibus ad me verbis perscripsit R. D. Pastor Sittardienſis, refero. *Anno Domini supra millesimum sexcentesimo septimo, ante festum Pascha, contigit puellam quamdam Ioannam dictam, filiam M. Ioannis Ganderheydeni, cuius oppidi Sittardienſis, & Collegiata Ecclesiæ S. Petri ibidem Succentoris & Organistæ, nec non Apostolicæ & Cæsariæ auctoritate Notarij publici, atque etiam Concilij Susterensis Secretarij, tali vnus oculi corripiti vitio, ut is totus videretur deperditus, atque ita occlusus, vitio accrescente, maneret, ut (nequidquam adhibitâ arte medicâ) de eius visu vel sanitate restituendâ desperaretur: uti palam & passim in oppido Sittardienſi quoque*

que innotuit. Quando verò medicâ vel naturali arte nihil effectum iri videbatur: mater dicta puella votum fecit, filiam ducendi ad Chorum & Imaginem SS. Deipara, in Ecclesiâ S. Francisci Traiecti ad Mosam. quod ubi fecit ipso festo Visitationis eiusdem anni, statim sensit oculi apertionem & restitutionem; ita ut pannos, quibus antè obvolutus erat, ibidem reliquerit: & peregrinationem intra octauam Assumptionis, & postea tertio in festo Natiuitatis cum Matre repetens, deinceps sensit & retinuit (laus Deo Virginique Matri) oculum integrum, clarum, & sanum in hodiernum usque diem. Hac mihi infra subscripto Pastori Sittardensi diligenter examinata puella ipsamet fassa est: cuius defectum quoque antè, sicuti & iam restitutionem oculi, ipsemet quoque meis oculis contemplatus sum: & uterque parens ita seferem habere, interrogati & examinati à me diligenter & specialiter, coram vocatis & adhibitis testibus fide dignis Domino Simone Coloniensi, & M. Ioanne Crieckelman, & fassi sunt, & constanter affirmarunt; parati etiam, si opus foret, iuramento id ipsum confirmare. Acta sunt hac in adibus meis Pastoralibus, decimâ octauâ die Iulij, anno incarnationis Dominica supra millesimum sexcentesimo octauo.

Ita testor ego Franciscus Agricola Pastor
Ecclesiæ Sittardensis, & Concilij Suste-
rensis Decanus.

Ita

Ita vera fateor ego Ioannes Ganderheidenus, qui supra: hac manus propriæ subscriptione.

I. Ganderheid. Notar.
in fidem.

Ego Simon Colonienſis Collegiatæ Eccleſiæ
Sacellanus hæc omnia ita eſſe atteſtor.

Et ego Ioannes Crieckelman omnia vera
fateor ex relatu parentum.

CAPVT XXXVI.

Tungris ſolidati pueri hernioſi.

An. 1583. I.
LXXXIII.

DVO ſequentia miracula Notarij Tun-
grenſis verbis commemoro. *Vniuerſis
& ſingulis præſentes viſuris, ſeu legi audi-
turis, notum ſit: Quòd ego inſcriptus, ad
petitionem cuiuſdam honorabilis viri, hoc
ipſum à me requirentis, præſentium tenore cer-
tiſſico: quòd in anno 1583. aut circiter, filius
meus natus maior Ioannes, iacens in cunabulis
grauiter ruptus circa verenda, per matrem ſuam
ſit delatus Traiectum Moſæ, ad proceſſionem per
Fratres Minoritas fieri ſolitam alterâ die Pa-
ſchatis. Hæc prolem, magno pietatis affectu, in
vlnis ligatam gerens, ſecuta Diuæ Virginis
Mariæ imaginem fuit in proceſſione. Eccleſiam
Minoritarum ingreſſa, precibus deuotè effuſis
conſiſſa, ligamen ſoluit ibidémque reliquit: &
ab illâ*

ab illâ horâ sanatus permansit puer in hunc usque diem: qui Ioannes numquam ab istâ horâ intermisit (hoc anno tamen non sine graui causâ pratermisso) quin singulis annis se in eâdem processione pedibus ac capite nudis, unicâ veste lineâ indutus, presentarit, in gratiarum actionem Deum laudando, & beatam Virginem ipsius Matrem inuocâdo. Id quod certifico manu meâ propriâ in testimonium pramissorum subscriptâ hac 28. Maij, 1607.

Henricus Vlieck Tungrensis
publicus Notarius.

2. Anno à Natiuitate Domini 1607. An. 1013.
mensis Maij die 27. in prasentiâ honorabilis xcvii.
viri D. Laurentij ab Aertsbergen, Subplebani
in oppido Tungrensi, & Cornelij Verners testium, comparuit personaliter Maria vxor Laurentij de VVederen oppidani Tungrensis: sponte & non inducâ confessâ fuit ingenuè, quod abhinc decem annis, nempe in anno 1597. pietatis causâ, & ex merâ deuotione, habens filium Ioannem homine, tunc temporis rupturam patientem iuxta verenda, eundem spe recuperanda sanitatis duxit ad processionem, alterâ Paschatis die apud Minoritas Traiecti fieri solitam; ibidemq; Diua Virginis Maria imaginem in processione sequebatur circumeundo, cum magnâ fiduciâ Deum pro gratiâ & misericordiâ, beatam Virginem pro intercessionem apud suum

suum Filiū implorauit incessanter. Et templum est ingressa, cum filij maiori quàm antè infirmitate laborantis collapsa sunt intestina; quæ reintrusit, & ligamen quò ruptura ligata fuit, soluit, & ante Imaginem Diuæ Virginis ibidem reliquit. De quo miraculo laudauit Deum in excelsis, eiusdemq; Matrem semper Virginem beatissimam pro beneficio præstata gratia: declarans ab illo die filium suum prænominatum, ab huiusmodi rupturâ conualuisse, sanatum & incolumen extitisse, vsque in hanc horam. Benedictus Dominus Deus in excelsis. Assistens & astant huic mulieri Thomas Lansmans oppidanus Tungrësis affirmavit præmissa (eò quòd viderit & præsens fuerit eadem horâ) vera & notoria esse & manifesta. Acta fuerunt hæc Tungris anno, mense, & die præscriptis, præsentibus testibus suprâ nominatis;

& me Henrico Vlieck, publico Notario ad præmissâ vocato specialiter, & requisiti-

Herendalia item sanatus ramicosus.

3. Ioannes Cuyperius, ciuis Herendalensis, iureiurando adfirmavit, quando puer cohabitabat parentibus, in pago S. Martini Voire, vbi & natus est, non procul à Traiecto, tantâ se herniâ fatigatum, vt tumor erumpentium viscerum anseris ouo exæquaretur. Tristes parentes pro incolumitare pueri votum conceperunt, postridie Paschæ ad *Diuam Virginem*

ginem Traiectensem, vnà cum filio Ioanne, voti pietatisque gratiâ triennio peregrinari. Illi cum expleissent quod promiserant, Ioannes Cuyperius prorsus sanatus de cetero nihil sensit ramicoli, Deum laudans, Diuæ Virginis laudes concelebrans. Miraculum, Senatorum opidi Herendalensis signis confirmatum, ac Notarij publici manu exsignatum, cuius ostendere in promptu est.

4. *Dic ubi sunt, Natura, tua post talia leges?*

Sedul. 1.
Carm. pas.
circa med.

*Nempe Creatori (cuius, quacumque videntur,
Seu quacumq; latent, & rerum machina ser-
ua est)*

*Omne suū famulatur opus, sequiturq; iubentis
Imperium, quocumque trahit sententia nutu.*

5. Fatendum est, *Deum esse qui faciat mi-* Pf. 76. 15.
rabilia, & cum vult, solus: omnipotens est, no- & 71. 18.

stri bonorumque nostrorum minimè egens.

Verumtamen, quia ipse edixit; *Qui honorifi-* 1. Reg. 2.
cauerit me, glorificabo eum: in gloriam amico- 30.

rum suorum, & verò maximè per gloriosissimam Dei Genitricem Mariam hæc talia patrat, cultui ipsius asserendo. Quid vetat credere? quid iuuat proteruiter & imperitè negare? An etiam, quia non credunt isti, res ita se non habet?

Numquid incredulitas illorum Rom. 3. 3.

fidem Dei euacuabit? Sanè, dies Domini, seriùs licet, declarabit incredulis.

CAPVT XXXVII.

*Plurima miracula facta, non scripta, cum
laude D. Virginis, Matris misericordiae.*

Theod.
lib. 8. De
Græc. aff.

1. **O**PINIONE plura maioraque ad imaginem Diuæ nostræ miracula facta narrantur: sed ascribere nolui, nisi certa, superstium testimoniis & iuramentis. Nam plura quàm scripsimus euenisse, multa illa D. Virgini suspensa, fulcra, ligulæ, fasciæ, imagines, rei & memoriæ consecrata, *testantur, quæ votorum rei dona persoluunt, manifesta nimirum adepta sanitatis indicia.* Nam alij quidem oculorum, alij verò pedum, alij porrò manuum simulachra suspendunt... *Gratissimè namque accipit eorum Dominus qualiacumque sunt dona: nec exigua nec vilia dedignatur: quippe qui ea proferentis facultate metitur. Hac itaque omnium spectaculo exporrecta, testantur morborum expulsionem, cuius ipsa certissima signa sunt, à sanitate consecutis allata.*

2. Ita est, opinione plura sunt patrata: sed, ut ætas incuriosa fuit, fortean & ingrata, multa memoriæ fugerunt; eò maximè, quòd plurimi in eo sint errore, silentio potius suppressimenda, quàm vulganda. At nos contrà docet S. Angelus Raphaël, cùm ad Tobiam in-
Tob. 11. 7. *quit; Sacramentum Regis abscondere bonum est:*
opera

opera autem Dei reuelare honorificum est. Quisquis igitur obliuia ista & omissa conquirit & suggerit, non modò nobis, sed & ipsi Deo & Diuæ Virgini rem gratam præstabit, immortali præmio compensandam. Et ex animo rogo, vt pij quique inquirant, indicent, & manum addant.

3. *Silcat misericordiam tuam, Virgo beata, si quis est, qui inuocatam te in necessitatibus suis sibi meminerit defuisse. Nos quidem seruuli tui ceteris in virtutibus congaudemus tibi: sed in hac potiùs nobis ipsis. Laudamus virginitatem, humilitatem miramur: sed misericordia miseris sapit dulciùs; misericordiam amplectimur chariùs, recordamur sapiùs, crebriùs inuocamus. Hæc est enim, quæ totius mundi reparationem obtinuit, salutem omnium impetrauit. Constat enim pro vniuerso genere humano fuisse sollicitam, cui dictum est; Ne timeas Maria: inuenisti gratiam, utique quam quærebas. Quis ergo misericordia tua, ô benedieta, longitudinem & latitudinem, sublimitatem & profundum queat inuestigare? Nam longitudo eius vsque in diem nouissimum, inuocantibus eam subuenit vniuersis. Latitudo eius replet orbem terrarum: vt tua quoque misericordia plena sit omnis terra. Sic & sublimitas eius, ciuitatis superna inuenit restorationem: & profundum eius sedentibus in tenebris & in umbrâ mortis obtinuit redemptionem. Per te enim calum repletur, infernus*

Ber. Ser. 4.
de Assum.
B. Mariæ.

evacuatus est, instaurata ruina celestis Hierusalem, expectantibus miseris vita perdata data est.

CAPVT XXXIIX.

Aduersus impios & calumniatores.

Athan. in
Euang. de
Sanctiss.
Deiparâ.

I **Q**VAMOBREM & NOS, ô Diua, tui clientuli, ad te clamamus: recordare nostri sanctissima Virgo, quæ etiam à partu virgo permansisti: & retribue nobis pro exiguis istis eloquiis magna dona ex diuitiis tuarum gratiarum, tu, quæ gratiâ plena es.

August. de
Symb ad
Catech.
c. 1. tom. 9.

2. Rideant nunc, iam tunc irridendi impij & imperiti; læti labantur in Orcum, ut qui Sardois herbis expleti, cachinnantes intereunt: nobis stat hæc sententia; Deiparam Virginem mortalibus datam vitæ matrem, aduersus Euam culpæ parentem. Hæc soluit, quod illa ligauerat: ut prolem quam per inobedientiam sui morte damnauit, hæc per obedientiam restituat vitæ.

*Sedul.
lib. 1 Car.
Paschal.

..... * Ut unde
Culpa dedit mortē, pietas daret inde salutem.
Et velut è spinis mollis rosa surgit acutis,
Nil quod ladat habens, matremq; obscurat
honore:

Sic Eva de stirpe sacrâ veniente Mariâ,
Virginis antiqua facinus noua virgo piaret.

Vt

*Vt quoniam natura prior vitiata iacebat
Sub ditione necis: Christo nascente renasci
Possset homo, & veteris maculam deponere
carnis.*

3. O ter Sacrosancta Virgo! (de qua qui Basil. Se-
omnia illustria & gloriosa dixerit, numquam is leuc. Ar-
quidem à veritatis scopo aberrauerit: attamen chiepsc.
dignitatis magnitudinem nullâ umquam ora- Orat. de
tione exaquetur.) aspice nos de caelo oculo propi- Verbi in-
tio. Et nunc quidem educ nos hinc cum pace: ad carnat.
Iudicis autem thronum à confusione liberos nos
sisse; ac stationis tandem ad dexteram participes
nos effice: ut inde ad calum abrepti, unâ cum
Angelis increatam hominiamq; Trinitatem
laudemus, quæ in Patre, & Filio, & Spiritu san-
cto cognoscitur & glorificatur, nunc & semper,
& in secula.

CAPVT XXXIX.

*Scriptio hæc D. Virgini consecrata, cum illius
inuocatione pro salutari morte.*

I. CETERVM præpotens Deus (ingenuè fa-
temur) sine Virgine matre, orbem sal-
uare, gratiam potuit infundere: sed tamen illi
visum, tale nobis ad se vehiculum prouidere.
Quamobrem quidquid hoc est operis, Diuæ *Ber. Ser.
Virginis purissimis manibus voueo & com- De Nariu.
mendo; * ut eodem alueo ad largitorem gratiæ B. Mariæ.
N 3 gratia

gratia redeat, quo influxit. Confido, licet non omnibus numeris absolutum, non repellat tamen quidquid illud sit, quod inter Maria manus inuenerit.

Trag.
Christ. pa-
tiens.

2. . . . *At tu, quod precor summum, id mihi
Concede, vitâ sic ut excedam, illius
Ut tantum habens te praesidem semper, velut
Ingentem opum vim; te, tuum erga Filium
Mihi patronam sentiam acceptissimam.
Ne me ergo traditu sinas tamquam ad crucem,
Ludibrioq; illius exponi, omnium
Iuratus hostis qui sit, & mortalium
Pestis: tuere me, atque ab aeterno asserere
Igne & tenebris, per fidem qua iustior
Sum factus, & per gratiam tuam inclytam,
Quâ nusquam vlla notior nobis fuit.
Hoc propter, ecce, texo nunc tibi, memor,
Gratumq; carmen. O puella, gratiâ
Aequanda nullis; Mater, & Virgo supra
Omnes decora virgines; & maxima:
Qua vincis omnes sola calitum ordines;
Regina, Domina, generis humani bonum;
Amica semper esto tu mortalibus;
Maximaq; quouis in loco mihi salus,*

CAPVT XL.

Conclusio cum precibus ad nostram Diuam.

1. **P**EREGI quod de Diuâ Mosæ-Traie-
ctensi in animo erat. Sed quia nemo
culpæ

culpæ omnino liber est, aut notæ; nec ullus tam timidus offensarum, quin aliquando in eas incidat, cùm maximè vitat: en, offero spongiam, optimam aberrantis stili medicinam. Quisquis legis emenda, & corrige medicâ manu; vt pro sis, non noceas; quod boni ingenium est. Si quis contempserit: quid refert? Apud nos, non qui patitur, sed qui facit iniuriâ, miser est. Faue, beniuole Lector: & voueo; Diua Virgo nos cœlitus respiciens, me scribentem custodiat, te legentem. quam extremum alloquor & precor publicis verbis;

2. *Quibus laudibus celebrabo Virginem, per quam hæc acta sunt? per quam lapsus facta est reparatio? quis honor exhiberi poterit puritati eius ex aquo respondens; cuius amore captus opifex, ex eâ suum construxit tabernaculum, in quo minimè recusauit habitare, in quo paterna voluntas est impleta? Quanam gloria ei poterit tribui pro meritis? cui superiorem gloriam præter se Creator ostendet? O donum, quod nullo potest honore, vt par est, affici! O pulcherrima pulchritudo omnium pulchritudinum! O Dei Genitrix pulchrorum omnium summum ornamentum! Tu casum veteris nostræ nobilitatis crexisti partu tuo, qui est super rationem. Tu primæ imaginis obscuratam speciem restituisisti in suam pulchritudinem. Tu primæ parentis dolores in pariendo susceptos, tuo partu in gaudium conuertisti. Per te paradysum purè sumus consecuti.*

Georg Archiep. Nîcomed. Orat. de præsentat. B. Mariæ. to. 6. Sur. die 21. Nouemb.

Per te generis nostri colonia ad propriam rediit mansionem. Per te recessit romphæa versatilis. Per te, quæ erant clausæ, deliciarum portæ fuerunt apertæ. Per te spes Prophetarum ad effectum suum sunt deductæ: in te finem acceperunt, quæ ab eis dicta sunt. Per te nostræ resurrectionis certa signa tenemus. Per te nos regna calorûm speramus affecuturos. Te nostræ salutis habemus adiutorem. Te nostri auxiliij habemus defensorē. Te proponimus, cuius ore nostræ dicatur excusatio. Te nostræ fiduciæ circumferimus gloriationem. Te Christianorum multitudo murum habemus firmissimum. Te fideles reges arma habent valida: per te bellorum frangunt audaces impetus: per te consequuntur trophæa victoriæ.

3. *Tu, ô Dei Genitrix, ne despicias preces eorum, qui semper petunt. Præbe manum laborantibus, opem fer eis, qui agitantur tempestatibus. Seda bellorum fluctus: fac in auras evanescant spiritus eorum, qui incessunt iniuriis. Da petitioni conuenientem (potes enim) euentum. Habes ut mater in filium, quæ recusari non potest, fiduciam. Habes vires insuperabiles, robur inexpugnabile. Ne immensam tuam clementiam superet multitudo peccatorum. Ne absurda retardent tuam, quæ verbis exprimi non potest, misericordiam. Nam quacumque fuerit multitudo eorum quæ ignorantur, ea facilem accipit solutionem, si tu solum volueris. Nihil tuæ resistit potentia,*

potentia, nihil repugnat tuis viribus : omnia cedunt tuo iussui, omnia obediunt tuo imperio, omnia tua potestati serviunt. Te omnibus suis operibus reddidit excelsiorem, qui est ex te natus: & per ea, quæ in te facit admirabiliter & præter opinionem, ita esse confirmavit; ea potes cōsequi citra laborem. De iis absque ullo intercessore compella Creatorem. Delectatur petitione, gaudet se rogari: non resistit, quo minùs impleantur. TVAM enim gloriam existimat esse propriam: & tamquam filius eâ exsultans, quasi exsoluens debitum, implet petitiones. Nota, nota

4. Itaque ego quoque, ô Domina, fretus tuâ, quæ exprimi non potest, potentiâ & benignitate, ex egenis labris fructum tibi obtuli: indignum quidem qui offeratur; sed optimam meam indicat voluntatem. Neque enim mea solum vires non assequuntur quod desiderant: sed magnorum etiam virorum expectationibus id ipsum accidit; ut id non assequantur. Accipe ergo non attendens opera, sed admitte promptum animi studium. Accipies autem sat scio, ut quæ sis amans bonorum, reddens pretium pro peccatis, & regno calorum dignans, propitiumq; reddens Patrem, & Filium, & Spiritum sanctum, unam Diunitatem & regnum, ineffabilem potentiam & dominationem: quam decet gloria, honor, & adoratio, nunc & semper, & in secula seculorum. Amen.

FINIS.

IN.

INDEX CAPITVM.

A ffectus noster aduersus Deiparam Virginem, cum illius inuocatione, verbis sanctorum Patrum. Cap. i.	pag. 1.
Origines vrbis & pontis Traiectensis. Cap. ii.	4.
De sancto Materno, & sancto Seruatio, Tungro- rum Episcopis. Cap. iii.	13.
De cœnobio Fratrum Minorum, & in eo Diuæ Virginis imagine. Cap. iv.	20.
Quomodo D. Virginis imago præseruata fuerit à sacrilegiis iconoclastarum. Cap. v.	24.
Diuæ Virginis Diuorumque imagines, Apostolo- rum æuo factas, piis in vsu semper & honore fuisse. Cap. vi.	27.
De sacrarum imaginum vsu salutari, ex Synodo Nicenâ secundâ. Cap. vii.	32.
De saluberrimis fructibus ab imaginibus sacris, ex eâdem Synodo. Cap. viii.	34.
De cultu approbato, & veneratione sacrarum ima- ginum, ex eâdem Synodo Nicenâ. Cap. ix.	39.
Quâ ratione Diuorum imaginibus dentur suffi- menta, lumina accendantur, ex eâdem Synodo. Cap. x.	43.
Virgo mater Maria Christo primum exhibendi mi- raculum auctrix fuit: ipsa dum vixit nulla, sed ab excessu plurima edidit. Cap. xi.	47.
Nonnulla miracula superioris æui, à Diuæ Virginis imaginibus. Puniti iniuriosi & impij. Cap. xii.	52.
De Supplicationibus Ecclesiasticis, quæ ex cæri- moniis veteris Legis celebrantur. Cap. xiii.	66.
Supplicationum Ecclesiasticarum origines demon- strantur etiam ex nouo Testamento, & varia schemata. Cap. xiv.	73.
	Crucis

Crucis vexilla ritu prisco, ritu nostro, fructuosè in
Supplicationibus præferri, adhibitis lumina-
ribus. Cap. xv. 81.

Nudipedalia in Processionibus piè ac laudabiliter
peragi; ciliciis, lineis solis, siue laneis amiculis
amiciri. Cap. xvi. 91.

Cathenas, loricas, arma ferrea ad pœnitentiam cor-
poribus affligendis ritè applicari. Cap. xvii. 100.

Imagines Deiparæ Virginis in Supplicationibus
vtiliter & fructuosè circumferri. Cap. xviii. 106.

Theophoriam Venerabilis Sacramèti in Supplica-
tionibus instinctu diuino adhiberi. Cap. xix.
112.

De sodalitia Chordigerorum sancti Francisci.

Cap. xx. 132.

Celeberrima Processionis conuentus Fratrum Mi-
norum Mosæ-Traiectensis descriptio. Cap. xxi.
145.

Quando cœperint à Diuâ Traiectensi miracula
coruscare. Cap. xxii. 153.

In miracula Diuæ Virginis seriò inquisitum: dili-
genter ea in publico cōfessu examinata: quorum
vnum atque alterum anno salutis Christianæ
∞. 1506. viii. patratum, enarratur. Cap. xxiii.
165.

Immersus dolio ab aquis & morte seruatus.

Cap. xxiv. 159.

Plurimis vulneribus letalibus saucius mirificè cu-
ratus. Cap. xxv. 160.

Cæca puella visum recepit. Cap. xxvi. 166.

Gibberus regibberus puer, & claudus, complana-
tus, restitutus. Cap. xxvii. 167.

Claudi in gressum erecti. Cap. xxviii. 169.

Muti, morbidì, facti vocales, & sanati. Cap. xxix.
172.

Paralytici restricti. Cap. xxx.

175.
Her-

- Herniosi reparati. Cap. xxxi. 178.
 Variis adfecti morbis, mirificè curati. Cap. xxxii. 179.
 Attestatio Senatus Mosæ-Traiectensis super fide prædictorum miraculorum. Cap. xxxiii. 184.
 Leodici matrona laborans incurabili morbo supra biennium, ex voto reualuit. Cap. xxxiv. 186.
 Sittardix Iulix opido, puellæ vitiatus & oclusus oculus apertus & illustratus. Cap. xxxv. 188.
 Tungris solidati pueri herniosi. Cap. xxxvi. 190.
 Plurima miracula facta, non scripta, cum laude D. Virginis Matris misericordix. Cap. xxxvii. 194.
 Aduersus impios & calumniatores. Cap. xxxviii. 196.
 Scriptio hæc Diux Virgini consecrata, cum illius inuocatione pro salutari morte. Cap. xxxix. 197.
 Conclusio cum precibus ad nostram Diuam. Cap. xl. 198.
-

Corrigenda ante lectionem.

- Pag. 45. versu 2. sinceram. adde in marg. Fors. leg. sinceritatem, vel addendum caritatem.*
pag. 54. ver. 22. Inzozopoli. leg. In Zozopoli
pag. 65. ver. 22. adde in marg. A. ∞. 150. 1141.
pag. 118. ver. ult. reuelatus. leg. releuatus.
pag. 131. ver. 4. ex. lege, &
pag. 146. ver. 7. septimo. lege, octauo.

APPRO.

APPROBATIO.

LIBER iste eruditione & pietate refertus, cui titulus, *Diua Virgo Molæ-Traiectensis*, à Reuerendo admodum nec non & Religioso viro ac Patre fratre *Henrico Sedulio*, *Minorum Fratrum Almæ inferioris Germaniæ prouinciæ Prouinciali Ministro*, concinnatus & editus, nihil continet fidei nostræ Catholicæ aduersum vel dissonum, neque sacris Conciliis, doctrinæve sanctorum Patrum: quin potius ipsorum sententiis passim abundat, eorumq; inharendo vestigiis, *Ecclesiæ Catholicæ Apostolicæ Romanæ ritus varios*, quos ab initio obseruauit, doctè exponit: *Sacrarum imaginum cultum* tuetur; & ad *Virginis intemeratæ honorem & deuotionem mentes piorum dulciter & suauiter allicit*, fidemq; nostram (hæreticorum perfidiam simul contundens) doctrina & miraculis extollit & firmat. Quapropter illum meritis dignissimum iudico ut typis mandetur, & bonis auspiciis veniat in lucem, ad Dei omnipotentis potissimum gloriam, eiusq; deinde gloriosissimæ *Matris Mariæ*, omniumq; Sanctorum, atque ad fidelium & Catholicorum consolationem & illuminationem. In quorum fidem has dedi, & subscripsi *Bruxellæ*, IX. Octobris, M. DC. VIII.

F. Andreas à Soto, Sereniss. Infantis
à Confessionibus.

TRACTATVM hunc de *Diuâ Virgine Molæ-Traiectensi*, auctore R. P. *Henrico Sedulio*, *Ordinis Fratrum Minorum de Obseruantia inferioris Germaniæ Ministro Prouinciali*, à me diligenter perlectum, ob variam ac solidam quam continet instructionem, dignum censui, qui typis excusus, omnium manibus teratur. XIX. Augusti, M. DC. VIII.

Petrus vanden Wiele S. T. L. Archidiaconus
Mechliniensis, & lib. Cenfor.

SVMMA PRIVILEGIIL


ALBERTI & ISABELLÆ CLARÆ
 EVGENIÆ, Archiducum Austriæ,
 Ducum Burgundiæ, Brabantia, &c. Serenissi-
 morum Belgicæ Principû, Priuilegio cautum
 est: nequis R. P. F. Henrici Sedulij de **DIVA**
VIRGINE MOSÆ-TRAIECTENSI
 librum, præter voluntatem Ioannis Moreti,
 typographi Antuerpiensis, intra sexennium
 excudat, aut alibi excusum in inferioris Ger-
 mania ditiones importet, venalémve habeat.
 Qui secùs faxit, confiscatione librorum &
 alia graui poenâ mulctabitur; vti latius
 patet in litteris datis Bruxellæ xxii. Augusti,
 M. DC. VIII.




Signat.

de Berri.







5-3-3



